

地...
3246
...

棲霞縣志
元集

第一册	序	凡例	目次	卷一 疆理	卷二 建置
	陸氏	圖			

之討也檇邑僻處東
陲民貧地瘠而兵燹
之後凋瘵尤甚徵志
於棲蓋難言之余承

序

二

乏茲土燁心撫字八
載於茲未敢云召父
杜毋俾寤簷菲屋一
日享和平之福而徵

志於今以視夫八載
之前不無稍異前志
由來遠矣兵興以來
家鮮全集增修之志

序

三

匪伊朝夕今

聖天子濟問下民責令郡

邑以志聞此正古管

盛肯輔軒采俗之意

余用是益自黽勉且
快始願之有成爰訪
遺聞進邑孝廉牟君
鳳伯使董厥事鳳伯

序

四

曰志易言哉自遷固
以還志輿地者無慮
數十家隻辭少盤君
子猶做帚視之僕何

人斯敢以較負余曰
不穀簿書弗給分任
於君君職其詳余職
其要惡乎不可且也

序

五

千金之裘不成於一
狐之腋君無讓矣鳳
伯唯唯還屏居如心
館中述其先世之意

兼集羣書叅究訂論
余復爲之拾其遺聞
以評品附焉凡數閱
月而後報成事卽不

序

六

敢妄意有加於前倘
庶幾哉志旣成復進
鳳伯與語曰君知邑
有志卽國有史乎史

備一代彰痺志備一
邑勸懲爲功均也茲
志一出後之宦於斯
生於斯者披卷而悟

懼然而奮指某爲仕
也賢吾將肖之某爲
鄉也賢吾將肖之嗣
是裨治理表風教以

景行無窮斯志實爲
之嚆矢矣如徒以文
爾也語云玉卮無當
卽美弗寶觀者亦且

序

八

做帝棄之何足述焉
鳳伯又唯唯是役也
徵文翰於世家詢傳
聞於故老臚列區分

誠慎之矣余樂其事
之成因述巔末於簡
端云

肯

序

九

龍飛康熙壬子陽月之吉
知棲霞縣事加二級
古燕胡璘霽玉父膏
於思補堂



序

十

叙

周禮職方氏掌天下

方輿圖籍小史掌邦

國志外史掌四方志

凡道里之遠近山川

之險夷邊竟之要害

土地之肥磽風俗之

美惡人士之淳澆物

產之鉅細戶口之蕃
耗錢穀之多寡畢具
焉王者披覽則較若
列眉以故身居深宮

叙

之中而心周溥海之
內所繫顧不重哉漢
唐元明咸有一統志
亦猶行古之道非徒

以備疆宇之廣已也
國朝定鼎於兵燹之餘郡
縣舊志千百中僅存
十一三十年來以經

叙

三

制未定不逮及焉今

允輔臣請下直省各郡縣

纂修之邑侯彰玉胡

公屬其事於孝廉鳳

伯牟君書成欲余爲
序余不禁伏枕歎歎
曰登郡八屬率皆土
瘠民貧而糶爲尤甚

于逆變後更非其舊
余何忍下筆棲無邊
幅其道里猶是也而
今所見無非筭路蘆

縷矣山猶是也而今
材木濯濯且有野豕
害苗矣川猶是也而
遷徙不常平田強半

砂后矣土地則屢易
其主耕耘不時而沃
者瘠瘠者荒矣風俗
則終喪且貧剋婚喪

祭莫備矣人士則衣
食不贍無暇禮義矣
物產惟粟而值賤如
土正供難辦矣戶口

叙

六

則萬餘者今止三千
餘矣每丁一錢餘者
今每丁至六錢五分
矣錢穀則民窮財竭

昔可傳檄而輸者今
則敲扑仍遁矣余何
忍下筆雖然樓之困
苦特未達之

叙

七

宸聰耳倘藉此彙呈

御覽得知昔之爲樓者如

彼今之爲樓者如此

思所以脩復而存恤

之選定而安集之未
必非棲人苦盡其來
之一會也因不敢以
不文也而辭之

叙

八

龍飛康熙十一年十一月

初八日

賜進士禮科給事中邑人

李唐齋西林甫序



叙

九

叙

古史廢於秦而志興
焉豈直稽歷代沿革
之由風土形勝之跡

叙

之類斯已乎要之綜
名實垂墨戒有感人
心挽世運者存是故
識治體者先之余邑

故有志自先大夫羽
翼何侯纂訂成書丹
丹六十禩遺事莫稽
况

叙

二

興朝定鼎以來一統車書
文洽四國闕焉弗修
何以備太史采錄哉
邑侯胡公奉

上簡來蒞吾邑旣下車精
神計慮罔不在閭閻
疾苦八載刑清蠹剔
士勸民乂蓋久任樹

叙

三

立者章章矣當六事
暇慨然有意於斯會
憲臺檄下郡邑將徵志
以報

天子而侯之意愈不容已
也爰采訪遺文搜羅
故實特延余第國玠
爲之纂輯凡數易朔

叙

四

而始呈艸於侯侯從
簿書之隙婢思釐正
力追古雅志成將壽
之梓侯不余鄙俾序

以言余惟侯所重在
志不在余詞章文不
文也局敢逆命夫與
地有志尚矣黃帝畫

塗分州大禹任土作
貢職方掌於大司馬
小戴記王制之詳皆
帝王政務攸寓而太

史氏之所重也姬轍
不西降爲秦魏戰國
諸侯方務去其籍而
帝王經世之大經大

法隱矣繼是馬班執
筆始有志有紀有傳
有表後世因之有今
邑志之作蓋亦史氏

紀事之體爾視郡志
定加詳余次序觀之
其間州野之分畫山
川之表會官府之營

叙

七

置學校之興修祠祀
之秩文靡不具焉以
至風氣之有淳漓吏
治之有污隆民生之

有休戚地方之有舒
悉財計之有詘盈人
材之有盛衰則皆侯
之所經營無倦者也

叙

八

吾觀古之求治之殷
者嘗隨事而設教因
教以守常而達變而
所爲集衆美以永其

傳則莫備於邑志舉
一邑而不徒爲一邑
之志求之於天下之
大焉舉一志而不徒

叙

九

爲一邑一省之志求
之於古今之遠焉斯
以知極盛之世治術
尊於一人學術明於

人人卽以是爲貫天
人右神明合道莧動
民物之用也奚歎焉
若迺侯之於邑先之

叙

十

勞之八載之中如勸
耕墾招戶籍新庠序
建堂署凡有功德於
棲者靡不次第舉行

所謂百廢具興者也
寧惟此志足殫其勤
哉是爲序

皆

叙

上

龍飛康熙壬子陽月旣望
賜進士候選知縣邑人牟
國須柱東父書於世

德軒



敘

志者紀也紀郡邑之史也
周官有小史外史掌邦國
四方之志以察民俗以稽
吏治郡邑眎古侯國而無

敘一

史官經世之士膺厥任者
以時考事次其闕失式備
一方之史猶古道也故志
也者典章存焉教化寓焉
治忽在焉匪徒具文飾觀

爾矣棲志舊出王氏家藏
前令何侯纂論成編先大
夫實勛勩厥事壬子先大
夫適宰宜陽又先刺史判
歸德時也相與參考而互

欽二

證之先大夫迺捐資以授
梓人刊成遍散通邑一時
余謂盛舉癸未有傾城之
變家無全集戶無全書遂
闕焉而因稽會先大人以

歲徵與

廷試過他邑而獲原本歸來指
而目之曰此爾祖昔日刊
本也子敬識之因以示余
余捧讀再三仰見先大夫

敘三

之爲邑計者深以遠也頃
之先大人復語余曰莫爲
之前雖美弗彰莫爲之後
雖盛弗傳序述纂修是亦
我之責也是亦我之責也

維時先大人乃旁搜遠攬
萃諸達人之聞見按先大
夫編紀之後表年月而敘
次之集而未就竟未成書
復不幸而頻值兵興僅存

敘四

先大人筆錄遺本披讀之
餘手澤如新特以簡編殘
失廢缺莫稽嗚呼惜哉然
先大人以先大夫之心爲
心余曷敢不心先大人之

心以心先大夫之心屈平
仰體於茲懷增修之志蓋
已有年幸我

胡侯來宰是邑存心教養八
載于茲凡見之經濟者皆

敬五

期于不朽而通切切以樓
志不傳爲慮也適

朝廷徵志郡邑而侯志以成於
是迺訪之師儒徵之典籍
咨之父老論定纂修不鄙

曠聰命余國珝謬佐是役
竊謂邑志之輯國史攸關
一日編摩千秋徵信余以
寡昧深懼舛譌掛漏貽羞
大雅然承侯命且先業也
不敢有違唯是敬述先世
舊聞請鑒定於

敬六

縉紳先生長者以及邑中有
識之士閒効一得叅互考
證期無負侯付託之意凡

數閱月而志略具其閒山
川人物風俗城郭公署學
校選舉戶口貢賦之屬有
裨治道者悉謹志之或筆
或削悉遵先大夫及先大

敘七

人遺意不敢妄事臆識至
於芟繁剔疑補闕闡幽使
理明事核足以信今而傳
後則仍歸侯功非鄙人所
能仰贊高深也噫嘻先大

夫刊訂前編成於壬子而
余敬承侯命亦在壬子之
歲斯志之成豈偶筮者哉
昔

龍飛康熙壬子冬十月邑舉人

敘八

年國玠鳳伯甫書于如心
館



增補縣志序

棲僻邑也距嵎山爲帝堯
寅賓出日之處曼曼乎名
區也哉壬午冬余始至人
境一望皆山幽邃似武陵

序

心悅之抵城見廬井蕭索
民衣鶉結心復憂之夫豈
鰓鰓爲殿最計哉慮撫綏
乏術有忝父母責耳次歲
秋大饑余益恐幸

皇恩浩蕩連蠲三歲額賦鴻嗷
頓息余亦得藉手補救以
告無罪乘暇乃取縣志披
覽之竊有異焉棲無他產
林木桑麻狐貉畜牧昔亦

序

二

稱饒今山則童矣營築且
購椽隣境矣炭且罷市矣
一羊之皮一狐之腋價增
十倍矣金錢絲絮騰貴而
輸將用度俱艱矣此何以

故豈兵燹後瘡痍久未復
與抑雨暘多愆氣數使然
乎不則民情且奢業日落
也不則司牧過也余不禁
爲之三歎旣又念比年來

序

三

孝弟節烈余表之科第文
學余揚之陋規煩役余除
之要以示勸懲一時未若
登諸志焉爲足傳久顧吏
事旁午未能也今春逢

率華南巡余千里馳驅不遑
處五閱月方得旋署適薦
紳牟公以增補縣志請序
於余余喜且諾曰此余之
心亦余之分也然序則序

序

四

矣獨是棲風土日儆公務
又與饒邑等而力則不支
微論不得志亦不勝志奈
何余愧矣生息休養道將
安出余勉之尤願後之君

子共勉之

皆

康熙四十六年歲次丁亥

六月既望

勅授文林郎知棲霞縣事福清

序

五

鄭占春梅邨甫題於節愛

堂



增補縣志小引

縣志志一縣之事凡年歲
之豐凶賦徭之增減人才
之盛衰仕宦之顯晦以及
風俗景物之變遷事遞增

小引

志亦遞加志之不可歷久
而不修也明矣吾邑志古
無可考明季則邑侯何公
修之先大夫刊之

皇清康熙壬子先大兄重修之

迄今三十有六載矣歷年
事蹟積累日多久之恐湮
沒無稽余山居之暇與友
人李君任謀輯補之稿成
呈

邑侯鄭公公廉惠素以文教
爲心輟然曰可因爲之撰
序序中洞悉民瘼噢咻鞠
育之誠悠然見於言外其
真詩所云樂只君子者乎

時姪恒方遷稼部

欽命監督錢局乃寄之令付梓
所費俱余與恒措備不煩
里社也余固陋何敢言著
述夫亦追念先業畧加補

小引

三

綴庶繼起者得藉以纂修
不至嘆文獻之無徵云爾
皆

康熙四十六年歲次丁亥
七月既望

賜進士原任直隸南宮縣知縣
牟國瓏重季甫書于悅心
亭



小引

四

增補縣志序

丁亥秋八月吾棲邑侯

鄭公修縣志脫稿八叔父緘

示恒於京邸謀付梓人余

受讀一過而不禁感且怍

序

也憶壬子歲先伯父修志
時余年逾舞勺粗辨文義
伯父與先大夫命余侍側
供濡毫伸紙之役以其間
得請問作志之源流政事

之沿革興廢兩大人每指
示之至微言緒論亦得竊
領畧而心存焉曾幾何時
而兩大人先後捐館矣考
棲志昉於王氏家乘明萬
曆中前令何公據以成書
先大夫官宜陽刊板此志
之始也一修於今

上壬子邑侯胡公總其事而伯
父與先大夫實執筆畧今

修於鄭侯而八叔父操鉛
槩以司其成則一志而寒
冢數世皆與其事撫今追
昔輒興水木之思又不獨
先人之手澤具存爲可感

也余自丙子通籍入直薇
省者十年珥筆之餘每討
論梓里之掌故言念歲月
之遷流恐湮者愈湮而存
者漸不可識也嘗有志於

增補而未之逮今移官儀
部則戴星出入又非西清
之暇豫比矣何幸鄭侯之
仁心爲質而以民之事爲
己之事且以百年之業成

之數月乎夫侯之造福吾
邑者非一端卽以修志言
之他日披覽留連何者宜
興何者宜革民瘼何以除
國典何以復漸次修舉以幾

當年樂利之休皆於是乎
在余不敏敢不黽勉以仰
答侯意且以愚昧得附名
於祖父及諸先生後有榮
幸焉故感且怍而不敢忘

序五

所自者如此若典章之關
係今昔之盛衰事蹟較增
於前條例稍嚴於昔則侯
與八叔父之序詳矣茲不
贅告

康熙五十年歲在重光單
閏孟春穀旦

賜進士奉政大夫禮部祠祭清
吏司郎中前戶部湖廣司
員外郎廣東山西司主事

序六

纂修

三朝國史丁丑武

殿試執事官內閣掌

誥勅中書舍人牟恒述齋甫敬
拜題於寅清公署

序七

皇朝

樂錄

修志姓氏

任官

分守登萊海道山東布政司叅議加一級武國柱

登州府知府加一級楊日盛

同知宋時化

通判馬秉慧

養震縣知縣加二級胡璘

縣丞徐琦

典史朱萬胤

棲霞縣志

姓氏

儒學訓導崔方振

鄉紳

賜進士禮科給事中李唐裔

原任潮州府同知張震

原任隆平縣知縣牟鏘

賜進士原任清水縣知縣孫鏡

賜進士候選知縣牟國須

舉人牟國玠

拔貢李運源

副

貢牟國瓏

儒

學

生

員林養聲

孫公僑

謝宣

韓正傳

李生梓

丁浩然

牟如岩

李任

懷霞縣志

姓氏

二

張大行

林璿

郝琮

張文燧

凡例

一志稱在邑異於郡州雖鮮事文自嚴體要亦見從來時代遞遷纂修曠遠爰亟編摩用脩觀採一志內條目各列篇章以便勸覽

一志之善者多於官師題名寓褒貶以示觀懲棲則僅存褒者他無稽焉夫褒且不可妄而况於貶謹依舊志規則序次題名德政可傳者間標數語以俟後之董狐

一丁地例書前代舊則然軍國重計以簡明爲尚

棲霞縣志

凡例

况

功令一準萬曆原額矣茲所載惟照本年賦役全書一尊

昭代一便會計也

一邑乘與國史異凡典禮儀注如文廟庶主公堂慶賀之類百里小縣罔不同然瑣屑書之徒繁剗剔茲編從畧戒浩漫也

一忠孝節義世道攸關書名載實據事表彰但恐擷取未廣尚多漏遺補所未逮唯俟君子

一譜命郡志不登然如繪如繡

天語皇皇視一切贈答何啻管輅昆白兵燹後書畫寥寥聞載數道以見一斑

一志內凡遇

節詩旁書元字代之

一關文以曲代之

一人物例當書字然多關連或聞以號稱如述所聞非有優劣

一列女節烈例以夫家為主然或適外邑而為邑

棲霞縣志

凡例

二

人之女者亦書之懿德之好應有同心

一藝文所以傳事非尚文詞若在可傳文雖未工亦必錄入至字義偶訛介在無似悉仍舊文效昔人傳氣之意觀者當自得之

一官師選舉人物之類時有增益茲於後幅留餘地嗣者續入庶無改輯維艱之處

一萬曆舊志其體裁明密義例簡嚴實作者之範國志家之程度茲雖新輯雖越前規謹列原序於藝文以見作者之意不敢沒前善也

棲霞縣志圖

星野圖

縣境圖

縣城圖

縣治圖

學宮圖

棲霞縣志

圖

鏡 縣

北至蓬萊

福至東北



南至陽


至萊陽縣界七里

山界六十里 東至寧海界一百一十里 東南至

北

星野圖

西



南


鏡縣志圖

東

城 縣

圖 之

北



東

西至北黃縣



西南至萊陽界五十里

界十八里

界十五里


圖

二

圖之

縣治圖


北



東

西

三





南

學宮圖


東

西

北



南



殿聖祠

殿

殿

門

池

鄉賢祠

門

西

五

樓霞縣志目次

卷之一

疆理志 有箴並小叙

星野 有論 沿革 有論 境界 形勝 有總論

山川 有論 古蹟 街巷 鄉社 有論

坊市 有論 物產 有論 風俗 有論

卷之二

建置志 有箴並小叙

城垣 有論 公署 縣學 祀祠 有論 祠堂

樓霞縣志 目次

廟宇 寺觀 有論 坊表 有論 學田

義塚 橋梁 有論

卷之三

賦役志 有箴並小叙

勅諭 丁徭 有論 地稅 有論 總計

起運 本色 倉糧 存留

額外 開墾招撫 有總論 九釐銀議 附

卷之四

官師志 有箴並小叙

縣令 有論 縣丞 有論 主簿 典史
教諭 有論 訓導 有總論

卷之五

選舉志 有箴並小叙

徵薦 有論 甲科 有論 鄉舉 有論 貢生 有論

監生 附總論 例職 武科 有論 武職 有論

贈封 有論 命婦 有論

卷之六

人物志 有箴並小叙

棲霞縣志

目次

二

經術 有論 勲臣 直臣 治臣 有總論

將材 有論 猥士 有論 義行 有論 孝子

孝女 孝婦 有總論 義夫 有論 賢婦

節婦 烈婦 有總論 義僕 有論 異人 有論

卷之七

祥異志 有箴並小叙

祥異 有論 兵事 有論

卷之八

藝文志 有箴並小叙

誥封 典籍 碑 記

銘 序 跋 賦

墓表 傳 詩 有總論

棲霞縣志

目次

三

樓霞縣志卷一

知樓霞縣事加二級古燕胡 璘露玉父重修
賜進士內府禮科給事中邑人李唐裔西林父鑒定
賜進士 侯 選 知縣邑人牟國須在東父訂正

邑舉人牟國玠鳳伯父纂修

疆理志

崑爾山城蕭然海濱層巒擁簇錯水流文獻圖
患寡求牧憂貧政惟宜俗教在觀民

邑乘國史之徵也廢興沿革因代而著山川風

樓霞縣志 卷之一 疆理

俗卽事以傳而其要則疆理之志爲首焉則夫
法象之疆次都邑之華易形勢之強弱流俗之
盛衰以及高山大川之險 比閭壘肆之分畫
皆史氏之所必詳也樓雖僻邑詎無紀載以志
境內之事而時易世移荒蕪遠莫稽明萬曆間創
修陞乘又幾燬關隱顯疑似之間寧終聽其湮
沒而不傳耶今輿地如故風氣日新蒞斯土者
因時制宜起敝興衰庶治可漸而臻乎志疆理

星野

齊地虛危之分野也東有菑川東萊琅邪高密膠東

南有泰山城陽北有千乘清河以南渤海之高樂高

城重合陽信西有濟南平原皆齊分也

漢書 攬霞地屬東萊郡

虛危之精流為青州分為齊國立為萊山

春秋運斗樞

東萊入危九度

晉書

須女虛危元枵也初須女五度餘二千三百七十四

秒四少中虛九度終危十二度其分野自濟北東踰

濟水涉平陰至於山莊循岱嶽衆山之陰東南及高

棗霞縣志

卷之一

星野

二

密又東盡萊■之地得漢北海千乘淄川南齊郡及

平原渤海九河故道之南濱於碣石古齊紀祝淳於

乘譚寒及斟尋有過有禹蒲姑氏之國其地得甄書

之下流自濟東達於河外故其象著為天津絕雲漢

之陽凡司人之星與羣臣之祿皆主虛危

新唐書

虛二星距南星去極一百度半危三星距南星去極

九十六度

宋兩朝天文志

青齊子危分故昔皆以萊牟屬之按青州東距萊牟

千里細查晉天文志高密入婁一度城陽入婁九度

膠東入胃一度則平度以北皆屬胃分 樓霞入胃
十三度昴宿卷舌之上 一星入十三度一分氣末一
星入十三度九十分

樓之分野附危之坎原志 以山川脈絡言之屬危爲

近而或以爲入胃者蓋泥於晉天文志而不知其書

之多謬也郡志

論曰體國經野必先辨其分星邑統乎郡郡統
乎國藁爾樓似無煩焉相保章之辨也然均在
照臨之下參以五事察以庶徵是何可以不備

樓霞縣志 卷之一 星野

三

與夫在天成象在地成形知微之君子候星氣
驗祲祥天人之間捷如景響安可誣也語云日
變考德月變省刑星變結和君子修其在我以
遷天休則占星之紀正所以責人事矣

沿革

明	元	金	宋	唐	隋	北魏	南宋	晉	東漢	漢	秦	戰國	春秋	三代	唐虞	總部	郡	縣
山東布政使司登州府	山東東西道般陽路總管府	山東東路	京東東路	河南道	青州部	光州部	青州部	青州部	青州部	青州部	青州部	齊	萊牟	青州	青州			
棲霞縣	棲霞縣	棲霞縣		陽曠鎮				東萊國	東萊郡	東萊郡	齊郡境東							
									黃縣	甌縣								

棲霞縣志

卷之一

沿革

四

國朝

山東布政使司登州府

棲霞縣

地在禹貢青州之嶠■本牟子國下邑春秋戰國入齊境漢爲陞縣屬東萊郡東漢廢入黃縣而晉而南北朝而劉宋因之元魏改屬東牟郡隋又改屬東萊郡唐爲蓬萊之陽曠鎮屬登州東牟郡宋因之金置淘金所一名金山郡迨阜昌中僞齊劉豫始置棲霞縣元明因之屬登州府

國朝因之

論曰棲僻東陲斗大山城僅如黑子之著而非

棲霞縣志

卷之一

五

若四會五達之道可以分裂宰割而歷代沿革之故亦復紛如乃城邑依然而荒殘凋瘵且日見告披圖覽古能無今昔之感也按史稱虞夏守武都而民增數萬允文知太平而戶口日登彼豈盡金城天府歟棲雖小誠得良有司後先相繼多方招徠之數十年生聚教訓之則人傑而地以靈安在彈丸之區不可漸致邗隆哉

境界

東至寧海界一百一十里東南至萊陽界七十里南
至萊陽界五十里西南至萊陽界五十里西至招遠
界五十里西北至黃縣界五十里北至蓬萊界八十
里東北至福山界六十里抵府一百五十里廣一百
三里袤一百十里

形勝

翠屏峙其南艾岫雄其北左據靈峰右倚方嶂崇山
峻嶺險固可依

棲霞縣志

卷之二

境界

六

論曰先王建國封侯分茅胙土子孫奕葉相承
勿失昭其守也今雖易公侯而郡縣而所以重
典守之意則未嘗不存焉因詳考其縱橫開方
計之明列於編有不俟繪圖以請而強教悅安
之君子知必揚然於中矣若乃壁立巉巖環護
交鎖臚而列焉其亦王公設險之意歟

山川

翠屏山

在縣南半里蒼翠壁立如屏

釜甌山

在縣南十三里圓頂孤高望之如窺釜甌

唐山

在縣東南十五里上平廣四面石壁如削世傳唐太宗征遼駐蹕於此按太宗征遼道出平州未嘗至登通志不核而仍其誤今正之

石山

廣霞縣志

卷之一 山川

七

在縣南四十里山石大而圓多三四成累二者或下一石圓小上積大氣上七六若出人焉或看山水冲洗積漸使然

院山

在縣東南七十里其山盤據數十里北有壽昌院東有天宮院西有子推院皆在山麓故名

靈山

在縣東七里危峰翠嶺土人立廟禱雨輒有靈應

岨嶇山

在縣東三十里虞書分命羲仲宅岨
雷岨岨推金史僕散安貞傳楊安兒與汲等乘舟入海欲走岨嶇山即此山也亦名金山齊乘

云以產金得名卽地記萊陽縣坑也隋開皇十八年牟州刺史辛公義於此坑冶鑄得黃金獻之山寺有隋碑淘金者所祖然三時沙汰僅得分毫名曰淘金無大利也土俗訛傳隋開皇中出黃金九屋俗儒便紀之於石殊可笑矣

恭山

在縣東三十里迤東又有寨山上有兵寨基址

鳳山

在縣東五十里昔傳有鳳鳴其上

鉅齒山

在縣東七十里尖峯斷續如鉅齒然

棲霞縣志

卷之一

山川

八

豹山

在縣東北三十里曾產豹

白石山

在縣東北四十里

兌山

在縣東北五十里上缺象兌

百澗山

在縣東北七十里山多石澗百道交錯舊產鉄今無

公山

在縣北十五里山之陽有雲庵丘長春丹室也其詩曰公山隱二挿蒼穹宮屋公山第一峯

松山

在縣北三十里昔多松

虎山

在縣北三十里魯產虎

龍山

在縣東北四十里昔傳有螭龍起

峩山

在縣北四十里峩峩然東西數里

棲霞縣志

卷之一 山川

九

交毛山

在縣西北二十五里傳古有鳳凰來棲百鳥羽毛交集

艾山

在縣西北三十里噴吮秀拔峻巔不易攀躋上產靈艾蒼紫莖光異凡種世傳五月五日神人採之遂以名山北抵蓬萊西連黃縣稱棲霞第一山

北曲山

在縣西北三十里舊產鉄今無

蠶山

在縣西北五十里形如蠶簇連黃縣界

北斑山

在縣西十里土石相半五色斑文可觀在此山之南者曰南斑山

崗山

在縣西五十里有大王祠世傳唐征遼亡將封此

大方山

在縣西南二十里四周可三十里許上方而平東一峯特起廟祠神張姓者傳亦唐亡將也春日晴明時雲物周護起伏變幻有城池樓閣旌旗人馬樹木之狀經時乃滅若海市然在艾山亦有之然皆不多見也

彭家嶺

樓霞縣志

卷之一 山川

十

在縣東南五十上有通路二十餘里其石若一塊然迤北有水車嶺

清香崗

在縣東七十里巉岩翠聳延接鉅齒山產清香

烏沙崖

在縣北二十里峭壁臨河土石多烏

林家嶺

在縣東八十里峻極路登者危之其他有胡家嶺滾龍嶺段子嶺狼城嶺此類尚多皆山形之虛巖阻絕者也

翠屏洞

在翠屏山之陰明正德間居民穿石壁爲之深夾餘居神像

虎斑洞

在縣東四十里洞門之上巉巖若墜色雜青黃類虎斑文其中深邃叵測舉火試之煙出山後石竅中

洪花洞

在縣東北五十里壘巒有門稍折而下中空如屋高丈許廣如之又東折下行清泉一泓深數尺疾者飲之輒療

藏煙洞

在縣西北五里明弘治間居民就邃谷鑿石壁爲洞高廣各丈餘步履其中隱隱有聲

接霞縣志

卷之一 山川

十一

白洋河

發源靈山經城南翠屏山下而西而北受諸山之水合流環流抵福山夾河入海

原曠河

發源蠶山北源經招遠縣城東北合東良平南二河入海

西大河

發源艾山南行抵萊陽五龍河入海

文水

北三里東西南三水交會北流如篆文然

聖水

濱水

在大方山之陽石竇湧泉潛行隱竅經石龍口噴珠而出下注方池徐洩之側有聖水庵

在縣北十里濱都官前抵福山入海

仙井

北十五里丘長春修道觀募南方大木隨得輒投水中悉從此井湧出一曰木井

溫泉

西北三十里艾山東麓出如沸湯深可療疾土人斃石為池立廟其上

平泉

東北四十里平地突湧不息可引灌田

棲霞縣志

卷之一

十二

論曰山澤之水富國阜民非細棲誠多山乃蔓草離離巖石叢叢材木亦無有焉其稍平者民或就而晝疇耕不獲蓄不畜復甘心乎棄之河遠諸水沙淺頻竭舟楫不通魚鱉不泳且也雨集則漲不可支地當其衝矣雨止立見其涸又非可溝之洫之以備曠涉者也山水如斯利耶害耶民之不窮且竄幸矣

古蹟

濟都宮

北十里真人丘處
機建一曰太虛宮

古栢

二株並列太虛宮後無皮枝幹皆枯歷久不朽
其東株存皮少許徹底徹梢僅有此枝生發相
傳為長
春手植

赤巷口

北二十里古有望氣者謂此地有妖氣遲歲月
即成會鄉民掘之深尺許其下草木之根皆如
人馬形體已具
悉焚之氣遂滅

雙霞縣志

卷之一

古蹟

十三

臥龍崗

東五十里昔富人隋姓者卜葬於崗坡既穿忽
白兔躍出臥石上少頃化龍入海今石上鱗角
跡宛
然

金牛穴

東三十里即距嶠山麓隋開皇間
有金牛中出至今一寶深不可測

摸錢岩

北十五里公山庵下丘長壽童時修煉於
此以金錢投岩下至夜手摸之不得不止

黑王相公墓

在西北十五里宰相亦宋王得用
嘗宦於此後人思之葬衣冠以祀

宋比部郎王公墓

在北四十里泮橋鋪明正德間農者掘地得石刻曰宋比部郎王公之墓

丘真人考妣墓

在濱都宮之右有碣
卽真人自撰泮庭芳

街巷

迎旭街 縣東

納薰街 縣東南

毓秀街 縣前

挹爽街 縣西

仰極街 縣西北

懷敬巷 學前

通司巷 縣東北

棲霞縣志

卷之一

街巷

鄉社

蠶山鄉 領七社

任留 享山 繳家莊 楊础 榆林 寺口

鄒格莊

荆鳳鄉 領八社 原荆山鳳山二鄉今並為一

荆芥 泥都 水頭 崗山 朱留 大車

榆山 蛇窩泊

文萃鄉 領八社

埠上 鄒口 化山 葛山 鐵口 白馬

棲霞縣志 卷之一 鄉社

十六

峇山 水道

松山鄉 領七社

泉水 三叫 葛家莊 浮橋 次口 楚留

草格莊

金山鄉 領八社

蓬芥 徐村 杏家莊 百澗 亭口 龔留

院山 作藥

仙廣鄉 領八社

艾山 觀煎 郭落莊 福井 唐山

王華莊 原宜化坊 東隅 原宜化坊 西隅 原迎仙坊

義金鄉 廢

仁壽鄉 廢

論曰棲社故五十有二鄉十明正德間洩罷兵
凶戶口遂耗始併社為四十六併鄉為九嘉靖
之季鄉益併而六矣今也數如故而鄉無全社
社無全甲甲無全戶甚者一社之中流移十九
土著十一惡用提空名曰六曰四十六也嘗僉
謀併之大社若不欲畏其厲已也不能強竟輟

棲霞縣志 卷之一 鄉社

十七

焉嗟乎卽併社之議成祇見棲日削耳而何救
於棲蓋聞李翔曰輕其稅則人樂生人樂生則
居者不流流者日來故催科中有撫字牧民者
所宜究心也

坊市

城市 四

一日南關六日西關為小市四日北關九日白
洋河為大市

鄉市 十

曰臧家莊曰趙家莊曰桃村曰寨里曰觀里曰
鐵口曰蛇窩泊曰大莊頭曰杏家莊曰隋家莊
今僅存其七而大莊杏家隋家廢

論曰坊市與鄉都為表裏者也日中為市始於
稷震縣志 卷之一 坊市 十八
神農周官有司市納價以觀民好惡即坊市之
盛衰而鄉都可得而知也曹參語齊相曰勿擾
獄市後之人體先王便民之意而我無與焉其
亦庶乎清淨之理也哉

物產

穀之類

稻梁黍稷麩麥粟豆秫藟穉稗芝麻蕎麥

蔬之類

葱韭芥蒜芡芋蘿葡黃花紅花筆管馬藍蒼蓮

芫荽蒿苣青蒿蔓菁山藥山蕨菠菜白菜甜菜

瓜之類

東瓜西瓜番瓜菜瓜絲瓜甜瓜王瓜瓠子葫蘆

果之類

棲霞縣志

卷之一

物產

十九

桃杏李柿棗梨栗榛銀杏核桃葡萄櫻桃六官

果

花之類

牡丹芍藥刺梅玫瑰荼蘼薔薇海棠迎春金鳳

金錢玉簪剪羅石竹山丹丁香水仙雞冠木槿

百合萱葵菊

木之類

松栢桑榆柘柞槐柳椿檉楸檜白楊青楊梧桐

皂角

藥之類

防風黃精黃芩柴胡芍藥升麻漏蘆梨蘆遠志
細辛桔梗白薇知母牛膝地榆荆芥蒼朮天花
粉麥門冬酸棗仁郁李仁辰藜仁兔絲子牛蒡
子蒺藜子五味子草麻子馬薊苓王不留地骨
皮元胡索威靈仙益母草蒼草車前草金銀
花苦參牽牛紫葳藁本薄荷南星茵陳連翹薏
苡枸杞

禽之類

雞鴨鵝鴿鵲鴉鸞鳩雉雀雀鵲鷹鶴黃鸝鴉鷂鸚
反舌鷺鷥鷓鴣啄木

獸之類

牛馬騾驢犬豕羊貓狐貉麀兔獾狼獾

鱗介類

鯉鯽鮎鱖鱖龜蟹螺蚌蚌 地無潢澇河多淺
涸偶山湖中有此數種耳

蟲之類

蠶野蠶蜜蜂 蟲不可悉志利民者

貨之類

紅花藍茜麻綿花絲縵絲布絹椿紬綿紬蜜蠟
炭鐵銀礦沙金

論曰沙有金礦有銀豈不曰利乃病民滋甚何
也山川之氣有限鍾而爲寶則培其栽者微矣
近礦之地農夫入賦而不足倘爲是與且也
民心好貪背本趨利不逞之徒分黨角鬪不殺
其軀不止然後上之禁益嚴禁一嚴則失其恃
相與束手而饑而歿而徙也此大莊諸集之所
以廢崗山諸社之所以空乎夫金自編戶而來
採之不遺餘力已不復可多得者徒使弛禁亂
民厲禁毆民棲何利於此也

風俗

季扎聞歌齊曰美哉泱泱乎大風也哉表東海者其

太公乎國未可量也

左傳

太公治齊修道術尊賢智尚有功故至今其士多好

經術矜功名舒緩濶達而足智其失夸奢朋黨言與

行謬虛詐不情急之則離散緩之則放縱

漢志

大抵齊之數郡風俗與古不殊男子多務農桑崇尚

學業其歸於儉約則頗變舊風東萊人尤朴魯故特

少文義

隋書

棲霞縣志

卷之一

風俗

二十二

青州古齊號稱強國憑負山海擅利鹽鐵太公用之

而富強管仲資之以興霸人情變詐好行機術豈因

輕重而爲弊乎固知導人之方先務推誠逮乎漢氏

封立近戚武帝臨極儒雅盛興今古風俗頗乖亦有

文學

通典

英雄豪傑之士甲於京東文物彬彬而豪悍之習自

若

輿地記

登萊負海之地民性憤戾而好訟鬪大抵東人皆朴

淳直甚者失之滯固然專經之士爲多

宋史

民多朴野性皆獷直猶有古風凡所施爲質多文少

元志

冠禮

紳士家行之遵文公家禮
節畧繁文不失古初遺意

婚禮

婚義曰婚禮者將合二姓之好上以事宗廟而
下以繼後世也故君子重之余邑之俗頗爲近
古初用女媒往來通言俟女氏許之然後請親
友或四人或二人爲兩姓冰人謂之大媒人詣
女家議親主人具席款之謂之吃喜麩既成言
始擇吉行納采禮不計輕重鼓吹前導女家會
親族具席俟男家亦會親族率婿詣女家婿之
父謝親禮四拜女之父答拜奠爵席如常儀

樓霞縣志

卷之一 風俗

二十三

謂之會親酒是後遇端陽饋幣帛或女服綵線
角黍酒禮謂之送端午女家以角黍酒禮之半
答七又饌瓜果麥麩油蜜酒禮爲女氏乞巧費
女家以巧餅荅謂之送巧將娶先具席請女氏
主人以冰人陪議婚期又數日男家主婿會女
親族請女家行加笄禮女家主婿會女親族俟
相見交拜卽席如前儀以女見姑爲親理妝謂
之上頭娶之前一日女家使人張陳其婿之室
有衣物首飾床張器用僕御等項謂之陪送任
其豐約是日男家具酒禮用米實小餅繫以綵
線將禮謂之送換口餅女家受餅鄭重藏之娶
日昧爽婿乘馬親迎以燈燭鼓樂導之請親知
男婿伴迎謂之將路客至女家候開門女主納
婿遍禮親族尊長畢乃飲晏晏少刻女主亦請
親知男婿伴送謂之送路客兩婿扶女氏乘輿
以歸婿乘馬先歸與至其家俟於大門外導婿
以入陳香燭於庭男婿同禮拜畢乃就房行合
盃禮少刻女家遣使送麩謂之下馬麩飯畢婿

乃出禮賓而罷次日女家日送飯饌親知各以酒禮饋謂之管飯至三日侵晨婿乃同婿行謝親禮謂之回門女家會女眷親族送女歸男家亦會女眷親族具席會飯謂之三日喜酒是日男婿同拜翁姑及親族照尊卑爲序女主各進鞋枕男親族各有花簪綵幣之賜此後九日歸省謂之住對九一月回母家謂之住對月婿家禮婿俱有常儀

喪禮

初終告訃主人披髮跣足着白布袍哭甚哀大歎則設奠成服掛門紙受親識弔斬衰稽顙哀慟謝初終行哭詣土地祠親識素冠陪謂之報廟次日男婿孝眷俱詣土地祠哭奠謂之送真資又記灰者之日每七日五鼓焚楮錠旦夕哭臨謂之燒七日紙七二乃罷親識或牲醴奠大祭則羊豕糞盤主人出次謝於別室奉茶送腰帛俱有常儀是後百日周年俱五鼓焚楮錠旦

樓震縣志

卷之一 風俗

二十四

夕哭臨親識奠祭如七日禮將葬治喪具稱家有無先五日或七日開喪親識奠祭如前禮皆有所點主謝后土管文武任官或鄉先生爲之葬畢而返奉神主於靈座哭奠如文公家禮若有親識陪迎次三日主人同有服親屬詣墓所奠拜哭盡哀周圍捧土益之謂之圓墳隨往拜甲送者之門謂之謝孝服闋主人先一日號哭盡哀至日祭告從吉其親往拜與荅親友拜俱有常儀

士相見禮

凡遇有慶賀先遣從者投刺主人候於中門外賓主揖讓而進致恭如常儀及升堂再讓不過恭賓居左主居右賓以往意致詞向主人一長揖主人荅謝亦一長揖若謁官長則揖畢稟拜主人辭各一長揖隨奉禮幣帖遠客則下程帖暨請敬亦各一長揖看坐致恭奉茶三換送侍

中堂各一長揖凡及門揖讓如初至大門外
仍各一長揖大賓則看乘候轉三讓而別

燕會禮

前期其柬至日侵晨下速帖少頃遣從者請赴
席賓至則奏鼓吹主人出候於大門外致恭揖
讓而進登堂一長揖再揖爲謝音坐奉茶有衆
賓則以齒序大賓則行奠禮奠畢主人向賓三
揖行酒安坐賓酌主人亦如之每進餽上湯飯
以鼓吹爲節主人出位奉賓辭賓答奉主人亦
辭大飯畢主人撤饌獨從賓則頒賞乃各出位
更衣習小坐賓主致恭如前儀禮終則賓退主
人同看賓固辭各一長揖階下奏鼓吹主人出
送於大門外看乘候轉三讓而別次日賓具柬
謝謂之
謝酒

立春

接霞縣志

卷之一

風俗

二十五

孝經緯曰大寒後十五日斗指東北維爲立春
先春一日以東郭爲春塲故事知縣迎春旗幟
鼓吹前導次農人牽耕牛荷田家器各行結綵
樓二額以牌曰某行市井小兒衣女子衣人執
懸綵小布繖謂之毛女次樂人女伎次耆老又
次執事人役騎者贊禮佐貳學師肩輿者縣令
也皆簪春花官則朱衣史胥羣從以迎春於東
郊亭設榼搏官生侍尹坐各行次第唱名過亭
下雜以鳴金伐鼓聲填然邑之人少長咸集
於是日觀春若天氣暄妍則相慶爲豐年兆復
自塲入於縣如前儀尹因同各官生戴花飲酒
謂之吃春晏其卜春之寒與則以芒神墨耳之
提且戴又以其鞋之懸著卜雨水越次日昧爽
自尹以下至廝役各綵仗鞭牛者三旣則徒隸
碎之卽月令所謂際土牛以送寒氣也隨以鼓
吹導小春牛及芒神分送各縉紳謂之送春牛

元旦

夜分輒起少長盥沐畢設燎陳盤案祭賽天地
禮百神祀先祖蠟炬香楮煌光相雜火炮聲轟
轟聒耳達旦不少止祀訖以水餃爲迂歲飯年
幼者各拜尊長爲壽詰旦交賀爲禮相遇必長
揖紳衿則具姓名詣門通謁如是者三日復以
水麩獻諸神位放火炮焚掛門五色紙撒各案
禮神具過此則親知輩杯酒交會
謂之年茶雖市井田家所不廢也

上元

張燈街市搭松棚列繁燈謂之燈會庭中設宴
放筒花餅花大小不一雜以火炮起火謂之放
散花市肆巷口則居民歛錢架煌火放之謂之
放天架花又有好事者陳百戲鳴鑼鼓爲節嬉
遊竟夜十四日試燈十五日正燈是日也具祭
物祀先祖十六日燒燈皆遊玩不禁夜頗女相
伴爲鞦韆戲又羣遊郭外及廟宇謂之走百病
亦曰走橋嘗以三夜風色候早晚田豐歉又作
麩燈十二各照月序
蒸之以卜水旱頗驗

接霞縣志

卷之一

風俗

二十六

二月二日

俗謂之小龍擡頭以蟄蟲始振也煎元旦祭
餘餅燻牀炕日燻蟲蜜伴豆炒食之曰炒蟲

寒食

冬至後百五日爲介子推斷火冷食三日謂之
寒食士民以是日掃墓野祭祖宗除草添土焚
楮錠次以紙錢置墳頭歸則合
族長幼陳祭餘享焉謂之房食

清明

男女簪柳枝士人携榼樽招飲野外尋樂謂之
踏青女子卽鞦韆習輕趨爲戲有立鞦韆轉鞦
者

五月五日

端午為天中節，味爽採艾，畜以備用。家餼角黍，沈雄黃，菖蒲酒飲之。兒女輩以雄黃末塗耳鼻，絲索纏臂，簪艾葉，結花佩，殊符以辟邪。及蠶，毒士民羣向山野，搗景為樂。或竟日始歸云。

六月六日

曝衣書及菑水，浸物不腐敗。

立秋

戴秋葉

七月七日

日七夕，頰女懸牛女圖，設盤案，列豆麥，諸芽謂之巧芽。餅注時花，陳瓜果羅拜。夜則注水浮針，樓霞縣志卷之一，風俗。測其景以占巧，拙謂之乞巧。

中元

祭先祖薦時食，謂之鬼節。

八月十五日

中秋節，庭院設瓜果賞月，乘飲士人間賦詩為樂。其饋遺則以月餅及酒禮。

九月九日

按作絳囊盛茱萸，以繫臂，登高飲菊酒，始於費長房。桓景而龍山落帽，白雲送酒，隨人韻。士往以是日為令節，今登高者，聞有之多。具檮糲，招同人，籬邊賞菊，飲竟日。著佩茱萸，則亦邑不爾也。

十月朔

拜掃先墓
如清明節

冬至

士女各宴飲為樂不
稱賀祭先祖如常儀

臘八日

作臘八粥豆果雜
米為之以供朝食

二十三日

暮祀竈神先市竈馬二一貼壁為神位一火糞
之器用糖粥餅黍糕棗栗焚香楮放火炮謂之
竈辭

棲霞縣志

卷之一

風俗

二十八

除日

貼春聯換門神桃符燎爆竹禮百神祀先祖俱
同元旦之儀祭事畢羣子弟早幼各稱觴為父
兄尊長壽
謂之添歲

士學

紳士子弟及農民之秀者七歲入小學蒙師教
之長則延館賓受業禮儀豐約視其家亦有從
學於教授生徒者元旦端午中秋冬至饋節儀
期於成禮昔尚古文詞兼經者頗多近稍浸二
乎以八股
為捷徑矣

稼穡

耕耘收穫北地皆同但節氣較西府稍晚田名
砂石除完官稅外大率不足糊口士人則分

或倩租所得益微矣

織紵

農作外閒治繭絲織本色絹又有山繭紵然亦不多惟紡績木棉以自衣被自紳士家及農人無問男嬾皆爲之

工作

有攻木之工攻金之工攻皮之工設色之工又有土工瓦工石工與他邑畧同

商賈

昔富厚者家多牧羊至千百爲羣或販榆樹皮於京師又有收買防風黃芩等藥材者兵興以來物產蕭條一切生理大抵僅存什一而已亦有赴集鬻雜貨者然非土著亦無大商

棲霞縣志

卷之一 風俗

二十九

漁獵

濱海之利七屬皆資唯獲不與山澗行潦之水無可網之利焉故其民貧至農隙之暇或張羅獵狐貉獾狼之類取其皮製裘帽亦不多有也


採樵

邑多山阜秋雨足則草豐冬春間農人鬻之爲生計昔多楮松謂之松嵐取材折薪較他邑頗賤今則濯濯然矣

生理

民之貧者無以自給多旋市菽麥熟而售之資以糊口以至酤者舖者僧者脚者皆然醫巫星卜則與各邑畧同

論曰采樓之風不猶有朴且直之遺乎乃三老
又能言之今則曰朴在昔已駭之而謂其多文
者也今則曰直在昔猶疑之而不敢盡信者也
豈質之不得不文淳之不得不漓乎夫俗始於
教者也上不學道則下流於邪上不節用則下
習於侈上不務德化而以術御則下日習於干
戈而無已董子曰一道德以同風俗又曰教化
行而習俗美則致今日之治以成異日之俗曷
得不兢兢歟



博霞縣志卷二

知棲霞縣事加二級古燕胡 璘 霽 玉 父 重修
賜進士內府禮科給事中邑人李唐裔西林父鑿定
賜進士候 選 知 縣邑人牟國須柱東父訂正

邑舉人牟國玠鳳伯父纂輯

建置志

掌固以守土方以相詩詠經營易取大壯敢煩
里旅啟塞授時上憲危垣下關吏治

營建亦政治之所有事也然非出於不容已遽

棲霞縣志 卷之二 建置

忍勞民以傷財乎夫城垣百里之保障縣治一

邑之觀瞻學校斯文之根本錯之以廨舍連之

以坊舖濟之以津梁鎮之以營壘庇之以祀壇

而又爲之田以養其生爲之墓以安其死圮者

繕之奠者因之叢脞者變更之凡以見前人成

蹟之尚在而後人之無或墜焉耳倘弗察厥旨

而猥云時訛舉盈一切憚不敢行吾恐拘文牽

俗而堦場葺之訥矣志建置一卷

城垣

舊有土城周二里許高不踰肩廣不盈尺明成化六年知縣婁鑑稍加修葺然壘小石成之歲傾歲補北負峻坡跋足可窺正德間流賊一至城遂不支嘉靖三十七年倭寇流薄士民驚徙知縣李揆相其形勢廓其規模砌以磚石止外修一面而公以事去萬曆六年知縣鮑霖始竟其功內外如一廣六尺高丈餘門有四東曰賓賓南曰環翠西曰迎恩北曰迎仙樓四鋪三城阻山石池不可鑿南帶河雨集則水漲爲

棲霞縣志

卷之二

城垣

二

患十年甃石爲堤長一百五十步河卽有水不近城垣矣二十五年知縣鮑紋建北門瓮城一座敵臺八座天啟七年瓮城圯因去之崇禎十一年知縣鍾其偉同鄉官郝晉增高三尺角臺四座

國朝順治五年知府張尚賢知縣金本重重修內面增濶一尺高二尺

論曰棲霞之城四山偪立且隆隆起也縣堂仰眎翠屏不異面壁登山閱城俯而窺耳堪輿家動稱不利問所不利曰官爲甚夫設城所以爲

民民世居此者代有君子漸啟人文是未嘗病
民甚也而何必利在官且官亦安可以成敗論
哉徃徃不幸而敗非其天命則人事也城曷故
焉

公署

縣治

居城之中偽齊阜昌五年建武定初縣令李自
 牧元大德間縣尹王鼎臣修元季燬於兵明洪
 武三年主簿牟敬祖重建正統間知縣姜昉成
 化間知縣婁鑑路真相繼修葺嘉靖三十七年
 知縣李揆復增飾之正廳三間後為庫樓為補
 思堂又後為知縣宅東縣丞宅西主簿宅東南

為典史宅

萬曆十二年裁主簿遂居典史於西宅而東南宅廢

正廳前有

樓霞縣志 卷之二 公署

四

方臺暨石為欄左幕廳又左土地祠右架閣庫
 又右丞發司左右兩翼為六曹房方臺前為界
 坊為儀門儀門東為賓賓館西為獄又前為大
 門門之上為夏樓門之外東為旌善亭西為中
 明亭 萬曆四年知縣朱惟純改旌善為收糧後
 所而二亭之名廢萬曆十九年知縣何思
 鰲仍舊制復修旌善申明
 亭崇禎十五年燬於兵

國朝順治二年知縣霍叔瑾三年知縣金本重建高
 樓於宅中十八年知縣翟進仁拆庫樓建川廊
 於補思堂前康熙元年川廊燬於兵四年知縣

胡璘重修之築大牆於縣宅外八年重修大門
十年建三堂

論曰考古天子布政厥惟明堂其制甚都下此
牧伯令長代天子分治下國亦必有聽政之所
所以勤宣天子之德意弗可苟也棲卽僻處亦
有天子之命吏撫而治之上不棄其居下乃行
其令可聽其日就荒圯哉然公旬有令自古訓
之無廢舊無勞民是在賢有司以佚道使之耳

儒學

棲霞縣志

卷之二

公署

五

在東門內金大安元年縣令李景道建元大德
三年縣尹張騰霄修明洪武三年主簿牟敬祖
重修正德間知縣姜昉蕭鳳成化間知縣婁鑑
路真郭實劉紋嘉靖間知縣李祐李揆相繼修
飾萬曆十年署縣事州判杜誥復修明倫堂三
間豎臥碑於左後左爲教諭宅前左爲訓導宅
爲儒學大門原有兩齋在堂左右敬一亭射圃
在堂後尊經閣在大門右今俱廢

國朝順治九年知縣金國儒教諭姚三變重修明倫

堂

論曰學官與邑治相因者也古者入學則釋奠於先聖先師見聖賢宜祠之於學然非若二氏百神之以驚動禍福炫燿愚俗爲神而欲崇大其祠宇也苟庠序弗修而徒嚴廟祀豈先王廣厲學宮之義哉今廟學猶儼然也而教養未先士氣弗振覩几筵而念羹牆不禁歛歔於邑之感雖然守先待後視乎其人則磨礪以須而無憚憚於不聞期與邑士共勉之

棲霞縣志

卷之二

公署

六

察院在縣治東 布政司在西門內俱明洪武三年主簿牟敬祖建成化間知縣婁鑑路真嘉靖間知縣李揆萬曆間知縣鮑霖相繼重修今俱廢址存

陰陽學

在北門內今廢

醫學

在北門內今廢

僧會司

在縣延福寺

道會司

在城隍廟

預備倉

在縣西今廢址存

義倉

在縣前明萬曆八年知縣楊誠建今廢

保赤倉

縣一所在預備倉內東北版鄉外二十所在三

棲霞縣志

卷之二

公署

七

里店楊砬店北曲家村東院頭村東水道村傍
路王村北大莊集東鐵口集東蛇窩泊集南桃
村集東觀里集北趙家莊西寨里集東臧家莊
集中子推院傍寺口院東虎山院東濱都官傍
亭口廟傍湯池北明萬曆十八年知縣何思賢
奉撫院宋 按院鍾 明文設處勸社倉四節
蛇窩泊桃村趙家莊寨里者後本府推官謝
條陳增置更保赤名今俱廢

社學

縣二所一在北門內一在天齊廟鄉外五所在
桃村集蛇窩泊集臧家莊集寨里集趙家莊集
今俱廢

鄉約所

縣二所一在延福寺一在元帝廟鄉外二十所
在送客亭松山店溫泉官亭楊砦官亭寨里社
學濟都宮水道觀路王觀子推院寺口院雲嶺
寺院頭寺趙家莊廟臧家莊廟曲家村廟鐵口
集廟亭口廟蛇窩泊廟大莊集廟觀呈集廟俱

棲霞縣志

卷之二

公署

八

明萬曆十八年知縣何思鰲奉文置今俱廢
演武亭

左城北二里前教場東之西十丈南之北五十
八丈明嘉靖三十七年知縣李揆建

接官亭

有二一在沙河徙置寨里一在榆山皆明成化
間知縣路真建今榆山者廢

送客亭

在城西南三里

義學

在西關外附李公生祠內康熙四十六年知縣鄭占春建捐俸延師從學者衆詳見藝文碑記
急遞舖

總舖原在北門外改察院東今廢其北抵蓬萊
七舖曰觀前曰赤巷口曰松山曰浮橋曰寨里
曰沙河曰晤嘻東北抵福山五舖曰龍窩曰槐
樹莊曰遠西泊曰高家莊曰杏山東抵寧海五
舖曰榆林曰石劍曰水頭曰鐵口曰丘家莊南
口

棲霞縣志

卷之二 公署

九

養濟院

在北門外迎仙橋西

惠民藥局

在北門外今廢

祠祀

文廟

大成殿在儒學明倫堂前傍爲兩廡前爲戟門
櫺星門明萬曆九年教諭李渥訓導李巖捐奉
鑿泮池三十四年知縣曹烈前開雲路
國朝康熙元年兩廡櫺星門俱燬於兵知縣胡璘訓
導減法舜重修之

啟聖祠

舊在文廟左明萬曆三十一年知縣張雲霽改
棲霞縣志

卷二

祠祀

十

建敬一亭之西

名宦祠

在戟門左祀金縣令李自牧元縣尹王鼎臣明
知縣婁鑑陳貴郭實張鑿三簿卒敬祖教諭冀
綸吳怡

鄉賢祠

在戟門右祀西漢清河太傅轅固明都御史高
翼御史張綱重慶知府解延年鶴慶知府林恂
應天府尹孫祿贈御史無極知縣郝守棻戶部

主事崔應登殉難守備李日舒

國朝祀贈內閣中書候贈戶部主事牟作孚

社稷壇

在城西北一里東之西十二丈南之北十七丈
明洪武三年主簿牟敬祖建成化十年知縣婁
鑑重修二十三年知縣陳貴闢神路植樹祀神
門三間正德十一年知縣劉孜重修厨庫宰齋
宿房各三間今俱廢址存

風雲雷雨山川壇

棲霞縣志

卷之二

祠祀

二

在城西南二里東之西十二丈南之北十七丈
明洪武三年主簿牟敬祖建成化十年知縣婁
鑑正德九年知縣劉孜重修

城隍廟

在縣治西明成化八年知縣婁鑑建弘治二年
知縣陳貴修

國朝康熙元年西廊燬於兵七年知縣胡璘重修

叭蜡廟

在城南三里明萬曆知縣李同寅移山川壇前

旗燾廟

在城北演武亭後

縣土地祠 鄭辰祠附

在大堂左

儒學土地祠

在戟門左康熙元年毀於兵

邑厲壇

在縣東明洪武三年主簿牟敬祖建七年知縣姜昉修正德八年知縣劉孜改塼於北門外里

棲霞縣志

卷之二 祠祀

十二

許周圍二百二步

以上諸祭官主之祭先師啟聖於春二月秋八月之上丁從而祭名宦鄉賢次戊祭社稷次巳祭風雲雷雨山川城隍夙蜡縣土地而旗燾之祭以鷩螽以霜降邑厲之祭以清明以中元以十月朔城隍土地月朔望縣官揖參儒學土地教官附祭於春秋二丁而參朔望凡祭有儀有品悉如

制祭器縣與學各貯之

論曰昔先王域天下之山川城郭而設之祀凡
以爲民也故崇德則祠酬功則祠捍患禦災下
逮厲鬼仁之至義之盡矣否者曰滄而又或以
景行高風沐浴先澤列學宮而俎豆之斯固其
英爽未替代有闡揚者歟若夫習俗相沿楮錢
爲市以愚其氓氓或宗之君子不道凡斯所載
何敢濫焉

學宮

棧庠殿廡凋敝啟聖祠僅存故址康熙四十一年本府同知楊公廷望來署縣事捐貲倡紳士大修之規模閎整煥然改觀詳見藝文碑記
明倫堂歲久將圯楊公署事僅半載未及爲也
康熙四十四年邑侯鄭公占春獨捐俸金增修式廓詳見藝文碑記

論曰土木勞民春秋謹之然闕宮之新泮水之
棲霞縣志 卷之二 祠祀 三

作必書於冊爲致治本務雖勞弗恤也棲瘠邑艱於營築故學官日以頽敝二公獨加意修葺振興文教其功誠有不可泯沒者乎抑余因之有感矣學有名宦鄉賢兩祠所以報功崇德也今本縣與祀者皆先朝賢哲而

昭代無聞焉豈前之長吏多良而今之長吏皆庸歟豈前之士夫多賢而今之士夫皆不肖歟卓績懿行湮沒弗傳當亦盛朝之所亟宜表章也附論於此以俟大君子司風教之責者

祠堂

司李謝公祠

在北關碑

見藝文

邑侯李公祠

在西關碑

見藝文

棲霞縣志

卷之二 祠堂

廟宇

玉帝廟

有三一縣治西一城南三里一
縣北十里濱都宮三清殿後

天齊廟

縣治西殿左
有文昌祠

泰山行宮

城北湧
泉山巔

元帝廟

北門
外

棲霞縣志

卷之二 廟宇

十五

關帝廟

有三一南門外一城
西北一演武亭後

馬神廟

演武
亭後

三官廟

有二一城北湧泉
山巔一西關外

龍王廟

翠屏
山東

三司廟

北門外祀漢名將關羽張飛宋名臣包拯
邑人桑谷贊建康熙七年知縣胡璘重建

火德廟

南關外舊基甚隘康熙
七年知縣胡璘重建

寺觀

延福寺

縣治西

崗山寺

西五里

寺口寺

西四里

大方山寺

西南二十里

棲霞縣志

卷之二

寺觀

十七

小方山院

西南四十里

資福寺

南三十里

興國寺

東南五十里傍有介子推院

雲嶺寺

東南七十里

龍泉寺

東四
十里

永昌寺

東七
十里

金山寺

東北三
十里

唐山寺

東北十
五里

父山寺

東北六
十里

棲霞縣志

卷之二 寺觀

十八

松山寺

北三十
里今廢

虎山寺

北三
十里

次口寺

北六
十里

山陽院

西五
十里

壽昌院

南七
十里

天宮院

東南七
十里

淨姑庵

東九
十里

聖水庵

西南三
十里

麻院

北七
十里

棲霞縣志

卷之二 寺觀

十九

路王觀

北四
十里

水道觀

北五十
五里

百澗觀

東北八
十里

慈濟庵

南門外關
帝廟東

黃連觀

東北九
十里

店子觀

北五
十里

觀音閣

有二一西關
外一北關外

棲霞縣志

卷之二

寺觀

二十

論曰二氏之居通天下矣凡山川秀麗之區文
物藜蘆之地皆其所宅其徒之食土色毛者日
相聚豈盡二氏之靈哉蚩蚩之氓愚於禍福昧
其所當然而徼倖於所不必然也

國家正名制典絕地天之通定神人之分而邑里
流傳黎甿奔走有未可以遽革者姑仍習俗存
而不削以見二氏之流風餘韻積久弗替而况
夫習爲聖賢之學者忍自暴棄爲與則觀於斯
志其亦有所憾也矣

坊表

毓秀坊

在縣前明萬曆六年
知縣鮑霖立今廢

恩榮坊有二

一在北門外為進士解廷
一在儒學東為進士孫祿立

雲程繼美坊

在察院東為父子舉
人林恂林翰邦立

欽旌苦節坊

在察院西為
知府孫祿立

棲霞縣志

卷之二 坊表

特旨存問坊

在縣門東為
府尹孫祿立

誥贈坊

在儒學西為戶
部主事孫善立

封贈坊

在桃村集為誥贈知縣
孫璜暨子知縣以約立

烈婦坊有三

縣門西為庠生鄒著妻張氏立儒學西為庠生
王化宣妻李氏立西關為劉心赤妻馬氏立

貞節坊有二

俱在南門內一為隋好智妻李氏
立今廢一為隋好信妻劉氏立

義民坊

在察院前為林茂
立以下今俱廢

世科坊

在縣西為進士王
頤舉人王弼立

解元坊

在縣東為
陳珍立

亞元坊

在縣東為舉
人李謙立

棲霞縣志卷之二坊表

神霄坊

在縣西為舉
人孫隆立

鶚薦坊

在縣西為舉
人王振立

論曰先王表厥宅里非第為觀美而已朝廷旌
別之旨正閭里激揚之機一字之褒榮於華衮
有不顧名思義者乎夫草野一時之闡揚猶足
口碑沒世而不磨而況

聖天子顓俊尊賢之典其可具文目之歟爰志其著

者以存厥槩

樓震縣志

卷之二 坊表

學田

演武亭東西二設共四十三畝二分
明萬曆十九年知縣何思鰲奉文置

揚池八十畝
明知府陶朗先置

義塚

城東靖明嘉靖三十八年醫官孫煥施地五畝萬曆
十九年生員王之垣施地五畝生員郝源施地四畝
城東北萬曆十九年王之卜郝守樸共施地八畝
城南萬曆十九年張文光施地五畝張文偉施地四
畝

縣南三十里文石村萬曆二十年庠生林大振施地
五畝

縣北水道村萬曆二十一年舉人林勝選施地五畝

續霞縣志

卷之二

義塚

縣北松山店邑人崔應科施地三畝

縣北赤巷口生員王白鳩王允升鄉民張必科賈學
武共施地三畝

橋梁

翠橋

南門外

迎仙橋

北門外

浮橋

北四十里
置今淤

赤巷口橋

北二十里

樓震縣志 卷之二

七里橋

東南七里

蛇窩泊橋

東南四十里
在集

方山橋

西南二十五里

論曰雨畢而除道水涸而成梁凡啟塞從時
與也率是以行何溱洧濟人之譏哉棲無巨川
橫流可通舟楫壘石架木俾四境無病涉之民
固爲政之一端而掌故所必具也因其成績以
時補苴是在後之爲政者



地 140.100
書 3076

第二册

卷三 賦役

卷四 官師

棲霞縣志 亨集

棲霞縣志卷三



知棲霞縣事加二級古燕胡 璘霽玉父重修
賜進士內府禮科給事中邑人李唐裔西林父鑒定
賜進士 候 選 知縣邑人牟國須柱東父訂正

邑舉人牟國玠鳳伯父纂輯

賦役志

計口則壤取一於十立制授時緩二於一有人
有財足民足國撫字誠勞催科自拙

先王蒞有方區兢兢乎唯百姓之是敬蓋以生
棲霞縣志

歲之所由繁貢稅之所由出也自後寢失其意
綜核日聞征權橫及百室其盈之風其猶有存
焉者乎乃供億之不給至於盜賊縱橫民鮮寧
居明季往事可爲鑒戒唯是神廟五十年中田
野無荒蕪人民無疵癘災祲不聞物力充裕以
云淳悶斯庶幾焉今日酌定規則有取於此意
蓋深遠矣遵

功令所頒全書彙爲一帙俾有所考率而行之古治
其罔軼乎志賦役一卷

皇帝勅諭朕惟帝王臨御天下必以國計民生爲首
務故禹貢則壤定賦周官體國經野法至備也
當明之初取民有制休養生息至萬曆年間海
內殷富家給人足及乎天啟崇禎之世因兵增
餉加派繁興貪吏緣以爲奸民不堪命國祚隨
之良足深鑒朕荷上天付託之重爲民生主一
夫不獲亦疚朕懷凡服御膳羞深自約損然而
上帝祖宗百神之祀軍旅燕饗犒錫之繁以及
百官庶役餼廩之給罔不取之民間誠恐有司

棲霞縣志

額外加派豪蠹侵漁中飽民生先困國計何資
茲特命戶部右侍郎王弘祚將各直省每年額
定徵收起存總撤實數編撰成帙詳稽往贖叅
酌時宜凡有參差遺漏悉行駁正錢糧則例俱
照萬曆年間其天啟崇禎時加增盡行蠲免地
丁則開原額若干除荒若干原額以萬曆刊書
爲準除荒以復奉俞旨爲憑地丁清核次開實
徵又次開起存起運者部寺倉口種種分晰存
留者款項細數事事條明至若九厘銀舊書未

載者今已增入宗祿銀昔爲存留者今爲起運
漕白二糧確依舊額運丁行月必令均平胖襖
盛甲昔解本色今俱改折南糧本折昔留南用
今抵軍需官員經費定有新規會議裁冗改歸
正項本色絹布顏料銀硃銅錫茶蠟等項已改
折者照督撫題定價值開列解本色者照刊書
價值造入每年督撫確察時值題明填入易知
單內照數辦解更有昔未解而今宜增者有昔
太冗而今宜裁者俱細加清核條貫井然後有

續增地畝錢糧督撫按彙題造冊報部以便稽
核綱舉目張勒成一編名曰賦役全書頒布天
下庶使小民遵茲令式便於輸將官吏奉此章
程罔敢苛斂爲一代之良法垂萬世之成規雖
然此其大畧也若夫催科之中寓以撫字廣招
徠之法杜欺隱之奸則守令之責也正已率屬
承流宣化覈出納之數慎那移之防則布政司
之責也舉廢懲貪興利除害課殿最於荒墾昭
激揚於完欠恪遵成法以無負朕足國裕民之

意則督撫之責有特重焉其敬承之毋忽

順治十四年九月初四日勅命

上諭戶部前因山西大同太原及山東濟南等府地方旱災民饑多至困苦特將康熙四年應徵錢糧盡行蠲免今思有司以已經徵收乘機肥已使小民不沾實惠亦不可知著該督撫卽嚴行該地方官將康熙四年已徵在官錢糧按冊逐名盡行給還將給還花名銀數明白造冊具奏不得分釐侵扣如有肥己侵扣情弊督撫卽行察叅督撫不行嚴察或科道糾叅或地方民人告首大小各官定行從重處治決不饒恕其今年錢糧有已經徵收解部者或抵來年徵收錢糧或動何項錢糧補給爾部議奏仍著地方官速邦告示通行曉諭特諭

康熙四年六月二十一日

上諭山東巡撫錢瑀朕軫恤民隱載舉時巡懋宣德
化勤求疾苦比至山東所經城邑百姓扶老携
幼夾道歡迎朕問及連歲順成民生少得安業
第思百姓足則國家克裕若期比戶豐盈必以
蠲租減賦除其雜派爲先邇年以來各省地丁
錢糧已經節次豁免山東地丁正賦意欲來歲
蠲除茲因巡幸至此特先諭該撫速行曉示日
傳三百里遐村僻壤咸使聞知以副朕省耕問
俗之意特諭

康熙二十八年正月十五日

上諭戶部山東省去歲農收各州縣豐歉不一今春
朕南巡過山東時已分別被災輕重蠲免錢糧
並遣効力人員星馳賑濟比及回鑾東省又告
潦災朕宵旰軫懷悉心籌畫截留漕糧平價發
糶兼出帑金遣八旗人員分道散賑仍於三路
各遣大臣經理所在饑民庶得資以全活不致
化傷失所猶念被災之後民力未紓宜更加德
澤以弘休養康熙四十三年地丁銀米著通行
蠲免有積年錢糧拖欠在民者亦著察明免徵

棲霞縣志

卷之三

勅諭

四十四

行文該撫率所屬有司詳慎奉行務令人需實
惠有違旨私徵者察出定從重治罪仍令各州
縣編示曉諭俾窮鄉僻壤咸悉朕憺憺惠愛災
黎至意又朕南巡同時原擬蠲浙省明歲錢糧
茲聞東省災傷先行蠲免其浙省錢糧俟至明
歲另頒諭旨爾部卽遵諭行特諭

康熙四十二年十月初十日

康熙丁亥八月

上諭戶部山東比年歉收民生饑饉朕焦勞宵旰未嘗晷刻少釋於懷四十一年錢糧既分別減免帶徵又停四十二年徵收蠲四十三年額賦截漕平糶發帑賑施遣用多員分道贍養有就食京城者復設廠煮賑命滿漢官員資送還籍並給以籽粒之需然後民間漸有起色今歲幸風雨和調二麥畢登秋禾稔獲流移者悉返里閭復業者咸安耕鑿朕於往來山東人等備加詢問深用心慰但念被災之餘甫離重困若非大

棲霞縣志 卷之三 勅諭

四之五

敷恩澤終不能遽底盈寧著將康熙四十四年山東省應徵地丁銀米等項除漕糧外通行蠲免從來水旱靡常撫綏百姓之道全視大小官吏實心講求庶幾民有攸濟諭旨到日該巡撫卽飭有司張示曉諭務俾通省均霑實惠仍屬導小民撙節蓋藏期於比屋皆有餘蓄則於朕惓惓為民經畫之意可以無負矣爾部卽遵諭行特諭

康熙四十三年十月初七日

上諭戶部朕宵旰圖維勤求民隱每欲敷獨貸之恩以爲閭閻留有餘之力直隸山東地方四十二年偶遇災沴因特免山東四十三四兩年額賦並四十一年以前積欠錢糧直隸則順天河間兩府四十四年額賦亦俱豁免今雖屢年收穫民氣漸舒而所有宿逋尚應輸納朕念黎元方有起色辦賦猶艱一時新舊並徵勢難兼應宜更加寬恤以弘休養直隸自康熙四十一年至四十三年各府屬未完民欠銀八萬二千七百兩有奇糧五千九百石有奇山東省康熙四十二年各府屬未完民欠銀一百六十九萬一千七百兩有奇糧五千九百石有奇或見在徵取或分年帶徵俱著通行蠲免俾小民悉除逋負之累倘應徵舊欠有見完納在官者卽准抵本年正賦諭旨到日各該撫速行所屬有司徧示曉諭有不肖官吏朦溷征收不與開除明白者該撫卽時叅劾嚴加治罪兩部卽遵諭行特諭

康熙四十五年五月十七日

上諭戶部朕宵旰孜孜勤求民瘼永維惠下實政無
如除賦蠲租除每歲直省報聞偶有水旱災傷
照輕重分數豁免正供仍加賑卹外將天下地
丁錢糧自五十年爲始三年之內全免一週使
率土黎庶普被恩膏除將直隸奉天浙江福建
廣東廣西四川雲南貴州及山西河南陝西甘
肅湖北湖南各直省康熙五十年五十一年地
丁錢糧一槩蠲免歷年舊欠錢糧一併免徵外
所有江寧安徽山東江西各撫屬除漕項外五

十二年應徵地畝銀共八百八十二萬九千六
百四十四兩有奇人丁銀共一百三萬五千三
百二十五兩有奇俱著察明全免其歷年舊欠
銀共二百四十八萬三千八百二十八兩有奇
亦並著免徵計三年之內總免過天下地畝人
丁新徵舊欠共銀三千三百六萬四千六百九
十七兩有奇各該督撫務須實心奉行體朕軫
念民生至意如有侵欺隱匿使惠不及民借端
科派者督撫嚴行察叅督撫失察事發之日亦

萬壽恩詔

一海宇承平已久戶口日繁地畝並未加廣宜施寬大之恩共享恬熙之樂嗣後直隸及各省地方官遇編審之期察山增益人丁止將實數另造清冊奏聞其徵收錢糧但據康熙五十年丁冊定爲常額續生人丁永不加賦仍不許有司於造冊之時借端需索用副朕休養生息之意

一地方大小官員當以仁慈爲本妄聽奸民捏辭誣告以致陷害良民其害更甚於貪如各省督撫以下及有司官員有濫收詞狀貽累善良者事覺定從重治罪

一各省設兵處所有等奸民假充兵丁濶入營內騷告夥証拖累小民甚有借通賊爲名抄掠殷實尤爲大害該將軍督提鎮將嚴行約束務絕害端如有隱徇不究一體從重治罪

一凡應追贓私察果家產盡絕力不能完者槩與豁免毋得株連親族

康熙五十一年三月十八日

棲霞縣志

卷之三

勅諭

四之九

丁徭

原額一例人丁六千五百八十五丁每丁徵銀六錢五分共該徵銀四千二百八十四兩二錢五分內除逃亡人丁五百六十丁順治十二年增補人丁五百六十丁康熙元年爲登屬被賊殘破等事一案蒙

督撫兩院

題明奉

旨除豁逃亡人丁三千四百五十九丁康熙元年分

接霞縣志

卷之三 丁徭

五

新增人丁四十五丁實該逃亡人丁三千四百一十四丁又除鄉紳舉貢生員優免本身丁六百二十七丁

實在當差人丁二千五百四十四丁每丁徵銀六錢五分實徵銀一千六百五十三兩六錢

又順治十二年分額外增出人丁三千四百一十五丁順治十四年分額外增出人丁一百三十二項共增額外人丁三千五百一十八丁康熙元年爲登屬被賊殘破等事一案蒙

督撫兩院

題明奉

旨除豁逃亡人丁二千三百四十一丁

見在額外人丁一千一百七十七丁每丁徵銀六錢五分共徵銀七百六十五兩五分

奉裁登州衛歸併原額一例人丁一十六丁康熙

元年爲登屬被賊殘破等事一案蒙

督撫兩院

題明奉

棲霞縣志

卷之三 丁徭

六

旨除豁逃亡人丁一十丁免派

見在人丁六丁每丁徵銀七錢八分共徵銀四兩六錢八分

奉裁寧海衛歸併原額四則人丁九丁每丁徵銀

不等內原額見在中下戶六丁每丁徵銀六錢八厘原額下上戶一丁徵銀五錢八厘原額下

中戶一丁徵銀四錢九厘原額下下戶一丁徵銀三錢八厘康熙元年爲登屬被賊殘破等事

一案蒙

督撫兩院

題明奉

旨除豁灰亡訖

棲霞縣志

卷之三

丁編

七

輸回周禮大司徒掌人民之數孟冬獻於王
拜受之所以重邦本也明季審丁嘗雁爲增之
苦爰有未生將生諸名而棲之丁額之重更有
不可言者按郡志他邑丁額每丁輸銀或一錢
有奇或二錢有奇三錢則其多者而萊之下中
以上亦未數數然也獨棲丁徵銀四錢九分有
奇今又增而六錢五分矣以彈丸四塞之區非
若通都大邑有商賈之可資魚鹽之可恃而丁
徭之額乃數倍於他邑將何以堪嘗見他邑一

丁也茲丁共成之棲數丁也一丁包任之其一
丁一差者幸耳處今而不爲之所恐徭重驅民
民逃而取盈於額勢不得不包不至人營三窟
室且九空不止也留心民瘼者其宜思所爲之
矣

地稅

原額四等徵糧地四千四百三十四頃五十八畝
九分一厘內

原額上地一千三百七十七頃三十三畝六分六
厘四毫康熙元年爲登屬被賊殘破等事一案
蒙

督撫兩院

題明奉

旨除豁荒地一百一十一頃八十五畝一分五毫免

棲霞縣志

卷之三

地稅

九

派

見在成熟上地一千二百六十五頃四十八畝五
分五厘九毫每畝徵銀四分二厘二毫二絲三
忽九微三纖一沙八塵六漠四埃一溟共徵銀
五千三百四十三兩三錢七分七厘七毫二絲
五忽四微二纖

原額中地一千七十三頃三十六畝九分八厘七

毫康熙元年爲登屬被賊殘破等事一案蒙

督撫兩院

題明奉

青除豁荒地一百五十五頃三十二畝四分七厘二毫免派

見在成熟中地九百一十八頃四畝五分一厘五毫每畝徵銀三分三厘四毫八絲八忽二微九纖一沙七塵六渺二漠六埃五溟共徵銀三千七十四兩三錢七分六厘三毫八絲三忽四微五纖

原額下地一千一百八十二頃三十七畝九分二

棲霞縣志

卷之三

地稅

十

厘五毫康熙元年爲登屬被賊殘破等事

一案蒙

督撫兩院

題明奉

青除豁荒地四百七十五頃九十七畝三厘四毫免派

見在成熟下地七百六頃四十畝八分九厘一毫每畝徵銀二分五厘二毫七絲四忽一微八纖七沙八塵八渺九埃一溟共徵銀一千七百八

十五兩三錢九分一厘一毫五絲一忽二微三纖

原額下下地八百一頃五十畝三分三厘四毫康熙元年爲登屬被賊殘破等事一案蒙

督撫兩院

題明奉

旨除豁荒地七百九十二頃一十九畝四分四厘免派

見在成熟下下地九頃三十畝八分九厘四毫每

棲霞縣志

卷之三

地稅

十一

畝徵銀一分七厘七毫七絲一忽六微二纖三沙六塵二渺一漠二埃三溟共徵銀一十六兩五錢四分三厘四毫九絲七忽七微九纖四沙四等地內有寄莊地二百五十九頃一十六畝一分除正項於原額地畝派徵外每畝加徵銀二分康熙元年爲登屬被賊殘破等事一案蒙督撫兩院

題明奉

旨除豁荒地三十八頃二十二畝九分六毫免派

是在成熟寄莊地二百二十頃九十三畝一分
厘四毫每畝徵銀二分共徵銀四百四十一兩
八錢六分三厘八毫八絲

四等共地舊例除派過正項糧銀又加派地徭銀
一千三百六十三兩五錢二分肆厘九毫七絲
三微三纖六沙於順治十二年奉文豁免在於
存留項下減免訖

原額額外荒田地七百五十八頃一十五畝一分
二厘五毫每畝徵銀一分五厘八毫九絲三忽

康熙元年爲登屬被賊殘破等事一案蒙

督撫兩院

題明奉

旨除豁荒地四百七十九頃二十五畝三分三厘五
毫免派

見在成熟額外荒田地二百七十八頃八十九畝
七分九厘每畝徵銀一分五厘八毫九絲三忽
共徵銀四百四十二兩二錢五分二厘四毫叁
絲二忽四微七沙

論曰所法之不行久矣歷代取民皆貢法之遺
耳明初因仍元制輕重弗倫迨其後也加派日
繁追呼日擾本之不固國何以寧我
國家定鼎舊都悉反商政尤軫棲殘豁除荒稅可
謂與民更始矣然而蹂躪已深民困已甚欲使
向隅漸甦太平有象詎數年之間所易責效哉
經斯土者優游懷保劑量勸輸以盡司牧一方
之職予遺餘氓庶其有瘳乎

丁地總計

共徵銀一萬三千五百三十二兩一錢九分二厘
七絲三微五纖四沙內續奉

部文本折蒼朮自康熙八年照依

題定時價比舊編增銀一錢八毫三絲二忽二微
在於由單內徵解連前共徵銀一萬三千五百
三十二兩二錢九分二厘九毫二忽五微五纖
四沙

康熙肆拾伍年分

丁地總計共徵銀壹萬捌千玖拾肆兩玖錢肆分肆厘肆毫陸絲叁忽貳微柒纖肆沙又本折蒼木自康熙捌年奉文照依時價該增銀壹錢捌毫叁絲貳忽貳微又本色水膠正費於康熙貳拾叁年原增時價銀壹兩貳錢叁分肆毫玖絲貳忽玖微又欽遵悉心等事案內奉文自康熙肆拾貳年爲始班匠攤入地畝項下徵收銀叁拾伍兩伍錢伍分連前通共實徵銀壹萬捌千壹百叁拾壹兩捌錢貳分伍厘柒毫捌絲捌忽叁微柒纖肆沙

丁地起運

戶部項下

夏稅折色銀七百一十四兩九錢三厘六毫九絲
六忽一微二纖

秋糧折色銀二千一百五十三兩九錢八厘八毫
二絲四微八纖

馬草折色銀六百六十兩五錢二分三毫五絲二
忽八纖

鹽鈔折色銀一百二十二兩七錢九分九厘四毫

接霞縣志

卷之三 起運

十五

八絲五忽一微三纖

民兵銀一百一十五兩四錢八分七厘二毫一絲
九忽三微五纖

九厘銀一千九百五十一兩七錢五分九厘八毫
五絲四忽二微三纖

水膠花絨鋤折色銀一百二十一兩四錢二分九
厘一毫一絲二忽四微一纖

本省兵餉銀一千六百一十三兩五錢五分八厘
四絲四忽八微三纖

順治九年裁扣各役工食修宅家伙朔望行香紙
銀共銀二百九兩八錢五分一厘六毫六絲五
忽二微五纖

順治十二年裁扣迎送上司傘扇銀八兩

順治十三年裁扣海右道快手工食海防道吏書
皂隸工食知縣薪油燭迎送上司傘扇縣丞薪
廩膳三分之二鄉飲立春桃符門神各衙門查
盤歲考科舉生員童生搭棚上司使客心紅朝
覲考滿文冊官吏盤費共銀二百五十七兩二分

棲霞縣志

卷之三

起運

十六

七厘二毫一忽二微四纖

順治十四年裁扣徼出停免丁糧銀六百九十四
兩一錢四分

順治十五年裁扣里甲撥協萬家驛銀一百三十
四兩一錢三分一厘九毫四絲

順治十六年裁扣各官閏月俸銀四兩九錢二分
九厘五毫九絲

順治十七年裁扣歲考科舉生員童生搭棚舉人
車價進士舉人牌坊起送會試舉人迎賀新中

舉人花紅科舉生員盤費共銀一十八兩六錢五分四厘七毫九絲八忽三微一纖七沙五塵
康熙元年裁扣登州道書辦皂隸并府縣書辦工食共銀一百八十七兩二錢四分

康熙二年裁扣廩糧三分之一銀五十七兩八錢六分六厘七毫

康熙三年裁扣教諭俸薪齋夫馬草門子工食共銀一百四兩四錢八分五厘六毫五絲

額外荒田銀四百四十三兩二錢五分二厘四毫

棲霞縣志

卷之三

起

十七

三絲二忽四微七纖

裁併登室二衛銀八兩七錢三分七厘

禮部項下

藥材折色銀一兩七錢八分七厘三毫三忽二微

三纖

蒼朮折色銀一兩四錢五分七厘七毫五絲一微

四纖

光祿寺

細粟米銀九十八兩七錢一分六毫三絲八忽四

徵六纖

兵部項下

京班柴薪并滴珠銀五十三兩二錢六厘六毫一絲一忽七微七纖

工部項下

屯田司料價銀二百八十八兩七錢一分八厘四絲八忽三微九纖

胖襖銀八十一兩六錢六分五厘九毫六絲二忽二微六纖

棲霞縣志

卷之三

賦役

十八

軍器盔甲銀八百四十六兩四錢九分三厘八毫二絲九微一纖

柴夫銀九十三兩七錢六分四厘六毫二絲二忽三微三纖

以上通共解 戶部銀一萬一千四十八兩四錢八分八厘三毫二絲三微九纖七沙五塵

康熙六年裁扣刑廳心紅并皂隸燈夫工食銀六十七兩

又爲遵諭陳言事案內奉文自七年爲始今以

處正項錢糧作本處驛站支用他處協濟黃山
館等驛夫馬工料等銀二百八十五兩六錢六
分六厘六毫六絲歸回本縣改爲丁地項下起
解

康熙七年裁扣加銀二十二兩五錢八分五毫六
絲九忽八微八纖

本色蒼朮奉文改解二分折色五斤一十五兩一
錢八分舊編銀五分一厘七毫五絲三忽五微
三纖自康熙八年奉文照依時價改折比舊編

棲霞縣志

卷之三

起運

十九

增銀六分七厘二毫二絲一忽四微七纖在於
由單內徵解二項共銀一錢一分八厘九毫七
絲五忽

連前五項通共解 戶部銀一萬一千四百二十
三兩八錢五分四厘五毫二絲五忽三微七纖
七沙五塵

本邑

戶部 甲字庫水膠九十三斤一十四兩四錢三分三厘

三毫三絲一忽八微四纖微銀二兩五錢三分五厘三毫五絲六忽二微五纖

鋪墊銀一兩三分二厘九毫二絲二忽九微一纖
脚價銀二分二毫八絲二忽八微五纖

丙字庫綿花絨六斤一十五兩六錢七分五厘二毫二絲三忽九微四纖微銀四錢八分八厘五毫七絲九忽一微

棲霞縣志

卷之三 本邑

二十

鋪墊銀六分九厘七毫九絲七忽一纖

脚價銀三厘九毫八忽六微四纖

禮部

蒼朮八斤一十四兩七錢七分微銀七分七厘六毫三絲三微內除自康熙八年奉文改解二分折色五斤一十五兩一錢八分舊編銀五分一厘七毫五絲三忽五微三纖照依

題定時價改折比舊編增銀六分七厘二毫二絲一忽四微七纖在於由單內徵解二項共銀一

錢一分八厘九毫七絲五忽歸入起運外起解
一分本色二斤一十五兩五錢九分舊編銀二
分五厘八毫七絲六忽七微七織照依

題定時價比舊編增銀三分三厘六毫一絲七微
三織在於由單內徵解二項共銀五分九厘四
毫八絲七忽五微

包裹紅黃紙價銀三錢六厘

工部

狐皮五十四張八分徵銀二十七兩三錢六分一

接霞縣志

卷之三

本色

二十一

厘四毫二忽八微九織

牛角弓面三十九副六分八厘徵銀一百一十九
兩二分二厘一毫二忽五微六織

倉糧

德州倉無麥納米折色銀二百五十八兩九錢二分一毫三絲四忽六微七纖

加銀一兩四錢一分二厘二毫九絲二忽三微三纖

腳價銀四錢七分七毫六絲三忽八微八纖

丁地存留

起運折色脚價銀四十一兩五錢三分二厘四毫

七絲六忽二微三纖

加銀二十二兩五錢八分五毫六絲九忽八微八

纖奉文全裁歸入起運項下

官俸役食實徵并本縣撥補除荒銀二千二百一

十七兩六錢二分三厘四毫六絲九纖內除裁

扣銀八百四十三兩二分一厘九毫六絲九纖

歸入起運外

棲霞縣志

卷之三

存留

二十三

實存一千三百七十四兩六錢一厘五毫

分守萊州道快手一名工食銀六兩二錢

府步快二名工食銀一十二兩四錢

卒三名工食銀二十一兩七錢

知皂隸二名工食銀一十二兩四錢

判轎夫四名工食銀二十四兩八錢

縣俸銀四十五兩

子二名工食銀一十二兩四錢

工食銀九十九兩二錢

百三十八兩八錢八分

三百十兩

看監禁卒八名工食銀四十九兩六錢

監倉銀二十兩

三兩四錢

斗級四名工食銀二十四兩八錢

銀四十兩

隸四名工食銀二十四兩八錢

食銀六兩二錢 典史俸銀三十一兩五錢二分
 門子一名工食銀六兩二錢 皂隸四名
 工食銀二十四兩八錢 馬夫一名工食銀六兩二錢
 縣學訓導一員俸銀三十一兩五錢
 二名 齋夫二名工食銀三十七兩二錢 門子二名工
 食銀一十四兩八錢八分 喂馬草料銀一十
 二兩四錢 司兵四十五名工食銀一百六十
 三兩二錢三分六厘 孤貧二十二名口月糧
 冬衣布花共銀六十五兩二錢八分八厘
 雜支實存銀八十八兩四錢二厘三毫七絲四
 微五錢六沙五塵內修理
 龍亭 暖幔等銀四錢七分四厘六毫四忽八微三纖
 六沙 修理祭祀 文廟壇所香燭驚蟄霜降
 等銀三十七兩四分四毫二忽九微八纖 鄉
 飲銀二兩四錢三分三厘八毫七絲九微四纖
 五沙 本府表箋什物銀七錢五分八厘五毫
 五絲六忽四微五纖 歷科舉人車價銀一兩
 二十四

棲霞縣志 卷之三 存留

四錢一分九厘七毫五絲八忽五纖五沙 進
 上舉人牌坊銀八兩二錢五分 起送會試舉
 人銀一兩六分四厘八毫一絲八忽五微四纖
 內協濟本府銀二錢一分八厘八毫七絲三忽
 三微六纖 科舉生員盤費銀三兩三錢四分
 六厘五毫七絲五忽五微五纖五沙內協濟本
 府銀六錢一分一厘九毫六絲一忽二微三纖
 五沙 歲考科舉生員銀三兩八錢二厘九毫
 二絲三忽三微六纖二沙五塵 季考生員銀
 六兩八分四厘六毫七絲七忽三微八纖 迎
 賀新中舉人銀七錢七分七毫二絲五忽八微
 五沙 鞭春土牛銀八錢一分一厘二毫九絲
 三微二纖 新官到任等銀二兩一錢四分九
 厘九毫一絲九忽三微三纖八沙 押囚官吏
 監費銀二兩二分八厘二毫二絲五忽八微
 派徵赤曆由單紙張銀三兩二錢四分五厘一
 毫六絲一忽二微七纖 年終造報文冊銀一
 兩七錢二分八厘四絲八忽三微八纖 審編

均係油燭柴炭榜册紙張等銀一兩二錢一分
六厘九毫三絲五忽四微七纖 朔望下學講
書紙張銀一兩六分六厘八毫四絲六忽七微
七纖 刷卷登答造册紙張銀五錢六分七厘
九毫三忽二微三纖 歲貢銀七兩三錢一厘
六毫一絲二忽八微六纖 歲貢生正副盤費
銀八錢一分一厘二毫九絲三微二纖 協濟
本府銀三錢四厘二毫三絲三忽八微七纖
歲貢生迎賀旗扁銀一兩二錢一分六厘九毫
三絲五忽四微八纖 協濟本府銀五錢七厘
五絲六忽
四微四纖
以上共支銀一千三百七
十四兩六錢一厘五毫

驛站里甲夫馬實徵并本縣撥補除荒銀六百一

十一兩九錢九分八厘六毫內除協濟黃山館

棲霞縣志卷之三 存留

三十五

等驛站銀二百八十五兩六錢六分六厘六毫

六絲改爲起運丁地外實該三百二十六兩三

錢三分一厘九毫四絲內除裁扣銀一百三十

四兩一錢三分一厘九毫四絲歸入起運外

實存銀一百九十二兩二錢

雜支實徵并本縣撥補除荒銀一百六十兩四錢

三分六厘一絲五忽一微七纖四沙內除裁扣

銀七十二兩三分三厘六毫四絲四忽七微一

纖七沙五塵歸入起運外

實存銀八十八兩四錢二厘三毫七絲四微五纖
六沙五塵

以上存留共實徵銀三千五十四兩一錢七分一
毫二絲一忽三微七纖四沙內除協濟黃山館
等驛站銀二百八十五兩六錢六分六厘六毫
六絲改爲起運丁地外實該銀二千七百六十
八兩五錢三厘四毫六絲一忽三微七纖四沙
內除裁扣銀一千七十一兩七錢六分八厘一
毫一絲四忽六微八纖七沙五塵歸入起運外

實存銀一千六百九十六兩七錢三分五厘三毫
四絲六忽六微八纖六沙五塵

額外

課程銀一十九兩七分二厘

班匠銀三十五兩五錢五分

稅契銀

當稅銀

牛驢抽稅銀

牙雜稅銀

知縣胡璘開墾招撫丁地數

康熙五年分起科開墾上地一頃六十九畝八分
六厘七毫每畝徵銀四分二厘二毫二絲三忽
九微三纖一沙八塵六漠四埃一溟共徵銀七
兩一錢七分二厘四毫五絲二忽六微二纖
又起科開墾中地四頃五十四畝六厘九毫每畝
徵銀三分三厘四毫八絲八忽二微九纖一沙
七塵六湫二漠六埃五溟共徵銀一十五兩二
錢五厘九毫九絲五忽一微五纖

棲霞縣志

卷之三

開墾

二十八

又起科開墾下地二頃七十四畝九分四厘八毫
每畝徵銀二分五厘二毫七絲四忽一微八纖
七沙八塵八渺九埃一溟共徵銀六兩九錢四
分九厘八絲七忽四微一纖

又起科開墾下地一頃五十四畝四分三厘三
毫每畝徵銀一分七厘七毫七絲一忽六微二
纖三沙六塵二渺二漠二埃三溟共徵銀二兩
七錢四分四厘五毫二絲五忽一微五纖

康熙五年分起科遷移島民並新安插寄居島民

共三十五丁每丁徵銀六錢五分共徵銀二十二兩七錢五分

康熙五年分起科開墾額外荒地二十六畝八分七厘六毫每畝徵銀一分五厘八毫九絲三分七厘一毫四絲二微七纖
康熙七年分起科自首大糧下地二十二項一十五畝四分每畝徵銀一分七厘七毫七絲一忽六微二纖三沙六塵二渺一漠二埃三溟共徵銀三十九兩三錢七分一厘二毫五絲四忽

棲霞縣志

卷之三

開墾

二十九

九微七纖四塵七渺

康熙八年分起科新增人丁八丁每丁徵銀六錢五分共徵銀五兩二錢

康熙十年分起科勸墾上地二十九頃六十五畝三分四厘二毫每畝徵銀四分二厘二毫二絲三忽九微三纖一沙八塵六漠四埃一溟共徵銀一百二十五兩二錢八厘三毫九絲八忽三微九纖

又起科勸墾中地三十六頃四十畝三分四厘四

毫每畝徵銀三分三厘四毫八絲八忽二微九
纖一沙七塵六渺二漠六埃五溟共徵銀一百
二十一兩九錢八厘九毫一忽九微九纖

又起科勸墾下地一百四十六頃二十三畝八分

一厘二毫每畝徵銀二分五厘二毫七絲四忽
一微八纖七沙八塵八渺九埃一溟共徵銀三
百六十九兩六錢四厘九毫七絲二忽二纖

又起科勸墾下下地四百一十七頃八十五畝六

分一厘二毫每畝徵銀一分七厘七毫七絲一

忽六微二纖三沙六塵二渺一漠二埃三溟共
徵銀七百四十二兩五錢九分八厘一毫六絲
九忽二微五纖

以上丁地共徵銀一千四百五十九兩一錢四分

八毫九絲七忽二微二纖四塵七渺內

戶部折色銀一千四百九兩六錢六分五厘三毫

七絲八忽八微一纖四塵七渺

一本色

工部

狐皮六張六分四厘七毫微銀三兩三錢二分三厘九毫三絲六忽一微五纖

大牛角弓面四副八分一厘九毫微銀一十四兩四錢五分四厘二毫九絲四忽三微六纖

一倉糧

德州倉無麥納米折色銀三十一兩四錢五分四厘三毫八忽一微六纖

加銀一錢七分一厘五毫六絲九忽三纖

脚價銀七分一厘四毫一絲七微一纖

論曰古者慎重民事重其皇皇富家之心而已
凡民各有其家而終歲經營權出入之數以從
其贏詘將以抵於富厚也而撫循長養之術
亦不外乎此蓋積家而成鄉積鄉而成邑積邑
而成國人人如是其皇皇而富家也而國以大
治故竊以爲萬年之計予地期無瘠然而恒腴
不可必也一年之計予天期無荒然而屢豐不
可必也天地不履之道予人期無惰期無濫則
勤可必儉可必也夫勤與儉卽王者之至仁元

澤所以覆冒乎庶民也棲自兵興後地蒿萊矣
人流離矣休養生息舍勤儉其何術歟試爲權
其歲入者若干歲費者若干歲費所餘者若干
其貢於王家者若干民之養於官者若干其廩
於官而足以相養者若干不書諸籍無徵也書
諸籍而或意爲低昂焉其何能邑故賢令長之
於邑也使出入贏詘之數悉經其智慮焉而後
可無負王者拜登民數之至意爾

九釐銀議

附

登州府各屬鄉官范復粹郝晉揭爲仍舊派餉以杜紛更以免偏累事切照新餉一節按廠均派事奉部文各州縣照數分領已經五年上歲寧海州突出奸人借口減餉夤緣爲利以致各屬呈揭鳴辯再三不已今 老公祖批詳中有現在編派有無偏枯照糧均攤有何違碍之諭明示中又有以地之肥瘠爲糧之輕重照部額均攤等語粹等請一一詳陳之八屬之中寧海爲大地膏民饒較各屬尤最其糧卽宜較

棲霞縣志

卷之三

九厘

三十三

各屬居多今以大糧銀計之則寧海州原額派銀一萬九千二百二兩零比蓬萊輕派銀三萬八千九百六兩零比黃縣輕派銀二萬七千六百七十兩零比福山輕派銀三萬二千七百九十兩零比棲霞輕派銀一萬九千一百五十四兩零比招遠輕派銀一萬三千九百五十七兩零是寧海州大糧之輕於各屬也若此以新餉銀計之若照糧均攤則寧海州派銀四千九百九兩零比蓬萊輕派銀一萬一千五百一十九兩零比黃縣輕派銀八千三百八十七兩零比

福山輕派銀八千七百三十六兩零比棲霞輕派銀
八千二十三兩零比招遠輕派銀五千六百一十二
兩零是寧海州新餉之輕於各屬也若此以地之肥
瘠計之寧萊二處地廣而肥縱橫至四五百里考之
地志可見當其立州立縣之始未必便有如許地畝
後則倉口如故而開墾日擴則其糧不得不輕卽萬
曆年間至於今日已各多一千四百餘頃則其前可
知矣至各屬規模狹隘無地可開加以賦重役煩荒
蕪相繼是以起科之數一定不移而後之地畝日減
棲霞縣志

卷之三 九厘

三十四

則其糧不得不重萬曆以前所不具論卽今十數年
間荒地之數載在由單非其明證歟是寧萊糧輕非
由於地之瘠各屬糧重非由於地之肥也若此至更
正見在以部額派餉則愈有難爲通例者大部所頒
原係萬曆年間舊額至我

國朝定鼎或熟地而成荒或荒地以成熟以今日實
在之數比之當年實難一一相符也 老公祖按臨
山左通變宜民經濟多方其寧萊二處共多一千八
百餘頃棲多一百餘頃將派以新餉歟抑額外置之

歟至於各屬缺額中間實多荒廢倘必遵部頒必至
熟地包荒矣是部額之不必執也又若此總之粹等
之見謂事仍其舊則見在編派並無偏枯一時之成
規實萬世之定例確乎不可易者如照糧均攤必先
清其源將一府地數與一府糧數通盤打算上地派
銀若干中地派銀若干下地派銀若干下下地派銀
若干使寧萊之糧與各屬輕重相等則計毋科子始
爲無弊不則輕者益輕重者益重大有違碍矣老
公祖釐奸剔弊百歲維新將以稱物平施事事垂之
棲霞縣志 卷之三 九厘 三十五

各屬幸甚

寧海州大糧銀輕於各屬實數

寧海州地一萬五千八百一十二頃零派糧銀一
萬九千二百

百二兩零

蓬萊縣地三千三十四頃零卽以萬曆年間原額
地三千七百七十四頃零與寧海較寧海地比蓬
萊地四倍有餘蓬萊派糧銀一萬四千五百二十
七兩零以四倍之數計之寧海該派銀五萬八千
一百八兩零今寧海止派銀一萬九千二百二
兩零比蓬萊輕派銀二萬八千九百六兩零
黃縣地三千六百二十二頃零卽以萬曆年間原
額地五千七百七十二頃零與寧海較寧海比黃
地三倍有餘黃派銀一萬五千六百二十四兩零
以三倍之數計之寧海該派銀四萬六千八百七

十二兩零今寧海止派銀一萬九千二百二

兩零比黃輕派銀二萬七千六百七十兩零

福山地二千八百八十六頃零即與寧海較寧海比福

山地五倍有餘福山派銀一萬四千二百零以五

倍之數計之寧海該派銀五萬二千一十兩零今

寧海止派銀一萬九千二百零比

福山輕派銀三萬二千七百九十兩零

棲霞地四千四百三十四頃零比原額地多一百

四頃零寧海比棲霞地三倍半棲霞派銀一萬九

百五十九兩零以三倍半之數計之寧海該派銀

三萬八千三百六十六兩零今寧海止派銀一萬

九千二百零二兩零比棲霞輕派

銀一萬九千一百五十四兩零

招遠地三千八百四十八頃零即與寧海較寧海比招

遠地三倍有餘招遠派銀一萬一千五百三十三兩零

以三倍之數計之寧海該派銀三萬三千一百五

棲霞縣志 卷之三 九厘

十九兩零寧海止派銀一萬九千二百零二兩零比

招遠輕派銀一萬三千九百五十七兩零寧海每

丁派銀三錢招遠每丁派銀

四錢二分似亦宜均攤者

新餉照糧均攤寧海輕於各屬實數

寧海原餉銀九千一百八十四兩

零照糧派減至四千九百九兩零

蓬萊原餉銀二千四百一十六兩零照糧派增至

四千二百七兩零寧海比蓬萊地四倍有餘以四倍

之數計之寧海該派餉一萬六千四百二十八兩

零今止派四千四百九兩零比蓬萊

輕派銀一萬一千五百一十九兩零

黃原餉銀二千四百六十九兩零照糧派增至四

千四百三十二兩零寧海比黃地三倍有餘以三

倍之數計之寧海該派一萬三千二百九十六兩

零今寧海止派四千九百九兩零比黃輕派八千

三百八十七兩零

福山原餉銀一千八百四十八兩零照糧派增至二千七百二十九兩零寧海比福地五倍有餘以五倍之數計之寧海該派一萬三千六百四十五兩零今寧海止派四千九百九兩比福山輕派八千七百三十六兩零

棲霞原餉銀二千八百三十九兩零照糧派增至三千六百九十五兩零寧海比棲霞地三倍半以三倍半之數計之寧海該派餉一萬二千九百三十二兩零今止派四千九百九兩零比棲霞輕派八千二百零三兩零

招遠原餉銀二千五百五十一兩零照糧派增至三千五百七兩零寧海比招地三倍有餘以三倍之數計之寧海該派一萬五百二十一兩零今寧海止派四千九百九兩零比招遠輕派五千六百一十二兩零

棲霞縣志卷之三 九厘

三十七

周太尊勘語

勘得新餉一事業經遵奉批詳傳集八屬紳衿及州縣官公同會議諸紳衿捧讀示諭皆知憲臺爲地方苦心莫非欲派徵得當不至稍有偏枯至意耳但云照萬曆年間之糧與地皆有不便於民情者謹一一爲上臺陳之據稱各處地糧輕重不一因荒蕪與開墾之不同皆非其地有肥瘠也如荒蕪多而額定之款項未能遽減其勢不得不在於熟地包荒故其糧日重有開墾者則反是無包荒之累故糧輕不然豈

重來之地獨瘠而其餘盡肥乎所以照糧則輕者愈
重而重者愈重至於內有代徵丁徭勢難累派者所
不具論矣又萬曆至今地之新墾與缺額者不知凡
幾豈缺額者仍復加派而新墾者累置不問乎所以
照萬曆地額則地少者餉多地多者反餉少矣寧海
州紳衿云他縣有折畝者惟費招文三處其餘皆未折
稱八邑之中有折畝者惟費招文三處其餘皆未折
畝乃每畝大糧至四五分寧海不及二分如以折畝
爲辭必將未折者而槩折之及大糧輕重不一者而
棲霞縣志 卷之三 九厘 三十八

均攤之然後適平焉有同一未折賦彼而不賦此新
餉當均大糧獨不當均乎卑府復詰以如之何而後
可乎曰止有照舊一設耳照舊惟費招文稍占便宜
其餘爲苦則一然徵派已久民皆相安不復有他辭
矣此紳衿之會議者如是因同公議一併轉呈知憲
臺自有所以鑿奪者也

鄉官范復粹 郝晉 衣惟孝 王一驥

戚良宰 李唐裔 孫鏡 蔡永莊

劉復昆 范乃蕃 李元善 王允諧

舉人徐 杆 鄒胤光 張鳳羽 王文龍

賈蕃男 戚延錫 郭 諫 郝 瓚


馬 遷 韓正倫 牟 适 孫起元

楊其淵 王聯桂

卷之三 九座

三十九

震澤縣志卷三終



樓霞縣志卷四

知樓霞縣事加二級古燕胡 璘霧玉父重修
賜進士內府禮科給事中邑人李唐裔西林父鑒定
賜進士候 選 知 縣邑人牟國須柱東父訂正

邑舉人牟國玠鳳伯父纂輯

官師志

作牧專城儲材設校命寄百里化資五教惟棠
勿剪惟檜修齡高山可仰履轍宜懲

先王敬慎民事特重親民之官一邑之中設正

樓霞縣志

卷之四

官師

官以爲之父母而又爲之佐以贊其猷爲之俸
以成其務爲之尉以行其令

朝廷設官分職之意何可不念歟士君子讀書見志
修之於家而獻之於

天子之庭固將以大有爲也一旦得爲而不思職業
之所存生平之期許安在乎至於師儒秉鐸一
方人才之盛衰氣運之隆污係之不可謂非大
用之也夫官無崇卑盡職爲良若乃殫心有爲
善政善教優游漸摩至於化行而俗美可謂曰

賢不則民罔攸賴士失所宗不亦曠乃官乎列
其名而間稱其政凡以使嗣興者知所攷鏡也
志官師一卷

縣令

金設令

大德 陳志

大定 李自牧 趙郡人

專尚德化政簡
訟清祀名宦

大安 李景道 河中人
元年任

首建學校
肇啟人文

李惠

元設達魯花赤

棲霞縣志 卷之四 縣令

大定 失蘭禿

至正 馬駒

明設知縣

洪武 陳敬 宣城人
六年任

呂鏞 涇陽人
七年任

吏幹精敏
惠政有聲

正統 姜昀 武人
三年任

蒞任廉明
教興事秩

蕭鳳 廣崇人

陳昇 靜安人 三年任

成化 婁鑑 獻縣人 六年任

剛果 解姚廉慎 礪節翼良 戢暴葺學與賢祀名宦

路真 南宮人 十年任

公恕 勤信事舉 民懷有政績碑

陳貴 太和人 舉人 十年任

水葉 自勵威惠並行 崇祀敦儒 授窮 懷竄卒官歸視行 橐蕭然祀名宦

弘治 姜照 宿遷人 七年任

亢憲 宜陽人 舉人 九年任

棲霞縣志 卷之四 縣令

郭實 清宛人 舉人

政從寬綽行 勵清勤 丁丙 艱 去民攀恋 不忍釋祀名宦

正德 劉時禎

劉孜 滑縣人 六年任

余章 景州人 舉人 十三年任

杜俊 石埭人 十年任

嘉靖 張鑾 睢寧人 元年任

直道孔昭 德威惟畏 崇舉 校恤孤 獎濟 猛以寬厚 終如始祀名宦

李祐 襄垣人 四年任

白廷珪 唐縣人舉人十二年任

馬國貢 儀封人舉人十四年任

楊美珺 鄞縣人十年任

王文貢 澧州人舉人十八年任

余鳳鳴 益都人舉人十九年任

孫縉 肅寧人二十年任

沈弘訓 順天人舉人二十九年任

吳桐 東安人舉人二十九年任

李揆 同梁人舉人三十五年任

棲霞縣志 卷之四 縣令

法度難犯志氣不屈勤課生儒重懲南惡街城公署修葺有功

黃桂 英德人舉人

夏慶元 景州人舉人

高恩 薊州人舉人

隆陶汝弼 鄆城人舉人

石守一 藁城人舉人

萬曆朱惟純 西安衛人舉人二年任

鮑霖 青陽人舉人五年任

修城葺學有功

楊誠 錦承衛人 選貢七年任

王會同 故城人 選貢八年任

繆垠 蕭縣人 選貢十一年任

李思聰 榮河人 選貢十三年任

清正持身 食苦茹淡 歸之日 行李蕭條

陸肅至 和和人 舉人 十四年任

精敏有為 恩威並著 去後常見思

何思鰲 桐城人 選貢十七年任

森森武庫 炯炯文星 若虎之標 逾三載而益厲 如傷之頌 合萬口而同聲 去思何武 流芳遺愛

其棠 嫂美

鮑紋

張雲霽 順天府永清人 舉人 二十六年任

事多整頓 法不輕貸 一時奸豪 歛跡 至中華里甲丁錢 又稱得民

曹烈 陝西澄城人 舉人 三十三年任

白意赤心 敦廉重耻

李同寅 山西樂平人 選貢三十六年任

張敏教 河南上蔡人 選貢三十八年任

宅心渾厚 敷政寬和 民歌襦褲之仁 士樂菁莪之化

馮士冠 鄆州人貢生 四十二年任

胡修 南鄭人貢生 四十四年任

趙克述 隴西人貢生 四十七年任

張其道 涇陽人舉人 元年任

馮謙亨 元年任

金汝聲 南直人舉人 元年任

李迪 麻城人舉人 五年任

高超 北直人貢生 十年任

李升吉 山西人舉人 二年任

棲霞縣志 卷之四 縣令

惠心孚衆武畧安邦歷任四年民歌十德闔邑
頂祝立生祠以祀 十德紀實一賦羨餘時定
例徵銀一兩羨餘五分公賦去三分以二分爲
起解之費一停科派時上下之費多派田畝公
日常祿之外皆私也盡行革去一除積蠹時役
人同黨爲奸害民及官牢不可破公覺立斃元
克三人境內咸服一嚴社書社書那輕移重良
弱受累公獨其奸嚴懲以法積弊頓清一革押
差押差法分別花戶勤惰以示勸懲即里長亦
追徵有法因革其差一禁銀役銀匠認看銀色民
若無事因革其差一禁銀役銀匠認看銀色民
多被其勒索公出示限定每銀一兩給銀二厘
止足供炭火之資一杜刁風時俗多德訟公平
心聽斷証者重懲訟息民安一恤獄犯公嚴於
執法濟之以寬雖有監羈時存軫恤禁卒不得
指勒一懲惡棍不違之徒武斷鄉曲公扶弱鋤
強克人盡皆短氣一固封守戎馬生郊勢如壘
郭公固結人心効死以守城賴以全詳見祠堂

賈來聘

北直人貢
生七年任

冉濡能

河南人舉
人七年任

趙三誥

山西人舉
人八年任

鍾其偉

陝西人貢生
十一年任

王風淳

河南人舉人
十三年任

李振秀

北直人貢生
十五年任

朱在鈺

河南人貢生
十六年任

國朝

棲霞縣志

卷之四 縣令

八

治 顧 霍叔瑾

直隸井陘人舉人元
年任歷陞通政使

侯延祚

山西人貢
生二年任

金本重

遼東人舉人三年
任陞河南府知府

郎崇賢

遼東廣寧人
貢生五年任

李成棟

蓋州人貢
生七年任

金國儒

遼東人貢
生八年任

連城璧

北直延慶人
貢生十年任

陳治官

浙江鄞縣人進
士十一年任

程必昇

陝西韓城人進
士十三年任

翟進仁 直隸人滿洲籍十四年任

康熙 何際泰 廣東番禺縣進士二年任

泣任烽火之後軫念殘疆整施蹂躪之餘懷保子遺除荒蕪而民艱以悉豁逃亡而人困以甦有覺澄奸庭高朗月好生布德獄鮮覆盆去之日萬民遮道頂香流涕泣下如失慈母有家設生祠以祀者

張正誼 陝西臨潼縣進士三年任

開報續荒請蠲練餉政準前令何侯為式民有召父杜母之蕭

胡璘 直隸順天人四年任

蔣馥 浙江長興縣進士十七年任

棲霞縣志 卷之四 縣令 九

徐守祖 旗人招遠知縣十八年署本縣事

寬刑緩征火耗全蠲百姓實被其惠次年四月卒於官民有如喪考妣之思焉。舊志攝篆者例不關載然有功德及民遺愛難忘者未可沒也特增入之自公始詳見藝文碑記

吳佐 四川籍江南休寧縣拔貢十九年任

劉起龍 直隸寧晉縣舉人二十二年任

崔徵璧 直隸長垣縣進士本府海防同知三十年署本縣事

火耗私徵悉罷陋規積弊咸除去任後民猶食其餘澤歷陞河南糧驛道

羅南星 福建永安縣拔貢三十年任

絕科派免供應一切公務及解費等項悉皆自辦里井晏如也泣任三載不輕差以縱豪役不

浪費以悅上官尋舉卓異陞朔州知州離任之時百姓攀轅擁留不忍別

俞寅 浙江餘杭縣進士三十四年任

丙子秋荒公煮粥賑饑雖隆冬必親歷不倦全活甚眾時有大憝倡謀搶掠尅日舉事公陽為查保甲馳往緝之立斃杖下由是奸宄斂跡境內以安後甲申大饑民至相食而守法無敢動者公之賜也

吳翰翀 順天大興縣舉人三十八年任

高若駿 廣西懷集縣舉人四十年任

鄭占春 福建福清縣貢生四十一年任

廉明多惠政恤災荒而安輯有方寬編審而需索立禁修講堂以造士除雜派以息民一時循

棲霞縣志 卷之四 縣令

九之一

良罕出其右非敢以現任而故為諛詞也

李用中

四川南充縣人
四十九年任

癸巳科分房得士

王世濟等共

人

樓霞縣志

卷之四

縣令

九之三

論曰縣令古小國侯也上而制使郡守董其處
下而佐貳首領宣其治爲旬宣爲表帥凡以爲
民也受若職而不知民事之維艱詎先王建官
初意哉余於烽火殘黎卵翼不遺餘力而瘡痍
未起時厯予辜茲於邑志之修而重有感於吏
治之難也夫吏有智上官可欺而不可以下獲
匹夫之心吏有術下民可悅而不可以乎民心
於永久居官者第各行其志而亦思後此之衮
鉞卽在爲所欲爲之日歟凡我有位法戒固在

前人矣

縣丞

金

大德 賀文頴 東平人

元

貞元 孔忠

劉禔

大德 王鼎臣 真定人

政先教化澆俗
頓移祀名宦

張鼎

棲霞縣志 卷之四 縣丞

至大 張騰霄

至正 白惟本

凌世寅

孫大亨

明

洪武 方 肱 應天人 吏員二年任

陳 文 仁和人 生員五年任

朱 榮 晉安人 生員八年任

李 翥 十七年任

蘭芳 慶都人

永楊鑑 慶都人

成宋端 六年任

解性 宣府人 二年任

弘李濟 平涼人 九年任

正孫藍 丘人 吏員 一年任

呂文 滄州人 例貢 十四年任

章用之 清河人 例貢 十六年任

嘉李完 忻州人 例貢 十一年任

棲霞縣志 卷之四 縣丞

金崇文 黃廉人

李英 通州人 吏員 二十年任

鍾楠 崇德人 監生 二十三年任

李舉 丹徒人 例貢 二十六年任

汪本 宣城人 吏員 二十七年任

張秉直 滑縣人 二年任

左鑿 涇陽人

邵德 定海人

陳玘 備田人

王 輦 山陽人 監生

隆 齊 顯 房山人 監生

李中芳 和順人 監生

楊謙亨 南樂人 監生

胡 芹 山陽人 知印

萬 趙 孟 畧陽人 監生

黃茂悌 儀真人 例 貢五年任

馮 金

張德威 萬全人 例 貢九年任

棲霞縣志 卷之四 縣丞

汪鳳翔 歙縣人 序班 十二年任

李應誥 富平人 吏員 十六年任

董後光 婺源人 監生 二十二年任

李景實 平陸人 選貢 二十三年任

鄭 名 萬全都司人 選貢 二十四年任

丁 蕃 浙江奉化人 吏員 二十七年任

張以西 河南孟縣人 吏員 三十年任

周 訢 河南延津人 例 貢三十三年任

王嗣恭 順天宛平人 吏員 三十六年任

吳良梓 江西南昌人 監生三十八年任

陳宗器 浮山人 貢生四十四年任

黃士謨 新城人 四十五年任

彭慶說 全椒人 貢生四十七年任

天啟 李長春 合肥人 三十九年任

崇禎 趙一元 山西人 三十九年任

李名俊 河南人 四十四年任

程四達 河南人 貢生七十七年任

王道立 順天人 貢生九十九年任

李振秀 北直人 貢生十二年任 陞本縣知縣

魏文勳 北直人 貢生十六年任

國朝

順治 王性穆 宣府人 貢生元年任

魯顯 浙江人 吏員二年任

甯坪 順天人 貢生八年任 陞蕭縣知縣

魏三台 北直人 貢生十三年任

郭衛宸 陝西朝邑人 副貢十四年任

康熙 尹際勳 湖廣人 貢生二年任

徐琦 江南上元縣
貢監七年任

陞邵武
知縣

馮慶餘 山西振武衛例
監十六年任

盧振先 正紅旗監生
十九年任

陞岳陽
都知縣

郭朝柱 福建福寧州監
生二十八年任

李士俊 湖廣漢川縣例
監三十六年任

章彪 浙江會稽縣例
十八年任此後奉裁

論曰丞者令之輔也一邑之中政務叢集爰設
貳以輔正官之不逮利有未興丞與興之害有
未去丞與去之置法補敝排急捍災皆令之責
卽皆丞之責漢制令長及丞皆黃綬銅印誠重
之矣

國朝以來貳斯土者未數數然也然以績著而擢用
者有人矣以德施於民勒之貞珉以垂永久者
有人矣其事皆可勸也余特表之爲後之貳斯
土者告焉

主簿

金

大趙守貞
元年任

元

貞孫良弼

大德劉文起

至大李芳

正至韓康

史周

棲霞縣志

卷之四

主簿

十六

明

洪武林濟
同安人元年任

牟敬祖
公安人歲貢三年任

時值兵興令相繼以事去公獨履諸艱才優政勤百廢修舉祀名宦

郎富
金華人六年任

正統王宣
平谷人監生十二年任

化威呂裕
六年任

王宣
汝陽人吏員二十三年任

弘治董讓
豐潤人九年任

正德 段賢 北直人 六年任

胡山 開平衛人 監生 九年任

嘉靖 劉慶 文水人 吏員 三年任

楊甫旺 吏員

續朝用 襄陽人 吏員

鄒武 清河人 例貢 十一年任

張錦 監生

唐祿

丘恒 清河人 例貢 二十年任

棲霞縣志 卷之四 主簿

十七

蔚繼宗 臨汾人 監生 二十八年任

孫玘 霸州人 吏員

周思忠 沛縣人 監生

劉翊 博野人 例貢

程鏞 歙縣人 例貢

隆慶 孟春 樂亭人 監生

張倫 天成衛人 監生

萬曆 黃廷秀 豐縣人 例貢

李蒙訓 和曲人 監生

王

衮

清和人
例貢

梁大壯

文水人例貢十年
任十二年奉裁

典史

元

元 牟 質

至 楊 茂

姜 政

歐陽錫

明

洪 武 丁良甫 五年任

周宗昕 寧波人 三十年任

懷慶縣志 卷之四 典史

躬修秉履孚惠流恩後永樂九年應求賢詔推知陽山

成 化 張 盛 桃源人

弘 治 邵 鏜 清和人

正 德 劉 旺 涑水人 九年任

嘉 靖 任廷章

李 用

王 鵬

吳 楫 棗強人

豐 喬 二十六 年任

任星 旌德人 二十七年任

王琚 濟苑人

高山 通州人

袁守奉 任縣人

項陽 山陰人

劉棻 溧水人

劉廷臯 當塗人

王弘道 內黃人

陳法 合肥人 五年任

馬應科 朝邑人 八年任

築堤修學 有督理功

宋得隆 寧國人 十年任

胡榮 孝感人 十年任

曹鈐 蕪湖人 二年任

冷貞元 錦州衛人 承差 二年任

鄭繼芳 永豐人 二年任

趙懷璧 蘭谿人 二年任

范楷 曲州人 三年任

棲霞縣志 卷之四 典史

吳弘道 直隸江陰人 三十五年任

楊應泰 浙江鄞縣人 三十八年任

韋時陞 深陽人

江正大 江夏人 十四年任

秦 李日正 清江人 元年任

天 馬應期 全椒人 三年任

周文盛 陝西人 七年任

崇 王大經 順天人 三年任

王經國 福建人 五年任

樓霞縣志 卷之四 典史

孫自省 陝西人 七年任

馬登良 陝西人 十年任

張友 陝西人 十二年任

馬綦盛 山西人 十五年任

國朝

順 阮學新 浙江人 元年任

王子蘭 浙江人 四年任

王志達 浙江人 九年任

朱夢電 順天人 十二年任

張百朋 順天人 十六年任

康熙 劉慶遠 順天人 二年任

胡懋珏 浙江人 七年任

王國祚 浙江人 十年任

朱萬 浙江會稽人 十二年任

陞巡檢

白奇才 直隸趙州人 十九年任

崔詢 江南沐陽人 三十一年任

張啟朝 山西夏縣人 三十五年任

棲霞縣志 卷之四 典史

張其恩 山西崞縣人 四十六年任

教諭

明

洪武劉湧 信陽人 三十年任

性行公恕 修教勤明

永樂 樂冀 綸 永平人

英年練達 雅度寬弘 學富 教勤 多士有道 祀名宦

成化 吳怡 山陽人

學賸教殷 士類飲德 以內艱去 後服闋 赴部吏 民寓京師 者為乞 復舊除 克紹前美 益蜚賢聲

祀名宦

棲霞縣志 卷之四 教諭

弘治 趙士榮 東鹿人 九年任

正德 耿聰 殺州人 九年任

李邦祥 高要人 十二年任

積學工文 飭躬律士 泉徒兩齋 闡教無倦

薛日謹 新鄭人 十六年任

嘉靖 鄭遜 三河人 四年任

袁濂 合紀人 三十年任

李璋 海門人 二十七年任

周澍 羅源人 二十三年任

行可範人學堪應中羣多士於學
官課之雖異庠弟子願就函丈

楊琮 成安人

趙儀 晉州人

王義 樂城人

隆慶 田鑑 南陽人

冀允 內丘人

萬曆 扈文魁 藁城人

李杜 密縣人

孟昊 長治人舉人四年任

棲霞縣志 卷之四 教諭

二十四

砥礪名節以身為度
逃詣廣覽能古文詞

李溼 昌邑人

張栢 遼東永寧人

周于德 豐潤人

宋汝繁 武城人十五年任

羅網 陳州人十八年任

王可嘉 曲陽人十九年任

顏師孔 新樂人二十二年任

李名揚 青州人二十六年任

陶 濬 通州人三

王 涘 許州人三

孫夢斗 齊河人三

郭 訥 費縣人四

程雲鳳 滋陽人四

張大綬 永城人四

呂時暢 掖縣人四

呼守默 濟陽人四

天官 薦 平度人

樓霞縣志 卷之四 象諭

崇禎 湯三頤 遼東人

胡嘉威 四年任

李有才 順天人

胡達節 七年任

郭沐恩 八年任

黃一鳳 遼東人十

柴振光 北直人十

國朝

順治 關 選 高密人

顏伯範 曲阜人 四年任

姚三變 兗州人 八年任

王贊 高唐州人 十三年任 嗣後裁教諭存訓導

康熙 王光緒 泗水人 二十年復設教諭 與訓導同食一俸 本年任

高駿 費縣人 二年任

陞江西東 鄉印縣

鄒王選 恩縣舉人 二年任

單務和 高密人 三年任

朱友韓 沂州拔貢 四年任

棲霞縣志 卷之四 教諭

三

論曰古者教養合為一官司徒之職即統庠序

漢唐制猶近古今長兼理學校今讀其書想見

民牧師保之義焉宋景祐慶曆間詔立州縣學

職名雖設尙未大備迨元明而教授教諭諸官

彬彬就列矣然其後也講堂齋舍半為明經養

老之地夫治道本乎賢才賢才出於學校而學

校之興則司教者之責也應是任者鼓舞作興

勸忠訓義為萬世綱常立則斯不愧明倫二字

矣

訓導 明初設二員至嘉靖四十
年裁革一員 國朝因之

明

武洪 胡 選 貴州人

施教勤懇
造士多成

葛 雍 當塗人

高 昇 祥符人

學行宿敦
訓迪有法

弘 徐 敷 歸德人

謝 縉 安福人

棲霞縣志 卷之四 訓導

正 德 葉 英 儀真人

劉 鑑 潁州人

石 坤 撫寧人

嘉 靖 勇 鎮 宜興人

王 一 麟 東流人

于 禮 霸州人

韓 思 瑁 潁州人

馬 偉 廣平人

屈 直 蔚州人

李學友 贊皇人 十九年任

李芳 鳳陽人 二十年任

張沛 永年人 二十三年任

呂文聰 元城人 二十六年任

任寶 汝州人 二十六年任

齊凱 蠡縣人

任傑 通州人 三十三年任

多才有為善教無類 輕財重學著述頗多

宋厚 掖縣人

捷霞縣志 卷之四 訓導

滑希增 清苑人

樊寶 大同右衛人

王宗元 漢陰人

王鳳桐 涉縣人

隆慶 余文裴 光州人

高曆 周釗 道州人

遲嘉猷 昌邑人

李巖 德平人

李桂 卽墨人 十一年任

清修樵節端方率土講解
根極理與步趨不愧名儒

嚴三策 遼東蓋州人
十六年任

王三奇

王健 汶上人
十七年任

邊體恒 咸陽人
十二年任

樊煥 陝西永壽人
三十八年任

張鳳梧 龍游人
十二年任

翟鯨 嘉祥人
十六年任

崇禎 楊純 遼東人
元年任

棲霞縣志 卷之四 訓導

劉會極 五年任

曹濬 八年任

齊洪紀 十年任

郭養樸 十三年任

劉繩然 鄒平人
十六年任

國朝

順治 朱璣 沂水人
三年任

朱時顯 德平人
五年任

仲旭貞 萊州人
八年任

趙禧貞 博興人 十三年任 嗣後奉裁

康熙 臧法舜 濟寧人 四年任

閻懋倫 沂水人 七年任

崔方振 昌樂人 十年任

張萬燾 朝城人 十年任

史淳 濮州人 十五年任

張如楠 曹縣人 十五年任

王作霖 武定人 十七年任

杜若甫 滕縣人 十八年任

棲霞縣志 卷之四 訓導

宋其仁 金州衛人 四十年任

論曰有樓以來官師何多員也乃迄今俎豆之
號稱名宦者指不十屈詎皆不可爲名宦耶我
不得而知矣夫名有二躡其位攬其權貢諛之
口浮譽出焉采榮之門巧宦入焉豈曰無名第
未幾身去而彌縫之所不及權勢之所不加士
庶人相與訾議之一時之名焉能爲有彼悃悞
者祇自盡乃去而見思沒而不忘孰爲其名而
令名無窮矣諸君子人與其骨俱朽而遺芳吟
口猶存什一於千百其不卽綴祀者而宦亦有
其名此名胡可少耶不然者未必盡爲民懃獨
奈何瀕沒而不傳孔子亦曰疾沒世而名不稱
焉凡我有位鑒之哉



棲霞縣志

利集

第三册

卷五選舉

卷六人物

卷七祥異

棲霞縣志卷五



知棲霞縣事加二級古燕胡 璘 霧 玉 父 重 修
賜進士內府禮科給事中邑人李唐喬西林父鑒定
賜進士候 選 知 縣 邑 人 牟 國 須 柱 東 父 訂 正
邑舉人牟國玠鳳伯父纂輯

選舉志

四關舜門三興周物何地無才取士必得後先
比肩大小使器於邑有光於時有濟

制科取士歷代相因自明初以來載在令甲三

棲霞縣志

卷之五

選舉

一

途並用一節之士皆得以尺寸奮功名當其時
車服以庸之宅里以表之彰德育才意甚盛矣
乃膺茲選者求其感會風雲以佐一代邅隆之
運徃徃指不多屈甚矣盛名之下其實難副也
夫明揚師錫風斯逸矣而今之成進士者卽古
所稱司馬三升而鄭重命之者也孝廉爲一鄉
之士明經稱練達之才以至成均之所選造鷹
揚之所拔簡壘壘若若皆天子臣也立德立功
豈異人任歟爲剖分諸途而舉劄之俾閭巷之

士爭自濯磨以求當於君相庶幾有所興起乎
志選舉一卷

敬薦

男

武高翼 十二年 巳未

以材行薦都御
史詳見人物

樂永馬 欽 五年 丁亥

以人材
薦縣丞

李復新 五年 丁亥

以人材薦
肅府典儀

林 鶚 五年 丁亥

凌霞縣志 卷之五 職用

以人材薦
工部侍郎

崇禎 宋遵周

以守城薦知
縣詳見人物

國朝

順治 于際清

屬正黃旗下 初孫知
州歷陞山西布政使

論曰古者鄉舉里選論定後官周秦以後士出
於察也非三物四術之義漢制猶為近古雖有
賢良孝弟直言茂材諸科然皆薦自郡國稱曰

詩簡如賈誼董仲舒輩初不以文章見知也明
初蒲翰四出廣至二十四科取士之法視唐宋
爲加詳而繼世以下不多見焉豈故卜師錫今
與古不相及與抑積重之世有不能遽返者耳
葦志選舉首列徵薦亦猶行古之道也夫

甲科

明 洪武四年辛亥始會試六年癸丑
罷會試至十八年乙丑復會試

宣德 玉 頤 八年 巳丑

人行

正統 解延年 七年 壬戌

鏞之子知重慶府詳見人物

成化 陳 珍 十一年 巳未

弘治 孫 祿 九年 丙辰

應天府尹詳見人物

樓霞縣志 卷之五 甲科

五

嘉慶 郝 潔 五年 丁丑

知海豐縣

崇禎 郝 晉 元年 戊辰

守校之子官兵刑二部左右侍郎國朝巡撫保定詳見人物

國朝

順治 李唐裔 三年 丙戌

禮科給事中詳見人物

孫 鏡 三年 丙戌

知清水縣

衣環如巳丑六年

惟孝子陝西

漢中府推官

牟國須 辛丑十八年

名宦公敬祖八世孫鈞
之子河南滎池縣知縣

康熙 牟國玠 二十一年

名宦公敬祖八世孫道行
孫鏜之子兩舉鄉飲大賓

牟國瓏 二十七年

名宦公敬祖八世孫道行孫鏜之子
直隸南宮縣知縣巳卯順天同考

牟恒 三十三年

樓霞縣志 卷之五 甲科

六

名宦公敬祖九世孫鏜之孫作孚子戶部
山西清吏司主事

李日更 四十五年

唐裔子 欽授翰
林院漢書庶吉士

牟 恒 三十三 年甲戌

名宦公敬祖九世孫鏗之孫作孚子戶部山西
廣東司主事湖廣司員外郎禮部祠祭司郎中

李 日 更 四十五 年丙戌

唐齋子 欽授翰林院庶吉士陞
授檢討加一級壬辰會試分房

林 嶸 五十一 年壬辰

調鼎子

牟 懋 五十一 年壬辰

緩之孫國澎子奉

特旨留京教習候補內閣中書

論曰進士之名昉於周禮隋煬帝始制爲科
以詩賦定品第不復關行能唐宋因之間特
偉如九齡真卿冠準韓琦輩非不卓犖出羣而
大儒若韓愈義士若何蕃理學者魏願忠直若
陳東曾不得一第者何可勝數舉天下之才而
一之於科目入是科者雖樽杌必用是科者
雖周孔必棄奚恠乎法彌詳而弊彌濶乎雖然
上有好者下必甚焉考其德業審其言行毋
舉毋賄進毋以膏夫受上賞安見經術不可以
經世而進士之不爲將相科哉於徵薦後次及
是科亦曰科薦益行庶不致有人材寥落之感
耳

鄉舉

明 洪武三年庚戌
始開科鄉試

永 王 政 六年
戊子

知河
津縣

于 寧 十二年
甲午

訓 鹿

蕭 儀 十五年
丁酉

禮部員
外郎

張 綱 十五年
丁酉

棲霞縣志 卷之五

御史諱
見人物

宣 德 王 順 四年
巳酉

見甲
科

唐 元 七年
壬子

詹事府
錄事

正 統 于 泰 二年
戊午

學
訓

解 延 年 六年
辛酉

亞元見
甲科

高 敏 元年

趙州 訓

李 謙 四年

天 王 弼 三年

知樂 亭縣

成 孫 隆 七年

沂州 正

陳 珍 十年

解元 金州衛籍 本縣人見甲科

棲霞縣志 卷之五 鄉舉

林 恂 十年

知鶴慶府 詳見人物

王 振 十年

知安 塞縣

弘 孫 祿 二年

見甲 科

嘉 林 翰 邦 元年

恂之 子

隆 張文璧 元年

文公弟知安城縣
陞潯州府通判

島
郝 潔 元年
癸酉

如金之子
見甲科

林養素 十三年
乙酉

奇之孫知
太倉州

林勝選 十六年
戊子

恂之元孫
知新安縣

鄒汝聰 十六年
戊子

曾之子任汾
州府推官

棲霞縣志 卷之五 鄉舉

牟道行 十九年
辛卯

名宦公敬祖六世孫道南
弟真定府同詳見人物

崔應登 三十四年
丙午

戶部主事
詳見人物

天
郝 晉 元年
辛酉

見甲
科

孫聲振 四年
甲子

以約
之子

崇
孫啟元 十五年
壬午

平慶州知縣
陸吳縣知縣

衣璟如 十五年

科見甲

韓正倫 十五年

知新
城縣

馬遷 十五年

高苑
論

國朝 三年丙戌再行鄉試四年丁亥再行會試十六年己亥又行會試

治 李唐裔 二年

樓霞縣志 卷之五 鄉舉

科見甲

孫鏡 二年

科見甲

牟适 三年丙戌再行鄉試

鄉冠知府
西羅城縣

郝瑣 三年

守城孫
晉之子

牟國頌 十一年

科見甲

謝 賓 十四年
丁酉

子 肇基

康 牟國玠 五年
丙午

經元見
甲科

牟國瓏 二十年
辛酉

見甲
科

李如望 二十三年
甲子

唐裔
子

牟 惘 二十九年
庚午

樓霞縣志 卷之五 鄉舉

經元名宦公敬祖九世孫鏗
之孫國玠等猶子揀選知縣

林 嶠 二十九年
庚午

調元子揀
選知縣

牟 恒 二十九年
庚午

見甲
科

李日更 三十二年
癸酉

經元見
甲科

張 鈞 三十二年
癸酉

應瑞猶子
揀選知縣

牟日苞

三十五年丙子

經魁名宦公敬祖

牟

慤

三十八年巳卯

經魁名宦公敬祖

林

嶸

四十四年乙酉

經元調
鼎子

棧霞縣志

卷之五

鄉舉

三

林 喙 四十七年 戊子順天

林 仲懿 五十年 辛卯

亞元璿 之子

李 如均 五十年 辛卯 官字號

唐裔 子

論曰科舉之法卽周之里選漢之計偕也三年
大比宗伯拔其尤者貢之天府得雋者懷牒待
試長吏以鄉飲酒醴歌鹿鳴之章而賓興焉而
人之美之者曰孝廉可不謂隆焉明初制科不
常宣正以後漸定額而資格偏重進士鄉舉
無九卿之望歲貢絕方面之陞昔人舉科場條
貫投匭而不取良有以也我

世祖章皇帝破除一切積弊立賢無方雖布衣一介
可都卿相况策名賢書已爲功名發軔者乎則

棲霞縣志

鄉舉論

十三

顧名思義誠不以

朝廷之科目委諸草莽第常勒聘豈異人任歟

張 敏 二十二年甲辰

刑科給事中

德宣子 淵 元年丙午

開化簿

王 吳 三年戊申

南陽府推官

王 宜 五年庚戌

九江經

紀 綱 七年壬子

續霞縣志卷之五 貢士

開封府照磨

劉 敬 九年甲寅

知馬邑縣

正統 李 俊 元年丙辰

知內黃縣

李 林 三年戊午

盧龍衛經

林 傑 五年庚申

知宛平縣

吳 琛 七年 壬戌

知固 安縣

范 齊 九年 甲子

知解 州

梁 材 十一年 丙寅

固安 丞

張 善 十二年 丁卯

由府 庫

寧 莊 十三年 戊辰

棲霞縣志 卷之五 貢士

十六

穎上 簿

于 彥 信 十四年 巳巳

知蕩 全縣

景 泰 于 淳 元年 庚午

武昌 檢校

劉 賁 三年 壬申

太 大 使 名

柳 贊 五年 甲戌

隋 盛 七年 乙亥

任巡檢

順天 林烜 二年 戊寅

祁縣 傳

王弼 三年 己卯

由府 庠中鄉試

劉瑄 六年 壬午

霍丘 簿

馬佑 六年 壬午

保安 州判

棲霞縣志 卷之五 貢士

王冕 六年 壬午

武驥 右衛經

于正 六年 壬午

柳驛 六年 壬午

徐州 倉大使

劉安 八年 甲申

藥局 大使

成化 林廷秀 二年 丙戌

義民 林峪 子建德簿

張泰 四年戊子

知保
定縣

李慶 六年庚寅

蕭衡 八年壬辰

馬騰 十年甲午

太原
丞

許福 十二年丙申

嘉縣
丞

蔡昕 十四年戊戌

樓霞縣志 卷之五 貢士

定興
丞

張翔 十六年庚子

宣城
丞

解芳 十八年壬寅

臨城
簿

張瑄 二十年甲辰

易州
訓

李果重 二十二年丙午

鶴慶
照磨

治元 王 安 元年 戊申

山海 衛訓

許 景 三年 庚戌

官 貴 五年 壬子

定邊 衛經

解 文 七年 甲寅

橫州 目

丁 瑄 九年 丙辰

臨潼 丞

棲霞縣志 卷之五 貢士

馬思誠 十年 丁巳

欽之子 陳留簿

鄒 輔 十一年 戊午

黃皇 丞

李 珏 十二年 巳未

獨山 州目

孫 章 十三年 庚戌

冀州 判

魯 麟 十五年 壬戌

知桃源縣後
遷滄州同知

史璘 十七年
甲子

藁城
丞

正德 王尚忠 元年
丙寅

鄭陽
經

王璋 三年
戊辰

常熟
簿

李琇 五年
庚寅

華亭
丞

棲霞縣志 卷之五 貢士

宋春 七年
壬申

任州
同

王鶴 九年
甲寅

詳見
人物

曲麟 十一年
丙子

萬寶 十三年
戊寅

亳州
同知

鄒蘭 十五年
庚辰

輔之
林錄事

解盛 十六年 辛巳

延年子 沐陽簿

嘉林 桂 元年 壬午

丁鉞 二年 癸未

瑄之子知五河 縣詳見人物

曲誥 三年 甲申

繼之子

孫佳 五年 丙戌

徐瀚 七年 戊子

棲霞縣志 卷之五 貢士

澤州 判

李鳴鳳 九年 庚寅

宋儒 十一年 壬辰

春之子 興化經

孫瓚 十二年 癸巳

陽曲丞詳 見人物

蔣大器 十三年 甲午

濬縣 主簿

魯宗舜 十五年 丙申

麟之子

林正芳 十七年 戊戌

桂之子

林九齡 十八年 巳亥

王 諾 十九年 庚子

璋之子

李 喈 二十年 辛丑

曲時中 二十一年 壬寅

靈寶丞

棲霞縣志 卷之五 貢士

馬純仁 二十三年 甲辰

思誠之子 晉府 授詳見人物

宋 鄉 二十五年 丙午

儒之子 元始丞

史 魯 二十七年 戊申

定遠簿

宋宗孝 二十九年 庚戌

知羅 次縣

王 謨 三十一年 壬子

誥之弟
陽城訓

鄒魯 三十三年甲寅

蘭之子知廣平
縣後知鎮安縣

張灌 三十五年丙辰

夏邑
簿

魯思忠 三十七年戊午

于鯉 三十九年庚申

長興
訓

林鄂 四十一年壬戌

接霞縣志 卷之五 貢士

廷秀
曾孫

馬時正 四十二年甲子

知東
明縣

林繩武 四十五年丙寅

翰卿子知安塞
縣詳見人物

隆慶 鄒魯 二戊辰年

魯之
弟

郝如金 三年巳巳

忻州同詳
見人物

史周 四年 庚午

授 衡府

劉棟 六年 壬申

密雲訓陞 蔡山 衛授詳見人物

萬馬國卿 二年 甲戌

知上 蔡縣

周尚志 二年 甲戌

泰安訓陞 南陽授

張文奎 四年 丙子

棲霞縣志 卷之五 貢士

魯都 六年 戊寅

思忠猶子費縣 訓陞慶都諭

林彥 八年 庚辰

廷秀 曾孫

范宗柴 十年 壬午

授陵川 縣丞

丁大武 十二年 甲申

鉞猶 子

孫瑾 十四年 丙戌

昌樂訓世馬城

諭詳見人物

史世愛 十六年 戊子

周之子 鉅野訓復除

萊州府陞泗水諭

馬負式 十八年 庚寅

純仁之子 授

大司府通判

牟道南 二十年 壬辰

名宦公敬

祖六世孫

牟 鉅 二十二年 甲午

拔貢名宦公敬祖七世孫道南

子任歸德府通判陞忻州知州

接震縣志 卷之五 貢士

二十五

范宗稷

宗柴

之弟

林華魯

范廷璘

宗柴猶子 授河

間丞陞蕪州經

張所蘊

知潞

城縣

萬一誠

授任丘丞

陞保定經

郝守杖

如金孫潔猶子知無極縣詳見人物

李一科

鳴鳳孫授宿州訓陞高唐學正

衣應運

授膠州訓陞掖縣諭

鄒文蔚

濰縣訓

牟道立

棲霞縣志

卷之五 貢士

二十六

名宦公敬祖六世孫叙州府通判詳見人物

孫以約

瑾之子知汾西縣詳見人物

劉蔚然

馬載道

恭
昌 郝守標

考授縣丞

天
啟 史世銓

周之子 刺津訓

羅 頌

授貢考
授知縣

李一楨

王國猷

授鄒
平訓

李登泰

授貢授河
南衛經歷

崇 頌 孫維禎

詳見
人物

樓霞縣志

卷之五

貢士

二十七

衣惟孝

通判歷陞甘肅
密雲河間道

林天育

孫維祚

維禎
弟

孫斯繩

維禎子授貢授
縣丞見人物

張敦素

副貢知
州門州

魯士璧

襄陽訓

林耀先

山西儒學

于文清

淮安授

牟鉉

名宦公敬祖七世孫道南子鉉之弟

郝復

棲霞縣志卷之五 貢士

守柘子晉之弟易州府判

國朝

順治二年 銜

名宦公敬祖七世孫知隆平縣

牟鈞 二年

名宦公敬祖七世孫臨淄訓萊蕪諭

林斗南 三年

萊州訓

丁學禮 四年

葉燕訓

張震 五年戊子

恩貢潮州府司
知詳見人物

牟鏜 六年己丑

名宦公徵祖七世孫道行子
需化縣訓未赴任詳見人物

李世泰 八年辛卯

授廣西荔
蒲知縣

張應瑞 八年辛卯

恩貢

棲霞縣志 卷之五 貢士

范蔚起 八年辛卯

林履祥 十年癸巳

考府判

郝延貞 十年癸巳

考府判

毛鳳儀 十年癸巳

浙江鄞
縣丞

張元台 十一年甲午

授貢知
伏羗縣

鄭愈 十一年 甲午

謝肇基 十二年 乙未

李國淳 十四年 丁酉

名宦公敬祖八世孫道南孫

崔之俾 十六年 己亥

應登之子

文威鳳 十八年 辛丑

林雲祥 十八年 辛丑

呂克 元年 壬寅

續霞縣志 卷之五 頁六

李鄧林 元年 壬寅

丁千一 八年 己酉

學禮之子

張應祥 十年 辛亥

應瑞之子

李涇源 十一年 壬子

族貢籍

李國瓊 十一年 壬子

副榜准貢名宦公敬祖八世孫道行孫

牟 極 十二年 癸丑

名宦公敬祖九世孫莘縣訓導

牟大勳 十四年 乙卯

恩 貢

范雲霽 十四年 乙卯

孫公僑 十六年 丁巳

以約孫大嵩衛教授

劉大生 十八年 己未

李生梓 十八年 己未

棲霞縣志 卷之五 貢生

准貢靈山衛教授

孫懋功 二十年 辛酉

副榜 准貢

郝 珣 二十年 辛酉

林 璿 二十年 辛酉

准貢兗州府教授

王澤灑 二十二年 癸亥

丁浩然 二十四年 乙丑

李 任 二十五年 丙寅

拔貢登
恭孫

林調鼎 年二十六
丁卯

呂 簧 由府庠二十
七年戊辰

林調陽 年二十八
巳巳

王允昇 年三十
辛未

柳業新 年三十二
癸酉

牟繼先 年三十三
甲戌 准貢

林調元 年三十四
乙亥

郝作楫 年三十五
丙子

棲霞縣志 卷之五 貢生

准貢晉會
孫瓚之孫

郝作棟 年三十五
丙子

准貢晉會
孫瓚之孫

張大行 年三十六
丁丑

牟國瑾 年三十六
丁丑

准貢名宦公敬祖
八世孫鏜之子

林仲愚 年三十七
戌寅

拔貢璠
之子

林 喙 年三十八
巳卯

己卯壬午乙酉三登副榜
俱在進貢之列調元猶子

韓正傳 三十八年 巳卯

弟 正倫

張文燿 四十年 巳卯

子 震之

孫仲桂 四十二年 癸未

李沛霖 四十四年 乙酉

世泰 孫

牟輝 四十四年 乙酉

樓霞縣志 卷之五 貢生

三十四

准貢名宦公 敬祖 九世孫

牟協 四十五年 丙戌

准貢名宦公 敬祖 九世孫 鐘之孫

牟怡 四十五年 丙戌

准貢名宦公 敬祖 九世孫

郝作權 四十五年 丙戌

准貢晉之曾 孫 墳之孫

牟恬 四十六年 丁亥

准貢名宦公 敬祖 九世孫 鐘之孫

李慶善 四十六年丁亥

淮貢唐裔子

林叔慶 四十六年丁亥

淮貢履祥孫

林 嶽 四十六年丁亥

樓霞縣志 卷之五 貢生

三五

林 熾 四十六
年丁亥

恩 貢

牟 慎 四十六
年丁亥

已丑年補
行歲貢

李盛在 四十八
年巳丑

范國祚 五十年
辛卯

牟元伯 五十二
年癸巳

論曰漢制四科二曰學道行脩經中博士此明
經設科之始也明初定京省歲貢之額與科薦
並爲三途網羅所及無復遺賢矣厥後漸重科
名而經明行脩之士亦因以不振夫非積習使
然歟書曰學古入官議事以制又奚分於進士
明經而誰非王國之楨也哉

監生

明

正德 林翰卿

內黃 丞

林 奇

呂 章

蘇州 衛經

董尚仁

孫 相

樓霞縣志

餘姚 簿

嘉靖 衣守智

淮安 經

萬一原

萬曆 衣潤身

守智 之子

郝夢柱

任光祿 著

張汝璣

卷之五

監生

三五

次子

郝希哲

弟 守 杖

張汝閻

文璧之子
文水簿

林名標

養素
之子

馬中麟

牟 鏡

棲霞縣志 卷之五 生

名宦公敬
祖七世孫

國朝

順治 李唐禧

唐裔之弟
考州判

康熙 李唐祚

唐裔
之弟

郝績祖

晉之孫
賓之子

隋世揚

五. 瑛之

棲霞縣志

卷之五

藝文

三十四

例職

明

謝年道一

名宦公敬祖六世孫滿城典史

衣永美

三原驛丞

萬民瞻

謝方慶

崇禎 牟爾詔

棲霞縣志 卷之五

錦衣衛經歷

林宸

光祿署丞

國朝

康熙 姜騰蛟

河南襄城典史

郡志論曰莊定山曰士當家食卽荷國恩粟米之征計田地各百餘畝而會饌之設派及八夫僦足每年常數自是而貢舉其費殆將十倍靜思所自孰非吾鄉之膏與脂哉惟窮恐負鄉人斯達能不負天子鄭履淳曰書云旣富方穀孔子告冉求亦先富之而後教之今則反是民有一廛之產敷畝之業里甲侵之官吏擾之豪貴凌奪之衣食僅能自辦則教者交至必至於窮餓而後免焉旣迫於不得已而無以自存乃深恩以

棲霞縣志

卷之五

舉選論

三十六

爲彼之敢於困我而我不敢抗者非官府里胥卽讀書豪貴之家也我亦有子胡弗教乎於是傾家鬻產教子從師惟冀一得衣冠卽可免侵凌之患讀書益多生儒益衆甚或重賄要求以希入學旣已異於凡民乃遂以昔之受於人者加諸人又或引類成羣侮賈官府則讀書益多民害益衆幼學所圖若此他日登科登第寧肯爲朝廷撫綏萬姓又肯爲鄉里庇恤小民乎臣不識仲尼之徒流弊一至於此嗚呼二公當

成弘正嘉之間而其言若此至其後世又當何
如乎用述之以告今之觀者

武科

國朝

順治 范雲翼

戊戌科
武進士

孫 震

庚子再行武科
會試武進士

衣三捷

辛丑科武進士
授固原衛守備

牟 鈞

棲霞縣志

卷之五

武科

三十八

名宦公敬祖七世孫戊子科
武舉歷任天城城正守備

康熙 王允顯

甲子科武舉庚
辰科武進士

論曰棲之武科自昔未聞

與朝以來文武並進入學有額赴京有例分甲授官

有定秩懷才之士始皆奮勵磨淬以功名自効

夫上之待之也既重則下亦不得以自輕免且

干城其將廢載於今哉

武職

明

崇禎 崔任

將 叅

李日舒

守備詳

見人物

國朝

康熙 隋瑛

直隸 守備

樓霞縣志

卷之五 武職

二十九

張邦相

貴州鎮遠協左營中軍守備

論曰古者天保治內采薇治外莫定封疆其所
賴於武備者多矣乃科目所取往往以資格限
之而侗儻非常或得之牝牡驪黃之外余故於
武科之後列武職若而人使知戡亂之才不擇
地而生也

馳封

明

高明望

以孫翼贈
左都御史

高佐輔

以子翼贈
左都御史

解鏘

以子延年贈戶
部廣西司員外

林茂

棲霞縣志

卷之五

馳封

四十

以子恂贈大
同府同知

孫善

以子祿贈戶部山西司
主事加贈福建司郎中

魯嵩

以子麟贈長
淮衛經歷

牟時俊

名宦公敬祖五世孫以
子道行贈宜陽縣知縣

牟道南

名宦公敬祖六世孫以
子鉅贈歸德府通判

崔學思

以子應登贈
吉安府推官

孫瑾

以子以約贈
汾西縣知縣

郝守棻

以子晉贈四
川道御史

國朝

李東儒

以子唐裔封督捕
司主事詳見人物

棲霞縣志

卷之五

地封

四十一

張四教

以子震贈常
州府通判

于才美

以孫際清贈福
建右布政使

于瀛

以子際清贈福
建右布政使

牟鏜

名宦公敬祖七世孫以子國瓊
贈文林郎直隸南宮縣知縣

牟作孚

名宦公敬祖八世孫康生以子恒贈敎
仕郎內閣中書舍人今侯贈承德郎

李唐裔

以子涇源贈文林郎
浙江景寧縣知縣

論曰國家褒親之典非徒侈闕閔之貴夸閭里
之榮而已將以教孝將以作忠也旣已寵貴其
身矣而又推及其父母祖宗稱爲世爵光及九
原食德仰麻敢忘所自歟是故觀於所褒封而
子臣之道備矣懷天保之澤者尚思所以稱之
哉

命婦

明

紀氏

以子林恂
贈宜人

于氏

以夫恂
封宜人

魯氏

以子牟道
行贈孺人

馬氏

棲霞縣志

卷之五

命婦

四十三

以夫道行
封孺人

安氏

以子孫以
約贈孺人

劉氏

以夫以約
封孺人

林氏

以子牟鉦
贈安人

張氏

以夫鉦
贈安人

以子牟恒贈孺人今侯贈安人

孫氏

以夫牟恒封孺人

張氏

以子李涇源贈孺人

劉氏

以子李涇源封太孺人

郝氏

以夫李涇源封孺人

棲霞縣志

卷之五

劉氏

以子張鈞贈孺人

魯氏

以夫張鈞封孺人

以夫于際
清封夫人

李氏

以子張震
贈安人

譚氏

以子張震
贈安人

郝氏

以夫張震
贈安人

于氏

以夫張震
封安人

棲霞縣志

卷之五

命姓

五

郝氏

以子牟國
瓏贈孺人

孫氏

以夫牟國
瓏贈孺人

林氏

以夫牟國
瓏封孺人

李氏

以子牟國贈孺人
今候贈安人

陳氏

以子牟恒贈孺人今侯贈安人

孫氏

以大牟恒封孺人

張氏

以子李涇源贈孺人

劉氏

以子李涇源封太孺人

郝氏

以夫李涇源封孺人

樓霞縣志

卷之五

命婦

四十五之二

論曰志所載多列君子以言乎閭閻節烈以爲
無稽焉顧節烈所以彰德而

天恩寵錫詎無據而漫爲褒稱歟夫易重歸妹詩首
關雎人倫之本莫先於是矣况徽聲炳炳昭然
彤珥者乎述其所聞失者闕之而毋儀婦道在
是矣



懷慶縣志卷之六

知懷慶縣事加二級古燕胡 瑛 雲 王 父 重 修
賜進士內府禮科給事中邑人李唐齋西林父鑒定
賜進士候 選 知 縣 邑 人 牟 國 須 在 東 父 訂 正
邑舉人牟國玠鳳伯父纂輯

人物志

靈山之靈文水之文篤生君子代有其人湛得
浮英砥行勵節檢鏡攸歸羽儀斯設

地志史之屬人物志則又史之列傳屬也賢否

接懷慶縣志卷之六 人物

並書瑜瑕不掩不亦煥煥信史乎然檮杌以志

惡高士列女之傳名臣言之錄又專以志美

善善長而惡惡短或亦春秋微義歟樓之文獻

雖曰無徵其間懿行表著不容泯沒又有能稱

述之者稱忠節則知親上之義稱孝友則識敦

本之誼稱循良而達者知所以善世稱義厚而

隱者亦可以淑身道學稱而質文咸備貞潔稱

而內外無愆克成不遠典刑如在則懸昂芳踪

亦風世範俗之先務也志人物一卷

經術

西漢

轅固

歷人治詩孝景時為博士以廉直拜清河太傅疾免武帝即位復以賢良徵公孫弘側目視之曰公孫子務正學以言好出學問世諸儒多嫉毀遂以老罷歸後歷多詩顯者皆固弟子也

論曰由學一語稟聖子嚮公孫諸人之心矣宜

其嫉毀罷歸哉然以詩開歷士而歷詩顯則公

棲霞縣志

卷之六

經術

二

之經術經世也已第不知諸顯者率能正學以

言否耶

勲臣

明

高翼

洪武初膺才行卓異薦累官大中丞佐師雲遼
 焯著勲績蓋以願膚重望翊運國初方之黃忠
 宣之功名薛忠武之勇畧實伯仲焉允敬歷之
 地如濟南遼左雲南皆俎豆公嘉靖十一年自
 東撫按以功業蓋六郡譽望超一鄉者名宦自
 鐵鉉而下二十一人鄉賢自黃福而下十九人
 特祀濟南崇正祠而公與
 之本縣祀鄉賢世復其家

直臣

明

張綱

永樂丁酉領山東薦書累晉監察御史
剛介嚴直當時稱鐵面御史祀鄉賢

孫祿

字天錫弘治己酉領鄉薦丙辰賜進士授戶部
主事時大同缺郎中銓曹難其選上曰何不著
小孫主事去遂特勅公公天性嚴憐凡事執法
毋撓雖宗人勲戚莫不欬手避威及入大同剔
蠹罔奸軍儲獲濟故事每放支歲羨六七萬兩
歸主者公不取悉輸內帑逆瑾有所索忤之為所
誣繫人皆危公而公恬如也瑾誅出守揚州郡
會武宗南巡郡苦衝途浩費公酌定供需條結

棲霞縣志

卷之六

直臣

四

不柰即內璫不得橫取嘗有倖臣捕諸富商索
賄公不應倖臣怒乃請駕帖逮公獄事尋白得
復任會入覲吏部晁公治行第一欽旌苦節特
宴卓異進秩山西右叅政仍領郡無何忤張綱
史坐誣左遷右叅議尋轉原秩累陞應天府尹
嬰疾歸降旨存問差醫診治方虛位以俟痊可
意不次用之而
公卒祀鄉賢

治臣

明

解延年

字世紀三原教諭錫之子也正統辛酉鄉舉第
二人壬戌成進士授戶部主事轉員外郎尋知
四川重慶府歷官廉慎茂著勲名為郡尤篤意
惠綏崇表柱哲風勵後來凡民間利病罔不及
時與除天順八年夏旱公心若面蹙設誠禱之
輒有應歲賴不侵嘗見土產資民生者預書名
品教民備荒其孳孳為民類如此米堅之操介
石無二去郡行橐蕭然有頌其政者曰才華不
減文翁化廉介猶嫌劉寵錢又曰試問行囊何
所有數篇書籍歷船輕至今廟公郡治堂後仍

祀名宦本
縣祀鄉賢

棲霞縣志

卷之六

治臣

五

林恂

字宗魯義民林茂子成化甲午領鄉薦累
官重慶知府以禮化民多著顯績祀鄉賢

丁鉞

字汝器循年貢知五河嚴斷有為公勤不苟案
無停牘民無拂情當道奇之凡獄鉅輒委公而
公游刃有餘及謝事
歸百姓攀泣不忍去

林繩武

字文孝以歲貢南城政聲蔚起清節苦持職
司餉羨可千金毫無染指委辦京褚價省楮精
內閣署上考擢宰安塞惟一僕隨任清操惠政
視商城有加嘗問一竊罪當徒遂中道建公聞
之流涕數日慈愛類若此者安塞嘗五路邊
舊皆極力承奉雖公後亦必厚遺公自應傳外

不加毫末坐是謗興而公從容處之不異警者
或勸畫途資公矢不易節時編戶恐後至者不
即知民間低昂乃竣其事携圖書數卷歸焉安
之民與鄰於安之民莫不遮道攀留多去後之
思有哭送百里者有隨行直至中途號泣而別
者又安人三十餘從低家數日方去十里外猶
然返顧哭聲不絕
其德政感人如此

牟道立

字允修由拔貢初授涿州尹涿當天下之衝往
來供應日不暇給居民病之時冢宰趙與公同
鄉經過其地遣使馳解督催驛馬公曰竭民力
以結顯貴吾不忍也碎解不應使以告趙趙亦
稱之性嗜秫米有馬頭者藏大銀四錠借米以
進公覺反錄重懲以法役悉畏服奸風以息陞
叙州府判值奢人寇出兵征勦公督餉輸輓不
置績聞加陞二級而公已卒於官矣家人扶窺
歸囊購蕭然世
傳為清白吏云

接霞縣志

卷之六

治臣

六

郝守斌

貢士知無極縣贈御史厚產讓弟能順親心器
度容物獎士贈窮居官清廉慈愛嗣多英詰稱
為仁人之
報祀鄉賢

牟道行

字元可萬曆辛卯薦鄉書授宜陽知縣在官勤
敏平和政舉其要省荒勸農多得古法徵催弗
事敲比民鼓舞樂輸歲無遺欠聽訟不形喜怒
使民情得以上達而奸猾無所施其巧詞無濫
收罪弗苛求民為所化因圖以空與士子課文
講學有期有禮士彬彬以興歷任三年考績稱
最尋復留任三年宜民愛敬兼父母神明之戴
立生祠祀之卓異行取陞真定府同知沒於官

祀名宦居鄉好施予歲凶代輸通社丁銀不
其償鄉黨賴之以全刊訂縣志典籍昭垂人稱
文獻云

崔應登

舉人吉安府推官行取戶部主事事繼毋克順
著聲居鄉二十年毫無請託居官清慎執法有
崔鐵耳之謠吉民愛戴生祠
名宦兩祠焉本縣祀鄉賢

孫以約

歲貢初任遵化丞陞山西平陽府汾西縣知縣
為諸生時舉行優有事故叔如父捐粟濟貧之糞
居官廉明仁恕
有卓魯之風焉

國朝

棲霞縣志

卷之六

治臣

七

郝晉

字康仲號崑岳戊辰進士初授巴縣知縣巨紳
僕隸多縱侵奪公立斃杖下當路銜之弗顧也
朝天門舊有棕精噴波涉浪沉舟不勝計公為
文遣之潛遁不復為害行取陞御史巡視太倉
有雜瓜害民一疏當寧悚然垂聽民困大蘇歷
陞順天府丞府尹刑部左右侍郎尋轉兵部左
侍郎
國朝巡撫保定旋乞歸設鄉塾以教
士之貧者衣履饗饌日給勿匱成就甚眾施藥
施棺歲費數百金無吝色倡義捐輸增城堞三
尺歲後賑糧五百石生平喜臨池晚年益工自
號孟山樵隱與邑之文士登眺賦
詩優游歲月年七十不疾而卒

李唐齋

號西林順治丙戌聯捷初授陝西平涼府推官
前蒞任即精勤有神明之譽才優敏執法如

山時值兵興地方頗稱多事公盤錯中愈見
器六載九薦卓異天下第一行孔陞兵部督捕
主事秉公持正開釋無辜全活不可數計歷陞
職方郎題留久任改授禮科給事中立案計歷陞
有聲指陳天下利弊皆切時宜裁缺回籍上篤
梓桑凡地方所宜興革悉與當道公言之官民
倚重改補山西道監察御史未任告病奉
旨仍以給事中用見候補

張震

字青雷王華莊社人以歲試第一准恩貢初任
江南常州府通判四運漕白馬職陞廣東潮州
府同知蒞任之始鄭逆入寇公督造戰船修營
房濬溪濠築堤圻建草廠置學田善政種種士
民戴之及乞歸為
立祠立碑以祀

論曰偉哉中丞功烈烈而名休休尚矣張如此其威也孫如此其勁也重慶也惠鶴慶也能五河事理安塞民懷叙州吉安以義著真定無極以仁孚勛何爛也

國朝以來才人輩出表帥不愧乎民牧建向有光於言責皆彬彬奏顯績焉誰謂百里中無賢豪耶後之君子攀龍附鳳慎勿以紆紫垂青沾沾喜色而立德立功天壤相傲斯不負

朝拜養士之意矣

棲霞縣志

卷之六

治臣

九

將材

西漢

駟先生

歷人淮陽憲王毋舅張博遺王書曰聞歷有駟先生者善爲司馬兵法大將材也博願得謁見究竟要道方今邊鄙弗寧天下騷動微此人莫能安也

元

隋世昌

涉獵書史善騎射長八尺持鎗四十餘斤能左右擊刺任至安遠大將軍改沂剡上副萬戶嘗與宋數百戰雖血流滿甲勇氣愈壯所在克捷卒封定海侯謚忠勇

棲霞縣志

卷之六

將材

十

牟全

鐵口人至元間詔下東征日本公管領戰船劍開水道風波萬里奮不顧身賜金牌掌持兵印忠顯被尉管軍千戶陞武畧將軍其子元承襲其職

明

李日舒

邑廩生膂力非常遂肄武業時方多故詔選將材公赴都與試特取天下第一授守備流寇猖亂天中公從督憲官統兵禦之開封陷勢不可爲公奮力死戰歿於王事

論曰余讀張博所稱嗣先生者行專不少疑見
然意其人其儒者之流亞歟語云運籌帷幄之
中央勝千里之外不戰屈人當非超距之倫可
同日語也若隋若李皆有經畧之材過人
之力或戰勝攻克或乘風破浪或視死如歸今
讀其傳凜然猶有生氣非說禮敦詩能如此乎
是故有文事者有武備余樂爲表之以告夫後
之爲干城者

明 捐士

明

曹麟

字文瑞天性樸誠學問精博多士宗焉由歲貢
令桃源正同邑孫祿守揚州時也會張御史怒
孫而遷於公奏調長淮衛經歷其地貧瘠人為
公難之公畧不介意直已守義初無他腸委造
運艘費頗羨公秋毫不染陞貳滄州苦節益勵
及謝事歸杜門講學絕與塵事無涉官府無聞
者凡二十年

劉棟

字汝峻賦性安恬處心公恕雅度恢恢橫逆不
校以歲貢司訓密雲當道賢之特委查邊例應

棲霞縣志

卷之六

捐士

十二

千餘金公力辭以學職不可歸之口隻身徒步
並空囊無有也居林下數年不踐囂城不揖俗
軌雖衣結釜塵未嘗仰面於人豪富即敦請亦
不在道交之伎求丙忘花木獨娛年八十餘而
筋力顏色無異少壯養可知矣知
縣何思鰲聞於上以儒逸扁其門

論曰二及仕隱不同而所以仕所以隱同厚利
可捐也苦節可貞也俗交可絕也語云高山仰
止景行行止生非其鄉猶將稱羨之而不能已
而况懿行美德昭然於閭里者何忍聽其沒沒
耶表而著之爲世俗勸

義行

明

劉文萃

邑庠生正德七年流賊肆掠公率衆御之不勝被執公無怖色大罵不屈遂遇害

王璘

字廷玉嘗流賊橫行時避難自遠方來者輒慕義赴公公悉爲館穀有張賢者疾卒歛如所親西郊一卽墨人卒廷福寺歛之棺之仍招其子扶櫬而歸宅如嫁孤女卹執獨義舉良多也

馬駸

陰陽官天性孝友制行高潔其弟純仁早喪配偶誓不再娶止遺病子負式甫三齡公與妻鄰

棲霞縣志

卷之六 義行

十四

氏朝夕哺其飲食撫養不似猶子多方課其詩書教誨更倍親生後負式補弟子員得以有室有家而純仁之嗣不至於絕者皆公之力也公其仁人哉

林茂

質樸一邑而性好施景泰年大祲邑人乏食公傾囷賑粟千石全活實多是年子恂生八以爲善慶云昔縣東有勅建義民坊

林峪

建德王簿林廷秀之父也平生稠糴卹歷傾囊弗恤成化六年被輸粟千五百石助賑有司上聞奉旨嘉獎勅爲義民

王彙

字大器歲貢懸松山之柱為人素輕財樂義凡以乏告輒傾囊助之稱貸者聽自償負則置

孫贊

字寶器歲貢性淳樸易直自垂髫以至皓首未嘗與物競邑苦差徭賦役公蒿目棘心有年乃赴都院條陳利病遂獲減省文廟祭器歲久多廢公置木豆三百後以歲貢選貳陽曲之官十八日遠歸

王謨

字嘉甫璘仲子也早失怙恃兄嫂無成公能父身事之嘗有族人王棋被毆自經犯者夜餽百金公少辭然竟不校登州友人秦章誣配過邑公助月糧五石泉水等諸俗業無教公理論漸有省改一切奢靡游俠輩見公輒歎愧心後歲貢為陽城訓頗以課業得士心及期乃卒

接霞縣志

卷之六

義行

十五

郝如金

字子純以選貢貳忻州公天性孝友跣足百里取神水起好疾恭於從兄若同胞後學却京修以資貧乏門下成就者甚衆夜過醉人臥水上幾殞命解衣活之京師會林鳳桐並妻毋丐難回籍寧負債還歸居官廉惠林下清貞德誼靡可殫述子果成進士人謂天之與善人也至今猶多追思

郝源

邑庠生字濟之西北隅人慷慨樂施急人之難萬曆二十一年秋饑甚次年饑寧載路有司雖多立粥廠第四方就食者萬餘難遍及公憫之輸粟助賑仍捐金以濟魏士本地暨流來全活衆焉撫按二司皆給扁旌其門一時有水道社民李廷器亦聞風輸粟旌亦如之人咸謂公

云化

孫秉葵

邑庠生善友愛其姪方泰少孤撫養不異已子及姪入泮遂將所創家產子姪均分人皆義之

永守信

舞復齋邑庠生郭落莊社人大度能容橫逆至杜門不與較或有清丈其田者以私忿多增上等公拜謝曰此地無賣日君之賜也發憤為雄嚴以教子其子書館歸必使家人大呼曰郭落莊里長衣某至力行善事自決其後必昌乃大書於壁曰吾兒他日得志善承家道勿忘今日杜門時也其子惟孝官少恭
孫璟如成進士漢中司李

孫瑾

懷霞縣志

卷之六

義行

十六

父母早逝遺弟瑜晁幼撫養克盡及長析爨祖宅膏壤讓弟已取空缺院瘠者居官家財任弟用胞姪以緝生之成之子姪無異視族中子弟讀書為之擇師每歲終各作禮衣以示獎勵本社荒殘以苦納預支銀兩人多逃亡公每歲以厚銀抵作社下預支鄰里安堵司鐸昌樂禹城兩處糾士子肄業捐俸自備供給有湖州遺風

孫維貞

歲貢事繼母鄉以孝聞教幼弟維祚維祥次弟成名人稱其友樂育英才邑士從遊甚衆貧者不責束修或以衣食給之杜門樂業以此終身

宋遵周

邑庠生值登亂士民多驚避公仗義以守與知縣李升吉矢志孤城嚴防數月兩次被圍樓

保全無害公之力居多焉鄉官郝晉以績薦舉宜川知縣

曲唱

邑庠生時值改革隱居自廢留心教學身親耕稼以勤苦終其身

國朝

李東儒

號振菴龔留社人早孤事孀母盡孝事異母兄克第待姪如子長而無憾好義憂人之憂能不為利勢撓晚年理家勤儉教子嚴明後人顯大恩綸龍錫命以謂善行之報云

牟鏗

字夔田幼擅風慧總角能文為人孝友慷慨樂施與辰歲稔遵毋命施糧施粥以濟饑生平樂

棲霞縣志

卷之六

義行

十七

告人善遇人有過直言無隱人皆諒之不輕謁官府邑有公事則挺身而出教子嚴庭訓讀書學禮之外毫不言及家事揮金如土竟以此貧已丑歲貢未仕而卒

謝肇基

字胤岐歲貢士讀書秉禮物恂儒者也敦繕人倫襟懷恬澹有文名樂育後學邑士從遊者衆教子以義方嗣多英才蓋家學淵源有自云

韓嘉桂

字紫岩賦性慷慨神宇磊落不羣人以緩急求靡弗應生平善詠諧然與後生遇則正色以禮義訓之諄諄皆長者言也其子正倫薦賢書益著謙和志行邁俗有古君子之風

衣惟敬

字貞白邑庠生孤潔寡合不苟言笑居嘗怡情山水少得意輒寓諸筆墨兄惟孝姪璟如俱成顯宦公澹然無異寒素潔修書舍植松竹多貯羣書而兀然其中曰是足老我矣清遠絕塵以此自終

劉孔熠

字春城邑良醫也早孤事母克孝養生送終盡心盡禮師事醫人林東樹大闢岐黃之奧決生死起沉痾行醫六十年多所拯濟求者踵至稱曰神醫其師老迎養於家及卒與營塋事不吝財資養兄撫姪克敦友愛年登八十餘稱耆壽焉

李若蘭

字靜以邑庠生爲留社人世居北關天性純良存心利濟北門外迎仙橋缺陷率衆修補以便

棲霞縣志

卷之六 義行

行人捨藥歷久不懈全活甚衆養濟院歲久傾圮倡蓋茅屋二十四間孤寡人等咸獲寧宇庠生張錫光街民史陞等公舉邑侯莊公案下公欣然給扁旌獎以表善以彰風化焉

隋天應

號長久水頭社人天性醇良積而能散康熙三十六年丁丑春歲饑邑人乏食公煮粥賑之全活甚衆康熙四十二年甲申歲大饑餓殍載道僵尸成邱公復竭力煮粥其妻馬氏身任其勞歷三月不倦遠近就食者日數百人死不能葬者施棺殮之貧不能娶者捐資恤之又傭人拾枯骨三年人謂其有伏波堯夫之風乾隆七年闈學呈請列享忠孝祠

論曰義哉文萃亦不幸敗耳如其成也卽淳干
之保登萊不是過矣然惟敗而不屈而公之義
益烈撫孤也捐廩也解衣也收亡也拯災也容
物也義而仁却金也範俗也成材也全節也義
而正陳言也修廢也禦患也倡守也義而任要
皆有可觀者焉儒夫立鄙夫寬宜諸義人之施
遠矣

孝子

明

段怍兒

母遭奇疾屢藥不効乃割股煮藥進服之卽愈有司以其事聞奉詔旌表

郭強

未事詩書天性純孝母卒葬河涯村西南強廬墓三年朝暮竭誠負土築墓偶有清泉流於其側三年完日泉遂涸有司以其事聞撫按交扁其門

林有李

幼失怙恃祖母撫養成入及故廬墓三年人稱順孫

棲霞縣志卷之六 孝子

二十

周貽辭

孝親廬墓以布衣賜衣巾

杜汝愛

母死廬墓三年又廬祖墓三年

孫斯繩

拔貢癸未歲陷捍親受害

鄒守忠

父死廬墓三年

國朝

蔣應恒

廬墓三年後順治十二年夏旱
應恒出禱甘霖大澍是年有秋

楊守祿

母歿廬墓三年泣血未嘗見齒百步外足不至
焉著安分守己詩以訓子鄉官李扁旌其門

呂大漢

農民也居住埠後村順治十八年大旱呂祖方
歿居民疑為旱魃聚衆擊之呂日夜守禦被刺

墓側

梁學孔

農民也事親克孝其母卒奉養老父不
願其子夜隨父眠凡六年父卒乃已

棲霞縣志

卷之六

孝子

二十一

林

汝松
汝栢

因亂與母相失二子棄家覓得之爭以身易母
母不可乃為傭數載漸難備嘗以其工貨贖母
歸

楊守節

親歿廬

墓三年

孝女

明

李氏

艾山人父採石南山為磷所食氏往哭之慟誓必得父屍俄頃天大雷雨震磷裂其腹父屍乃見氏負土掩之觸石而歿有司立祠祀焉

孝婦

明

棲霞縣志

卷之六 孝女 孝婦

二十二

牟氏

林正行妻鄉官道行女翁姑俱近九旬老病臥牀者十餘年氏竭力奉養自始至終久而不懈飲食必潔必豐聽其所與以悅親心病中遺穢倉卒間或以手承之藥則必親必嘗其翁姑卒治喪盡禮
僉謂克孝

論曰孝庸德也乃讀詩書所稱虞周之所爲則
門內之治實有橫塞天地之義焉今第徵孝於
廬墓等事其爲孝也亦微矣况虧體危親又功
令之所禁則段郭諸君子似亦碌碌無奇者不
知孝固百行之所先也苟有以自盡其心斯其
人固無愧於原本矣李氏女一念之誠得父屍
以畢志竟捐其身殉何烈烈也而卒以翁姑衰
暮之年周旋膝下歷十年而不倦殆所謂仁孝
性成不可以強而致者耶凡爲人子者其尚三
復於斯矣

義夫

明

馬純仁

字希范嘉靖甲辰歲貢時年三十有六妻丁氏卒遺一子甫三齡卽貢士馬負式也公矢不再娶宦遊十五載惟一僕隨之鰥終其身歷三十年居恒手持一編不間寒暄斃而後已

國朝

高朗

妻亡不再娶教子入泮鰥居終身

蒙天索

棲霞縣志卷之六 義夫

二十四

論曰馬公三十餘年鰥也半任宦千里孤獨不欺初心又如此其久也難矣哉且稱公者不啻惟是守官砥節捐祿推恩林下清貧胸中順適不隨世逐不與物爭坐讀行吟自得其得而已公蓋有道者流矣惟其有道是以能義若高公者其亦聞而興起者乎

賢婦

王氏

幼字於姜未及嫁其夫有廢疾父母欲奪婚氏不可及適姜貧苦備嘗克盡婦道

棲霞縣志

卷之六

賢婦

二十五

節婦

明

劉氏

劉氏隋好信妻李氏好信弟好智妻也俱鳳山鄉人隋兄弟相繼亡二氏誓節不他紡績相倚以育諸孤四十餘年有如一景泰元年有司申請臺使覈實奏聞詔立坊表並蠲徭役恤之

林氏

太守公恂之姊也徐愨妻生一子而寡矢志撫孤孀節稟稟壽五十卒

王氏

樓霞縣志

卷之六

節婦

二十六

歸林九思越五年九思歿氏二十三齡撫一女誓無二適後女死亦不勞心貧苦異常孀葆益勁或勸之嫁輒正色非之逢歲時必登夫之隄哭而祀焉如此者五十餘年壽七十五卒鄉人義其貞純為合葬於九思之墓

林氏

李鳴鶴妻七年鳴鶴卒氏年二十有五子特蔡在襁褓氏勵節撫孤卒訓其子成庠生壽六十有司表其門

姜氏

萊陽人適邑人林質質卒氏撫幼子守貞不移以壽終

高氏

監生李鴻鳳妻鳴鳳卒氏年二十四有遺腹三
小後生男無孤依節矢不二心紡績營求義方
訓子孀居五十七年無異議萬曆十八年士民
公舉知縣何思慈薦問於上奉按臺鍾分憲林立
扁其門以
給之穀

王氏

李沐妻年十八適林說九年林構卒氏欲從必
因姑在乃縫績度生孝以事姑四十餘年如一
日有豪富謀娶氏委曲阻之矢不改節雖貧甚
絕不求貸親族鄉人無良願大小皆加敬重有
司上聞按
臺扁其門

牟氏

李世家妻鄉官道行女十九夫亡上有老姑其
子篤材方在抱氏上事下有備極苦心子長遊

棲霞縣志

卷之六

節婦

二十七

庠母終歸葬氏嘆曰吾守節
一生今無憾矣壽七十餘卒

馬氏

增生孫維祥妻鄉官國卿女十六夫亡守節終
身按院扁旌其門題曰苦節堪垂年六十三卒

李氏

王澤泳妻學正一科女十九夫亡守四齡子子
亡育孫孀居四十餘年艱苦備嘗至老言笑不
苟壽六
十七卒

李氏王氏

李廩生孫聲達妻王其妻也夫亡王無出李令
一子爲王後兩氏同心一愛一敬栢舟共矢節
廩水霜世
稱雙璧

郝氏

庠生衣應聘妻庠生源女廿九夫亡撫子佩印成庠生

鄒氏

庠生牟鉅妻夫亡撫子國祚成庠生

劉氏

庠生王化振妻夫亡撫子質成庠生

王氏

儒童牟國溥妻廩生化源女夫亡子幼家貧守子成立

牟氏

棲霞縣志

卷之六

節婦

二十八

劉氏

庠生王化假妻初適未踰年夫亡僅有遺孕生子憲撫養成庠生

林脫魯妻十七夫亡有遺腹于家貧孀居紡績為生苦節倍常撫子文煥成庠生壽四十三

馬氏

高起鳳妻十八夫亡守子

陳氏

杜若彬妻十九夫亡遺孤成真甫三月家貧日不再食氏守苦節撫子成立

牟氏

廩生林調羹長男繼妻鄉官國瓏女十七年二十歲苦節多載撫子毓棟郡庠生

烈婦

明

林氏

隋一龍妻事見墓表載藝文

隋氏

適薛生徐思仁七年思仁病篤氏度難痊對夫誓從死夫將葬氏果入以內整容自縊竟與夫同時氣絕嘉靖四十一年本府同知翟立扁其門

蔣氏

張翼妻年十六夫亡自縊

建寧縣志

卷之六 烈婦

二十九

呂氏

薛生林發薛妻夫亡自縊癸未城陷開棺視之面色如生

高氏

潘士元妻夫亡自縊

張氏

適薛生鄒蕃八年蕃亡氏年二十四矢志從逝節溢嘉靖四十三年監察御史高移檄致祭奏請建坊

馬氏

劉心赤妻夫病篤氏蓬髮夜承順及疾革氏以死自誓看夫闔棺次日盡散公私囊資歸葬

姑嫜潛於柩傍自縊是年二十一奉旨建坊表鄉人公題曰辭父叩姑幾句名言留宇宙整冠結履一條白練繫綱常

吳氏

衣潤身妻夫亡年二十四遺孤雲鳳六歲守節訓子食餼邑庠崇禎十五年遇掠大罵被害時年七十一

于氏

歸庠生史世憲為繼室越七年世憲卒氏即以貞自誓變德無人看歛臥哭靈側三日蓋棺乃自縊萬曆五年本府推官李扁旌其門十年齊學副使齊巡按御史黃移檄重旌

王氏

宋選成妻夫亡自縊

棲霞縣志

卷之六

烈婦

三十

候氏

年十六為庠生李弘宗婦又七年弘宗危疾氏即決意死殉及夫卒蓋棺從容拜父母尊長若示決別遂自縊蓋夫卒之明日也本縣知縣何思鰲同儒學師弟子躬詣以祭巡撫尹立碑墓前巡撫黃奏請奉旨給銀建坊

呂氏

儒士劉必達妻時必達偶罹奇疾氏事之惟謹後疾篤即以死誓夫果故氏恐家人勤守揚為不灰狀俟其不意三更整容禮席自縊於夫柩傍知縣張雲霽即赴祭拜申上以聞巡撫黃奏請奉旨給銀建坊

關氏

周价妻夫亡自縊柩前

李氏

庠生王化宣妻夫亡自縊奉旨建坊

王氏

廩生衣惟友妻與夫同日同時生從夫避難江南夫亡遺孤六月矢以死殉或勸撫孤曰夫亡婦死分耳同日自縊
國朝特旨旌表

范氏

庠生王澤洪妻癸未城陷其夫被難不屈遇害

棲霞縣志

卷之六

烈婦

三十一

劉氏

庠生牟道中妻癸未城陷自縊

鄒氏

庠生郝廷享妻癸未城陷不屈遇害

王氏

庠生牟鈺妻癸未城陷自縊

徐氏

廩生王化源妻癸未城陷自縊

國朝

林氏

庠生李贊妻夫亡有
繼侍

牟氏

李濟妻牟生續之女年二寸
五夫亡孀居六載因亂自縊

宋氏

庠生牟鑣男國經妻邑遭亂氏將歿其姑徐氏
以夫存孀勤之生不聽同夫姊牟氏同日縊

呂氏

劉坦妻夫歿自縊進士郡學教
授郡士務紀其事詳見藝文

唐氏

棲霞縣志

卷之六

烈婦

三十二

李三妻其夫不事生理浪遊忘家氏嚴以防身
甚其戶牖實健容食獨處於中三年或有輕薄
者自竇挑之氏自縊
啟戶視之面色如生

柳氏

庠生高灝妻其夫家甚寒氏甫適夫即臥病病
憊多觸怒氣氏笑語寬慰奉事惟謹歷久不怠
夫歿欲殉或勸曰勿自苦氏曰夫不幸早亡命
也從夫而逝義也觀者如堵皆泣下對衆自縊
面貌如生知縣胡憐親往祭之鄉官
李唐裔捐金以葬作傳立碑是藝文

王氏

邑人建績女適萊儒童李墳夫病篤氏不哭曰
相從於地下耳及夫亡氏將歿其父亦不阻其
歿然情難愆也氏從容整衣焚香祝告天地曰
某年某月某人從夫殉節視罷聚其親長一一

拜辭之遂自縊
時年十八歲也

衣氏

武生馬健妻聞兵
亂飲鹽汁身亡

孫氏

萊童童道廣妻庠生
士彥女夫亡自縊

周氏

劉思智妻夫病垂
危先自縊夫遂亡

呂氏

庠生李瑾妻夫
亡觸石而死

史氏

牟氏

兩婢
從死

棲霞縣志

卷之六

烈婦

三十三

段氏

林氏

林氏

宋氏

以上六名其事
不傳僅存姓氏

牟氏

邑療李份繼室也庠生國垣女夫亡歸與父
母訣反而自縊柩側儀容莊雅倍於生前

何氏

邑王成進士牟國玠之繼室也進萊庠生景九
女年五十八歲夫亡自盡內閣學士王公之

爲立傳詳

見藝文

劉氏

署縣事本府同知楊廷望曰烈婦棲邑庠生柳
 映參妻也出自蓬萊舊族于歸數載未及生子
 而映參忽於本年三月四日抱病卒蓋康熙壬
 午也烈婦時年二十有二痛夫長逝誓不獨存
 氏之姑與母多方勸慰氏終不移越五十日而
 飲鴆自盡殮之夕顏面如生余適來署篆義其
 事之有關風化也因給匾致祭以妥幽魂且俟
 後之採風者覽焉

附署廳楊 祭劉烈婦文 靈山巍巍文水泐

泐儲精孕英挺生竒節嗟哉柳生丰姿超軼年

少遊庠蘭芽露苗天不祚年倏焉長別馨咳猶

懷霞縣志

卷之六

烈婦

三十三之二

存音容銷滅赴召修文遺妻孤子伉儷已矣死

生永訣繡帳誰懸琴書徒設衾冷幃空雲遮月

缺觀物心酸須臾欲絕拊膺椎胸水漿哽噎姑

嫜動容溫語解說伯姊憂疑盤桓更迭氏也無

言肝腸寸結之死靡他有如堅鐵晝夜號啕肌

膚若裂扶乾砥坤爾頭可截嚼蘖吞冰爾牙堪

齧其光瑩瑩不可少濕其志錚錚復何所屑就

義從容爾心則悅閤戶飲鴆今霄同穴州里驚

惶道途咋舌萬口壹詞女中豪傑翱翔九霄柱

鵲滴血我來是邦緬懷先哲忽聞貞媛我心凄
切憑吊古今詩書翻閱有婦如此栢舟一轍吁
嗟庸夫貪生太拙多少豪華殘碑斷碣生也何
爲死而何劣茫茫百端賢愚異列惟此幽魂風
清義烈我奠爾酒酒甘而冽我陳爾粢粢馨而
潔魂兮來歆短歌將闕墓草芊芊鬼燐晰晰名
之芳兮翠屏之薜氣之清兮海天之雪

劉氏冰雪爲姿松筠作操柳郎花謝書案蕭蕭
蕙質傷心粧臺寂寂痛良人之已逝生也何爲

棲霞縣志

卷之六

烈婦

三十三之三

嗟年少之誰依死而靡怨丹枕血染不隨滄海
俱波白骨香凝應傍艾山作翠非但於今爲烈
亦且自古爲難所宜急加旌獎以表芳魂者也
行學取結以憑詳報繳

張氏

贊禮生牟汝礪長男岐之妻也夫死屬曠之十日自縊以殉繞膝兒女弗顧焉。叔曰笏曰抗節蹈義鬚眉猶鮮氏以巾幗扶坤植乾烈性剛腸如火斯然淚斑湘竹血啼杜鵑義可以取生可以捐命終三紀魂返九天婦兮從夫漆固膠堅追隨夜臺含笑黃泉方汝踪於楫舟兮將誓死而靡遷比汝心於松筠兮歷霜雪而彌妍亦瞻前其顧後兮乃推經而蛻蟬裁短章以慰爾幽貞兮用誌芳徽以永傳

邑侯伍環張烈婦序 烈婦與節婦孰難必曰烈婦難既難矣例不准旌者何曰慮其輕生也然將聽其湮沒不傳已乎曰慮其輕生而不可

棲霞縣志

卷之六

烈婦

三十三之四

爲訓者

朝廷之制也不忍湮沒而垂諸邑乘以誌不朽者有司之事也雍正己酉秋予宰棲邑甫一月而張氏以縊故聞詢之乃知夫亡與亡予固已驚而異之至朔日謁 學諸生爲予言曰張氏牟岐妻也岐父汝礪爲學中贊禮岐業儒未遂家貧夫妻饑餉如賓今年秋岐以病故張氏誓與俱殉翁姑知其意勸諭再三因其志不可奪防閑有加焉乃須臾少闕卽投纆於柩旁嗚呼生與

論曰士之著名也易女之著名也難士兼百行
苟可以一才一藝傳猶不失爲聞人女止四端
大德或勵雖材美無稱焉而世之論者方且寬
於士而刻於女如夫婦人倫之始不責夫以信
義而必求婦以節烈嗚呼夫節立孤均非易事
可盡望之婦人女子流歟夫士君子讀書譯理
忠孝大節講求已素有所慕而爲善亦人情之
恒也彼巾幗箕帚之輩足不踰壺閨事不越中
饋聞見不過若茹菽飲水之行一旦蹈不測而隨

非常凜然弗可犯嚼然弗可濫有學士大夫之
所隱忍而無如何者慷慨從容獨得其當此豈
非得乎天者多耶概列其人以垂不朽若夫時
移世易多湮沒而名不稱者則文獻無徵今昔
同慨矣

義僕

林之珍

庠生林佳僕原名劉住子其主被誣繫臬獄者三年家資抄剪牢食不表珍隻身供應久而不怠其主昭雪歸以珍為媿乃錫茲名家資平分無異骨肉以報德也

林進祿

庠生林允祚僕于逆變亂殺掠鄉村主胡老苦難動移進祿夜負以逃保全無害其主被誣亦繫臬獄三年進祿與珍爭先効義各願其主其主昭雪歸厚遇進祿人稱林有兩義

棲霞縣志

卷之六

義僕

三十五

論曰甚矣忠義之不可以類拘也國家懸異以待士尊爵厚祿亦欲收臣子一日之報而爲之臣者又皆學古入官居然自命爲貞亮者也一旦事變當前徃徃以一念之利害遂至移生平之所守而忘私忘身乃得之奔走所養之徒夫當流離瑣尾之際其主之不爲溝中瘠者幾何彼從事於斯者亦何所利而爲之而出入患難之中盡瘁鞠躬三年而不倦蓋亦有獨苦其心而不以告人者卽以爲忠義何愧焉而况士

君子拜命

士國受

朝廷養士之恩其自靖又當何如也

異人

丘處機

字通密自號長春子本縣濱都里人金皇統間其母感異夢而娠將誕紅光映室隣以為為丘氏火趨救之乃舉子兒時有相者曰異日當是神仙宗伯年十九為全真學入崑崙師重陽子友諱馬劉諸人開煙霞洞建五大會後入磻溪穴居日丐一食披一簑人謂箕衣先生尋隱隴州龍門山七稔道既成聲達帝庭金世宗徵赴燕都錫宴詔對數以持盈守成為戒旋歸棲霞大建太虛宮山東龍驤馬都尉僕射散公討之登及寧海未服請公撫諭公至投戈二州乃定會元太祖聘而金使亦至公辭謝二使退曰吾行止天也今天道在此吾將順受其正遂應元聘太祖召見每言欲一天下必在不嗜殺人為治在敬天勤民長生在清心寡慾瑞鶴隨翔其霖

棲霞縣志

卷之六

異人

三十七

應薦夢惑犯尾禱之退舍一時自天子以至庶人莫不師事忽大雷雨太液池南岸犯水入東湖聲聞數里池遂涸壯口山亦摧公曰山其摧乎池其涸乎吾將與之俱乎遂化去越明年弟子將葬啟棺視之儼然如生道俗萬人瞻禮三日葬燕都白雲觀之順處堂

論曰語有之聖人不師仙厥術異也長春子其術說者乎然未嘗以不經誣鼓曰敬天勤民曰清心寡慾曰持盈守成所謂聖人之道異耶同耶師廣成者其治盛師老邴者其道崇師蓋公者其功名亦在竹素何厥術之不可師也

棲霞縣志卷七

知棲霞縣事加二級古燕胡 璘 魏玉父重修
賜進士內府禮科給事中邑人李唐喬西林父鑒定
賜進士候 選 知 縣邑人牟國須在東父訂正

邑舉人牟國珩鳳伯父纂輯

祥異志

十雨五風太平之世兩岐三倍循良之治吏失
其職乃咎於民天變足畏人情可矜

天道遠人道邇昔人言之矣然則何爲志祥異
棲霞縣志卷之七 祥異

凡以示有土者遇災而懼也禎祥妖孽隨其所
感先事而著而謹其幾而不至於害者則存乎
其人故董子以爲謹告之來皆天之仁愛以示
戒也克謹天戒則雖有其象而無其應弗克畏
天災咎之來可知矣而世頌謂天變不足畏優
游怠惰苟且目前一旦變起倉卒蓄害並至始致
嘆於事之不可爲而不知天之所以告戒之者亦
已久矣於舊史所載聞見所及悉謹而書兵事
附焉凡以示有土者遇災而懼也志祥異一卷

祥異

宋

元嘉十二年正月白晝見青冀二州刺史王方回以獻

唐

會昌元年秋雨雹

宋

端拱三年大饑

景祐元年饑

慶曆六年地震岬嶠山摧自是屢震輒海底有聲如雷

棲霞縣志卷之七 祥異

二

金

天會六年大水

十一年水旱免其租

元

至元三十年九月隍

天曆元年大有年

明

洪武二十二年全省饑命尚書屠滸賑之

永樂六年地震有聲如雷

正統十年二月十三日地大震

是月小
震凡九

正德二年饑

四年大饑人相食

萬曆四十二年夏大旱無麥秋淫雨是年任留山鳥巢

生鳳鄉人以爲雉少頃鶴鳥畢集乃謂鳳云

四十三年大旱饑

時災蒸異常道多塌灰七月初九日始雨又至九月不雨蝗蝻生人噉木皮民幾罷市知府陶朗先多方賑恤開糶於遠招南北商船兼糶於淮又廣設粥廠單騎稽察全活九萬餘名口

懷慶縣志卷之七

祥異

三

四十四年春大饑

時全省荒至人相食而登州尤甚朝廷發銀十六萬兩漕米十二萬石遣御史過庭訓賑之登州賑銀一萬兩漕米四千九百餘石

四十六年秋蚩尤旗見東方每夜白氣亘天經月

不散有彗星見於東北光射中央

四十七年夏旱

四十八年六月不雨

天啟元年蝗

四月十九日詭言賊兵自東來民奔走相蹂踐竟

夜不息詰旦寂然不知所以自文登至昌邑八
百里訛言時日皆同

二年蝗夏雨雹

四年地震自東北來有聲

崇禎二年天赤如血

三年正月朔大風霾晝晦

四年大風傷稼

五年正月朔大風霾

七年春有鳥自海島飛來搖翅如煞煞聲形如鴿

棲霞縣志

卷之七

祥異

四

惟食沙因名沙鷄人以為兵象

五月地震是年星隕有聲

八年物惟出自城南其大如斗其形如鐵重數百

斤土人呈於官棄之

九年大水

十一年熒惑入心

蝗

十二年大旱飛蝗蔽天傷稼無秋

十三年蝗大饑人相食

十四年黃露四塞日無光

十五年狼入城

十六年正月元日縣宅災

國朝

順治元年四月隕霜

十三年大有年

十四年冬有虎至次年春足跡見於厲壇後爲黃
邑捕獲

十六年八月星隕聲如巨雷光芒異常

棲霞縣志

卷之七 祥異

五

十八年日生四耳

二月夜白氣竟天

豕生一角異獸旋斃

十二月十二白氣壓於城頭直徹東西

康熙元年正月太白經天

三年冬彗星犯北斗至四年春三月

四年大旱無麥全省饑免其租

七年六月十七日夜地震有聲

是日全省地震城垣傾圮民舍倒
塌者甚多壓死人畜不計其數

十五年丙辰大有年但粟賤如泥凡耕田之家
出一歲所入不足以供正賦爭以田地出賣並
無售主農民大困

二十六年丁卯十二月十六日子時地震如雷及
辰刻已震過十餘次民大恐嗣是每日必震三
五次不等月餘方息

三十六年丁丑春月饑賴知縣俞寅煮粥賑濟存
活甚衆

四十二年癸未通省大水秋成失望甲申春大饑

棲霞縣志

卷之七

祥異

五之二

人至相食幸

聖恩連蠲額賦兼遣多員分道賑濟災民大甦

論曰春秋書災不書祥垂戒意也禳祥不數見而災頻加焉得無戒乎夫天人之際精禋相盪災非其邇亦邇往之數明矣關德失政吏或釀之而民則何辜乃濟中瘠也太史公曰太上修德其次修政其次修釀盡德修則能召祥政修猶及晦禍至於救之無奇策而釀之安所禱也即可救可禳而民之陷於危亡者多矣司牧者念之哉或曰此非獨一有司所能爲也噫江陵之風弘農九江之虎其誰反之而誰

驅之類不在有司也耶

兵事

金

大三年揚安兒叛與張汝楫聚黨攻劫州縣殺掠官

吏改元天順遂陷益海山東路統軍安撫使僕

散安貞大敗之安兒走鉅嶧山乘舟入海舟人

曲成等擊之墜水死

明

正七年三月流賊萬餘攻城主簿段賢拒之

崇禎四年登州兵變攻城二次知縣李升吉拒之城賴

稜霞縣志

卷之七

兵事

七

以全

十六年二月城陷

十七年招遠土寇楊威入城

國朝

順治五年于七寇破益海州七年知府張尚賢招撫之

十八年萊人宋奕炳控于七不軌九月遣官捕之

于七遂據錫齒山以叛聚衆十餘萬康熙元年

春禁旅督各省兵討平之于七逃

論曰國家有文事者必有武備慎封守而捍民
生於是乎取之三代以還狡焉思啟何代蔑有
而儒者徒以太平清晏之世矯語樽俎亦已過
矣有虞以來暴客當關疆域屢警前者不可得
詳已卽如近今蘆苻之寇僅亦小醜唯其狂目
前之安而不爲之所遂至戎馬生郊沙場暴骨
良可憚也撫有民社者尚留意於綢繆風雨之
篇哉



棲霞縣志
續集

第四冊

卷八
藝文
跋

棲霞縣志卷之八



知棲霞縣事加二級古燕胡 璘霽主父重修

賜進士內府禮科給事中邑人李唐裔西林父鑒定

賜進士儼 選 知 縣邑人牟國須柱東父訂正

邑舉人牟國玠鳳伯父纂輯

藝文志

王度如金聖經爲郭立言不朽以述纂作紀勳
脩辭歌風畧意文吾能徵道進乎技

天地有精萃國家有文獻聖作明述非細故也

棲霞縣志 卷之八 藝文

古之聖人開天首出作民君師莫不有顯謨大

訓以詔當時而垂萬世天下之人是訓是行世

世奉之而無替此文志所由傳歟棲數經兵火

名山柱下不可得而考已而

王言秩秩炳若日星讀

誥命典籍諸篇如見風示天下之意焉曰碑日記以

傳政也曰銘曰賦以載道也而敘述芳踪闡揚

正氣尤關係之大者乎他如文江列陣學海抽

思指點日遊山水獲中於知已長歌短詠煙霞

受制於文人或以人傳或以地記以見文明之
世化洽海邦而百里微封亦彬彬稱文物之鄉
也志藝文一卷

誥贈大同府同知林恂父母文

弘治年月日勅曰人子報親之志莫大於顯揚朝廷待士之恩莫重於褒錫此古今之通制豈存歿之殊科爾林茂乃山西大同府同知恂之父郡邑遺才詩書舊族居鄉樂善素敦仁厚之風教子成名克著勤勞之績祿養既違於三釜褒章宜責於九原茲特贈爲奉政大夫山西大同府同知霸爽有知歆承無斁勅曰母德之成義實兼乎教育國恩之錫禮特重於褒封肆緣報德之情誕示追崇之命爾紀氏乃山西樓霞縣志

卷之八

誥命

三

大同府同知林恂之母儉勤成性慈孝爲家飭閭範以相夫佐義方以訓子碩鼎登之養拂遽而風木之感彌深爰體孝思用申褒卹茲特贈爲宜人懿孺不昧服此明恩

誥封大同府同知林恂及妻文

弘治年月日勅曰親民之政非按部莫能詳錫命之榮在司封為甚重蓋法有定制而恩有特施凡沾旌異之名必在褒嘉之列願明揚於已試實示勸於將來爾山西大同府同知林恂一登鄉薦兩佐侯邦愛民存愷悌之心處已勵清勤之節賢勞既積薦剡交騰可無寵名以示褒勸茲特進爾階奉政大夫錫之誥命於戲愛民先於獲上已徵名績之良善始貴乎保終庶竭猷為之益訓辭具在尚克祗承欽哉

棲霞縣志 卷之八 誥命

四

勅曰夫婦之際風化所先君臣之間恩禮攸在凡為伉儷必與褒封爾山西大同府同知林恂妻子氏出自名門嬪於儒族儉勤自勵克供饋祀之儀儆戒相成不廢詩書之訓爰因夫貴用示國恩茲特封為宜人尚敦祇慎之風益迓嘉祥之至

詔贈宜陽縣知縣牟道行父母文

萬曆年月日勅曰士方心質行表於鄉間詎意廟堂之寵數哉乃闕德在身天錫厥緒有子起爲名宰因以聲施於朝不可謂非挹注之效焉爾牟時俊乃河南河南府宜陽縣知縣道行之父在髫髻能立式穀有聞漏采弓旌願罔酌於操瑟怡情泉石功竟獲於爲裘鄉高市義之風庭豫傳經之訓雲衿衍慶月旦流徽是用贈爾爲文林郎河南河南府宜陽縣知縣誕布楓宸之命永增松嶠之輝

棲霞縣志

卷之八

誥命

五

勅曰靡依非母人情所同比及緝綬之榮弗遠迺與之養朕甚憚之不有明綸曷光宿草爾魯氏乃河南河南府宜陽縣知縣牟道行之母柔儀亮肅令德友恭夙諧豹隱之賢席珍著譽誕啟鵬騫之嗣製錦肇成栝樅之澤猶存機軸之規已邈茲用贈爾爲孺人用表懿靈永綏華號

誥封宜陽縣知縣牟道行及妻文

萬曆年月日勅曰董子有言守令民之師帥所以承
流而宣化者也朕瑩精恭盥每慎茲選有能誦爾絲
先保障此其孳孳拊摩心亦勞苦璽旌豈有斬焉爾
河南河南府宜陽縣知縣牟道行端醇器宇敏練猷
爲擢穎公車分符壯邑而爾廉明集事豈第宜民孳
晝運而成風日無盤錯循良奏而計日戶有陽春令
長吏咸若茲海內豈不清和奏厥理說所司以績來
上特授爾階文林郎錫之勅命夫茲邑爲石伯聽訟
棲霞縣志 卷之八 帝命 六

之所耳棠之蔭未徙民生安業有古俗化得賢有司
從而訓定之以登邦理何有哉益篤初忱朕且有不
次之擢

勅曰吏憲奉職俾泗封之內安其室家而無愁嘆之
聲推其履政必有琴瑟靜好之助矣爾河南河南府

宜陽縣知縣

牟道行
妻馬氏

圖史遵箴珺璜比德紉椒蘭而

合義燕婉成儀躬綦縞以匡廉鷄鳴效傲爾夫最績
升聞爾固左右之是用封爾爲孺人緘開泥紫之率
輟映丹霞之色

誥贈四川道監察御史郝晉父母文

崇禎九年月日勅曰漢卓茂小宰耳建元之際首被殊封曰名冠天下當受天下重賞夫道止其身而報若是矧夫教誨爾子式穀似之者歟爾原任直隸真定府無極縣知縣贈文林郎郝守栻乃四川道監察御史晉之父東海醇儒恒山隱令孝悌通神明之德生平以繩尺自閑爾其敏奏牛輒清徵馬骨愛人學道身有魯中牟之風將毋棄官品越陶彭澤而上祥鍾令子秩畀中臺知縣譜之家爲珍信直聲本自庭授棲霞縣志

卷之八

誥命

七

矣司封條上覽德慨然是用仍贈爾爲文林郎加四川道監察御史彌章厥考構堂之心斯知世臣喬木之謂

勅曰晉郝夫人治家最有

法東海門風咸取則焉

史稱其高朗英邁毋儀冠族至以鍾郝並傳不圖世後有續其盛事者是可嘉也爾封太儒人王氏乃四川道監察御史郝晉之母鍾鼎名門蘋蘩淑度終溫且惠百年端淑慎之儀寶儉與慈三黨頌睦端之美高堂實資其孝養再世咸倚爲清修今其衰近耄

齡動遵古法時御筵而賓王母或舍飴以弄曾孫允
矣禮宗昭哉內則是用仍封爾爲太孺人尚膺朱紱
方來之寵永祝黃耇無疆之年

誥封四川道監察御史郝晉及妻文

崇禎九年月日勅曰聞昔唐虞神羊在囿屈軼生階
指佞觸邪稱上瑞已蓋一時岳牧諸臣濟濟朝端而
露靈動植神遊其際不勝衆正之思焉柱後惠文安
得不重若選也爾四川道監察御史郝晉風規峻整
志節清嚴擢自花封躋於栢院水流巴宇舊傳循令
之聲霜凜扞章高作諍巨之氣側陛則義冠慷慨登
車能攬轡澄清擬諸昔賢兼有其美若乃西城廉剛
之譽左藏釐剔之能益徵爾之屢試輒效者矣是用
棲霞縣志

卷之八

誥命

九

仍授爾階文林郎錫之勅命朕虛懷止輦不忘從繩
每觀晉傳咸有云安有恹恹忠益反見怨嫉者宋臣
韓稚圭亦曰諫主於理勝而以致誠將之朕深賞爲
臣鵠且爾嗣將以繡衣持斧行矣爾雅意本朝白馬
生當復諫乎

勅曰語不云乎雖有絲麻無棄菅蒯况夫糟糠貧賤
之交而同負戴不同徽佩也拾芳宿草抱惋遺祉朕
爲爾臺臣念之已爾四川道監察御史郝晉妻贈孺
人李氏湛精圖史稟訓矜補子舍羹湯三日已請食

性深閨刀尺永夜未輟機聲曾靜好之幾時忽音容
其俱杳著簪已矣空餘琴瑟之心環佩珊然尚想河
山之度莫辭夙勤宜煥明綸是用仍贈爾爲孺人道
或有待於後光榮固無殊夫身受

勅曰孟光之賢不獨舉案觀其佐梁鴻爲噫雉之歌
諷切時事意固已遠矣昔鯁直臣徃徃得內助力居
多而我臺班中乃亦有以是顯者爾四川道監察御
史郝晉繼妻封孺人董氏嗣厥徽音休有令範蚤伴
西川之鳧影綦稿自如嗣聞北關之鳥聲庭屏無改

棲霞縣志

卷之八

誥命

十

俾慈姑稱爲得婦而良史賴以宜家玉滄階前念嘸
嘸爲膏之德光生柱後觀行行且止之風綠爾彌成
光余寵命是用仍封爾爲孺人尚資羔素彌傲燕私

諸封兵部職方清吏司督捕主事李唐裔父
文

奉

天承運

皇帝制曰興孝維君錫類弘昭報本教忠自父服官
敬用承家爾封文林郎陝西平原府推官李東
儒乃兵部職方清吏司督捕主事加一級李唐
裔之父道在禋躬爰被絲綸之重志存作室式
弘堂構之遺茲以覃恩封爾爲奉直大夫兵部

棲霞縣志

卷之八

誥命

十一

職方清吏司督捕主事加一級錫之誥命於戲
恩逮所生彌表象賢之美風茲有位尚敦燕翼
之謀

制曰疏恩將毋弘推錫類之仁移孝作忠均切顯揚
之念爾兵部職方清吏司督捕主事加一級李
唐裔母贈孺人林氏愛子能勞篤義方於杼軸
相夫克順端令範於閨闈茲以覃恩贈爾爲宜
人於戲象服昭榮聿荷廷綸之寵寵光遺教永
流泉壤之輝

順治十四年三月初十日

棲霞縣志

卷之八

藝文

十一

誥封兵部職方清吏司督捕主事加一級奉
齋及妻文

奉

天承運

皇帝制曰國家推恩而錫類臣子懋德以圖功懿典
攸存忱恂宜勗爾兵部職方清吏司督捕主事
加一級李唐裔持躬克謹蒞事惟虔奉職兵曹
小心克昭於夙夜分猷樞部勞動允著於官方
欣逢慶典宜賁新給茲以覃恩特授爾階奉直
棣霞縣志

卷之八

誥命

十三

大夫錫之誥命於戲式弘車服之庸用勵顯揚
之志尚欽榮命益矢嘉猷

制曰靖共爾位良臣旣効其勤匪他同心淑女宜從
其貴爾兵部職方清吏司督捕主事加一級李
唐裔妻贈孺人張氏克嫻內則能貞順以宜家
載考國常應褒嘉以錫寵茲以覃恩贈爾爲宜
人於戲敬爲德聚實加儆戒以相成恩與義均
豈以存亡而異視

順治十四年三月初十日

誥贈福建布政使司右布政使于際清祖父

文

奉

天承運
皇帝制曰恩彰下逮勉篤業於羣察家有貽謀本恩
勤於大父用溯源流之自爰推綸綍之榮爾于
才美乃福建布政使司右布政使于際清之祖
父植德不替佑啟後人綿及乃孫丕彰鴻緒休
貽大父聿觀世澤茲以覃恩贈爾爲通奉大夫
賤霞縣志卷之八 誥命 十四

福建布政使司右布政使錫之誥命於戲垂裕
孫謀已沐優渥之典崇褒祖德用邀錫類之仁
貽厥奕祚佩此新綸

制曰一代褒功勸酌示後再世承恩崇獎及先績既
懋於公家寵宜追於王母爾福建布政使司右
布政使于際清祖母唐氏爾有慈謀裕及後昆
念茲稱職端由壹教爰錫褒儀之貴用昭種德
之勤茲以覃恩贈爾爲夫人於戲邈其家法愛
勞旣殫先圖責乃國章昌融益開來緒永期丕

贊用席隆床

制曰名世造開率儲祥於內則國恩達逮必兼於
重闈報稱匪私彝章具在爾福建布政使司右
布政使于際清繼祖母劉氏妣續相承後先並
濟重闈之燕貽有本孫謀之龍被宜崇嘉爾徽
音並頒殊渥茲以覃恩贈爾爲夫人於戲宜室
承家爾克端於垂裕貽孫教子朕何靳於疏榮
寵授方新前徽彌著

順治十八年正月初九日

誥贈福建布政使司右布政使于際清父母文
奉

天承運

皇帝制曰揚名績親爲子者願以令德歸之父考績
褒賢教孝者宜以高爵作之忠是用推恩特申
休命爾贈中憲大夫山東濟南府知府于瀛乃
福建布政使司右布政使于際清之父義方有
訓式毅無慚念爾嗣之勤勞既克家而報國俾
爾澤之昌大爰錫類以昭仁茲以覃恩贈爾爲

棲霞縣志

卷之八

誥命

十六

通奉大夫福建布政使司右布政使錫之誥命
於戲教誨爾子永勿忝於家聲聿修厥德尚無
負於國恩欽承寵命慰爾幽靈

制曰國體勞臣必溯源而沛澤家崇誥胤爰歸善於
厥生盛典維新壹儀愈著爾福建布政使司右
布政使于際清母封太恭人張氏韓範克端胎
教居身教之先慈訓惟勤能愛在能勞之後宜
沛胞封用昭母德茲以覃恩贈爾爲夫人於戲
子情罔極感顧復而敦孝國綸普被念劬勞以

疏崇嘉乃思勤褒其遺範

順治十八年正月初九日

詔封福建布政使司右布政使于際濟及妻之
奉

天承運

皇帝制曰褒忠表義昭代之良規崇德報功聖王之
令典特頒恩命以獎勤勞爾福建布政使司右
布政使于際濟才識博通性資醇謹服官有素
崇職濟加俾掌濟司小心彌勵宣勞罔懈夙夜
克矢乎恪共奉職無愆官守益彰夫清慎欣逢
慶典宜沛新恩茲以覃恩特授爾階通奉大夫
惟勤尚克承夫寵錫欽予時命勵爾嘉猷

棲霞縣志

卷之八

諭命

十八

錫之誥命於戲恩推自近乃弘獎夫崇階業廣
制曰夙夜惟勤人臣宜遑內顧伉儷無忝國常豈靳
隆施錫章服以酬勛念壺儀之媲美爾福建布
政使司右布政使于際濟妻封恭人朱氏克勤
內德宜爾室家眷良臣靖共之猷賴淑女匡襄
之助爰褒令範式沛新綸茲以覃恩封爾爲夫
人於戲敬爾有官肅閨門而合好職思其內尚
黽勉以同心祇朕殊恩用昭壹德

順治十八年正月初九日

棲霞縣志

卷之八

雜錄

十九

誥贈江南常州府通判張震父母文

奉

天承運

皇帝制曰資父事君臣子篤匪躬之誼作忠以孝國
家弘錫類之恩爾張四教乃常州府通判張震
之父善積於身祥開厥後教子著義方之訓傳
家裕堂構之遺茲以覃恩贈爾爲承德郎江南
常州府通判錫之勅命於戲殊榮必逮於所親
寵命用光夫有子承茲優渥永茂忠勤

棲霞縣志

卷之八

誥命

二十

制曰奉職在公嘉教勞之有自推恩將毋宜錫與之
攸隆爾江南常州府通判張震前母李氏壺範
宜家夙協承筐之媿毋儀詒穀載耶畫荻之芳
茲以覃恩贈爾爲安人於戲彰淑德於不瑕式
榮象服膺寵命之有赫永責泉壚

制曰忠以孝成臣子篤顯揚之志毋從子貴朝廷弘
不匱之恩爾江南常州府通判張震生母譚氏
柔協女箴勤襄內治茂啟徵蘭之兆善承畫荻
之勞茲以覃恩贈爾爲安人於戲象服煌煌

勤思於五夜龍章奕奕永休譽於重泉

順治十八年正月初九日

詔封江南常州府通判張震及妻文

奉

天承運

皇帝制曰錫類推恩朝廷之大典分猷亮采臣子之
常經爾江南常州府通判張震才堪効用力可
宣猷庶事咸賴以馳驅小心克彰於夙夜慶典
欣逢新綸用賁茲以覃恩授爾爲承德郎錫之
勅命於戲弘敷章服之榮用厯靖共之詔欽茲
寵命懋乃嘉猷

棲霞縣志

卷之八

勅命

二十二

制曰恪共奉職良臣旣殫厥心貞順宜家淑女爰從
其貴爾江南常州府通判張震妻郝氏含章協
德令儀夙著於閨闈黽勉同心內治相成於夙
夜茲以覃恩贈爾爲安人於戲龍章載煥用褒
敬戒之勳翟弗欽承永作泉原之賁

制曰臣子敦服勞之詔典旣疏榮女士嗣淑慎之徽
恩宜並茂爾江南常州府通判張震繼妻于氏
素嫻內則動協女箴相夫載著勤勞宜家克彰
令譽茲以覃恩封爾爲安人於戲蘋蘩繼熾式

揚彤管之輝綸緯同褒勉贊素絲之德

順治十八年正月初九日

勅贈直隸真定府南宮縣知縣牟國瓏父母文奉

天承運

皇帝制曰資父事君臣子篤匪躬之誼作忠以孝國
家弘錫類之恩爾牟鏗乃直隸真定府南宮縣
知縣牟國瓏之父善積於身祥開厥後教子著
義方之訓傳家裕堂構之遺茲以爾子遵例急
公贈爾爲文林郎直隸真定府南宮縣知縣錫
之勅命於戲殊榮必逮於所親寵命用光夫有
棲霞縣志

卷之八 勅命

三之三

子承茲優渥永其忠勤

制曰奉職在公嘉教勞之有自推恩將母宜錫典之
攸隆爾直隸真定府南宮縣知縣牟國瓏母郝
氏壺範宜家夙協承筐之媿母儀詒穀載昭畫
荻之芳茲以爾子遵例急公贈爾爲孺人於戲
彰淑德於不瑕式榮象服膺寵命之有赫永賁

泉壚

康熙三十六年八月初三日

勅封直隸真定府南宮縣知縣牟國瓏及妻文
奉

天承運

皇帝制曰錫類推恩朝廷之大典分猷亮采臣子之
常經爾直隸真定府南宮縣知縣牟國瓏職任
牧民才堪良吏清廉克彰乎庶事慈惠允著於
當官復輸蓋誠新給宜沛茲以遵例急公授爾
爲文林郎錫之勅命於戲弘敷章服之榮用勵
靖共之誼欽茲寵命懋乃嘉猷

棲霞縣志

卷之八 勅命

三三

制曰恪共奉職良臣旣殫厥心貞順宜家淑女爰從
其貴爾直隸真定府南宮縣知縣牟國瓏妻孫
氏含章協德令儀夙著於閨闈龜勉同心內治
相成於夙夜茲以爾夫遵例急公贈爾爲孺人
於戲龍章載渙用褒敬戒之勤翟芾欽承永作
泉原之賁

制曰臣子敦服勞之誼典旣疏榮女士嗣淑慎之徽
恩宜並茂爾直隸真定府南宮縣知縣牟國瓏
繼妻林氏素嫻內則動協女箴相夫載著勤勞

宜家克彰令譽茲以爾夫遵例急公封爾爲孺
人於戲蘋蘩繼媿式揚彤管之輝綸綍同褒勉
贊素絲之德

康熙三十六年八月初三日

勅贈內閣辦事中書舍人牟恒父母文
奉

天承運

皇帝制曰宣猷服采中朝抒報最之忱錫類推恩休
命示酬庸之典爾牟作孚乃內閣辦事中書舍
人牟恒之父令德踐修義方夙著詩書啓後用
彰式穀之風弓冶傳家克作教忠之則茲以覃
恩贈爾爲徵仕郎內閣辦事中書舍人錫之勅
命於戲篤生杞梓之材功歸庭訓丕煥絲綸之

樓霞縣志

卷之八 勅命

二十五

色澤及泉臺

制曰坤貞叶德芳聲亶播於中閨巽命揚休渥澤自
施於朝宁爾內閣辦事中書舍人牟恒前母李
氏終溫且惠旣儉而勤蘋藻宜家蚤著有齊之
美珩璜表德猶傳相儆之言茲以覃恩贈爾爲
孺人於戲令儀如在上邀綸綍之光寵慶聿頒
用慰栝樅之念

制曰壺教凝祥懋嘉猷於朝宁國常布惠揚休命於
庭闈爾內閣辦事中書舍人牟恒母陳氏勤慎

宜家賢明訓後相夫以順舍內美於珩璜鞠子
有成樹良材於楨幹茲以覃恩贈爾爲孺人於
戲昭茲令善之聲榮施勿替食爾劬勞之報遺
範長垂

康熙三十六年七月十九日

勅封內閣辦事中書舍人牟恒及妻文
奉

天承運

皇帝制曰官在禁林時挾天庭之藻班承綸閣還依
冊府之光爾內閣辦事中書舍人牟恒溫醇著
譽恪謹持躬質有其文撰述分勞於兩制才堪
稱職絲綸賁寵於重霄茲以覃恩授爾爲徵仕
郎錫之勅命於戲西清趨直用嘉翰札之勞北
闕承恩尚勵靖共之節

樓震縣志

卷之八 勅命

三三七

制曰丕績奏於中朝端賴閑家之助寵章頒乎慶典
宜分齊體之榮爾內閣辦事中書舍人牟恒妻
孫氏早習女儀克修婦職雞鳴交儆旣砥節於
素絲蠶績執勞用邀恩於紫綉茲以覃恩封爾
爲孀人於戲巾袿彰和順之風鸞書誕賁廷陞
煥褒嘉之命象服茂膺

康熙三十六年七月十九日

勅贈浙江處州府景寧縣知縣李涇源父母文
奉

天承運

皇帝制曰求治在親民之吏端重循良教忠勵資敬之忱
聿隆褒獎爾李唐裔乃浙江處州府景寧縣知縣李
涇源之父裊躬淳厚垂訓端嚴業可開先式穀乃宣
猷之本澤堪啟後貽謀裕作牧之方茲以覃恩贈爾
爲文林郎浙江處州府景寧縣知縣錫之勅命於戲
克承清白之風嘉茲報政用慰顯揚之志昭乃遺謨

棲霞縣志

卷之八 勅命

二十三之八

制曰錫類揚休恩不殊於中外循陔追慕情無間於後先
爾浙江處州府景寧縣知縣李涇源之前母張氏家
風肅穆內則爛明瑤珮猶存睠芳型之未遠栢棧如
故欣慶典之方膺茲以覃恩贈爾爲孺人於戲圖史
有聞欲報寸心於宿草彝章丕煥用弘厚澤於新綸
制曰朝廷重民社之司功推循吏臣子凜冰淵之操教本
慈幃爾浙江處州府景寧縣知縣李涇源母劉氏淑
慎其儀柔嘉維則宣訓詞於朝夕不忘育子之勤集
慶澤於門閭式被自天之寵茲以覃恩封爾爲太孺

人於戲仰酬顧復之恩勉思撫字載煥絲綸之色用
慰劬勞

康熙四十二年三月十八日

勅封浙江處州府景寧縣知縣李涇源及妻文
奉

天承運

皇帝制曰分符百里必遴出宰之材報最三年爰重懋官
之典爾浙江處州府景寧縣知縣李涇源雅擅才能
克宣慈惠撫綏有要常深疾痛在己之心懷保無窮
不忘顧復斯民之責茲以覃恩授爾爲文林郎錫之
勅命於戲前勞已茂用褒製錦之能來軫方邁益勵
飲水之操

樓霞縣志

卷之八

勅命

二十三之十

制曰良臣宣力於外効厥勤勞賢媛襄職於中膺茲寵錫
爾浙江處州府景寧縣知縣李涇源之妻郝氏終溫
且惠旣靜而專綦縞從夫克贊素絲之節蘋蘩主饋
爰流彤管之輝茲以覃恩封爾爲孺人於戲敬爾有
官著肅雍而並美職思其內迪黽勉以同心

康熙四十二年三月十八日

典籍

明

聖諭一本

大誥一本

勅諭一本

勸善書二部十九本

御製詩一本

五倫書六十二本

律書一本

棲霞縣志

卷之八

典籍

二十四

孝順事實二部六本

爲善陰騭書五本

儀禮註疏十本

大禮集議四本

大禮纂要二本

朝祭服圖一本

忠靜冠服圖一本

四書大全二十本

易經大全二十本

詩經大全十二本

書經大全十本

春秋大全十八本

禮記大全十八本

性理大全三十本

以上俱在儒學今燬於兵

國朝

銓選則例

品級考

棲霞縣志

卷之八

典籍

二十五

賦役全書

學政全書

大清律

鄉約條例

卧碑

禮部

題奉

欽依刊立卧碑曉示生員

朝廷建立學校選取生員免其丁徭以廣庠序設學院學道學官以教之各衙門以禮相待全身奏成賢才以供

朝廷之用諸生皆當上報

國恩下立人品所有教條開列於後

棲霞縣志卷之八

二十六

一生員之家父母賢智者子當受教父母愚魯或有非為者子既讀書明理當再三懇告使父母不陷於危亡

一生員立志當學為忠臣清官書史所載忠清事蹟務須互相講究凡利國愛民之事更宜留心一生員居心忠厚正直讀書方有實用出仕必作良吏若心術邪刻讀書必無成就為官必取為患行害人之事者往往自殺其身常正思養一生員不可干求官長交結勢要希圖進身若果

上
天知之必加以福

身忍性凡有司官衙門不可輕入卽
之事止許家人代告不許干與他人詞
訟他人亦不許牽連生員作證

一爲學當尊敬先生若講說皆須誠心聽受如有
未明從容再講毋妄行辯難爲師者亦當盡心
教訓勿致怠惰

一軍民一切稱病不許生員上書陳言如有一言
建白以違制論黜革治罪

一立盟結社把持官府武斷
一凡所集文卷

性機刊行

性機刊行

建宜陽縣土地祠碑記

明邑人 牟道行 撰

余聞萬物本乎土而載版籍者載茲土而縣址基焉
卽生茲土之物而兆民寓焉余自庚戌年孟秋奉簡
命蒞茲土之民茲土俗淳事簡與鄙性適相宜余矢
心撫字卽課士藝招移民緩催科賑饑饉不過以平
易事近日用民無甚奇巧可以標異見德於衆而環
宜之富者窶者販者豎者奔趨而歸市者罔不各樂
天年余雖不敢謂有擊壤之風而上下亦頗稱相安
云顧養民者余而生余恩養之民者非宜之司土者
樓霞縣志

卷之八 碑

三

耶使司土不生茲民余有恩將安施又使司土生茲
民而天札疵癘之患種種相侵余施恩將安終是余
雖不浚民以生而成余養民之功者仰於司土實式
憑之而余敢志明德耶宜陽舊制司土之祠外無垣
墻內無壇宇廟立於賓館之途而錯列於諸室之中
若非崇奉爲祀者然而余心安乎不安乎余故捐俸
命工鼎新之較常貫稍遠且大焉非余好爲更張以
滋紛擾大德禔福匪可以尋常尸而覲之者爲之固
垣疊障昭司土靜深之體也爲之規摹弘遠昭司土

博厚之功也爲之榱桷輝煌几筵綵幣昭司土日新
富有之仁也厥功告成雖不能仰答萬一聊以報其
生物之恩而因以寄余區區爲民之一念耳敬以筆
之記中萬曆四十三年四月廿四日吉旦

重修宜陽縣養濟院碑記

明邑 牟道行 撰

昔吾夫子論志而曰老者安之夫天下可矜可憫足以動吾隱衷者何限胡獨孜孜於一老為蓋惟是老者奄奄垂盡之息或左右無依鰥獨倚則窮年莫控末路誰憐徒輾轉以就壑耳故先王暨政施仁必先養老教以樹畜廸以蚕桑令其衣帛食肉所以自為養也執醬而饋執醕而獻祝哽在前祝咽在後所以養之也不得已而又下車以問躬蒞以詢施體惠廩所以必使得所養也我 太祖高皇帝平定海內

棲霞縣志 卷之八 碑

三十四

勅凡郡邑設立惠民藥局養濟院仁哉千古聖帝明王統此心矣為有司者奉行勿替民終賴焉若之何其竟以彌文視耶宜陽介在伊洛疲瘠甲於他邑兼以賦重歲歉其間鰥寡孤獨顛連而無告者十室而九余父母是方痛心愴目按戶計口細心稽核凡屬無依悉收之院度幾可以無失所矣奈養濟院舊設西關歲久頽廢人多室少猶然露棲余捐俸鳩材躬為相度沿舊而增飭之其房四十餘間人授之室獲有寧宇廩養以時熙熙皞皞於堯天舜日之下無復

向隅之悲也余不佞亦得藉手以少承 聖天子德
意無負斯民之父母嗟乎乘輿難於濟人投醪何以
醉衆一養濟烏能盡宜之人而濟之然愛牛王齊仁
言挾纊一念不忍遂見天地之心况司民牧者苟坐
視赤子之瘡痍而不一爲拯恤惡在其爲民父母耶
此余不佞勉爲是舉期少逭負乘之萬一也勒石以
告同志共推不忍之心如此是爲記萬曆四十三年
歲在乙卯仲夏二十日吉

李侯功德碑

明應州
員外

張應亨撰

按輿圖登郡濱海而棲僻登南百餘里此極邊之邑
蒞是邑者非得才兼文武知人善任等出萬全者亦
難堪厥任惟我邑侯李公諱升吉號慶宇雁門人也
已巳冬剖符於棲仁而威惠而信下車未及期月會
董寇猖亂我侯明耻教戰先聲震魂而棲不爲害人
嘗曰我侯文吏也而嫻將畧矣且聰以知遠安不忘
危逾明年庚午命鑄劍置石火噐弓矢無不備具延
辛未冬有據登以叛者屠戮子姓慘不忍言復陷黃

棲霞縣志

卷之八

碑

二十八

陷招劫盛圍萊羽書不通奸細載道我侯秉義勇提
三尺團鄉義兵不三日而有半萬計捐金調食人人
樂戰相地調度各盡其險乃身沙北寨立芝南封西
寨班山東棧涼口遍築箭牌週城陷坑晝則烽火浮
空夜則刁斗驚肅借著儒生叅謀寅僚何暇櫛沐未
經解甲聞萊陽告急卽整兵救援而萊城纔不致破
六月七月賊兩攻我棲城我侯披堅執銳舉旆左麾
左伏進兵舉旆右麾右伏進奇城頭火噐飛空矢石
交下禱神輒應風伯效霧一時素練精勇各呈其雄

順風一呼敵竟披靡僵僕相枕遍我城濠綠野三疊
夜之攻圍不能當我君侯之一戰迨八月而官兵至
登因敵半載兀軍中所需若豆若芻如繩如鐵我侯
匹馬逐戶冒寒親督至若風雪城頭枕戈九月間關
谿澗屈指一週此尤人所最苦而難者也守禦功成
後我侯不忍掩人之功於共武之士紳則慰勞上奏
之於効死之義勇則豐犒而優恤之於陣亡之忠魂
則設醮而追薦之猶歟功業豈不偉哉蒞棲四載噓
以和風潤以甘雨修文不忘備武撫字寓於催科真

牧民之循吏治戎之良將吾儕孤城不失得遂生全
皆我侯之再造也我侯功不宜泯用是勒之於石佐
之者有賢尉王君諱經國海澄人並與有力焉是爲
記昔崇禎六年歲次癸酉秋八月吉日

何侯遺愛碑

邑進士

李國玠

鳳樓

棲孱邑也又當大難之後邑侯何公承

天子命尹茲土未幾一歲而遷民戀之不可留謀碑勒以誌明德屬余書記其事夫棲自兵戈擾攘以來民不堪命矣田原荒於茂草丘廬剪爲荆榛入其鄉雞犬之聲不聞過國而問焉父號其子而夫泣其婦者噴噴乎盈耳也蓋自有茲邑未有變亂若是之甚者公下車惻然動念奮然與之更始與衰剔弊經始慮終讀初政一二大章朗朗數言洞悉殘黎隱痛知其挾

棲霞縣志

卷之八

碑

二十九之二

持大而所志甚遠矣時邑之頽也若瘠人之病患在膏盲治者憂憂其難之公大著調劑手相緩急而輕重布之招集流亡滅除荒稅亟力爲民請命元氣賴以不傷進老成者咨之徧詢民間疾苦如緩催徵勸耕墾獎善良澄奸蠹軫痼瘼如身受一取諸懷予之也尤念讞決之科動關民命亂國用重之書公不忍言也原情剖判必慎必矜餘民樂其好生三尺之內無冤獄焉蓋公之豈弟慈祥本諸天性其爲政也不矜名不徇俗一以至誠惻怛爲地方謀久遠之計故

能與大利除大害至使烽火餘燼猶得相生相養以
並適於光天化日之下者皆公之賜也公蒞任未及
期月一切經綸設施畧著規模而頓使風俗又安境
內翕然望治誠使歷久任以課最將必講讓型仁躋
斯民於壽愷穎川渤海之化蓋未足多詎謂操刀甫
割又將抱利器而他適乎夫以公之才行公之志無
論所任何官所居何地皆得加惠元元以上報

天子而無如棲民之失望也棲民之戴公也如天其就公

也如日微公則危者不復安亡者不復存也今撫字

棲霞縣志

卷之八

碑

二十九之三

方中不旋踵而動去志雖嘉德懿績猶足風有位詔
來茲而閩左之艱難隱忍不得上陳者多矣嗻嗻赤
子抑何相遇之踈不復得藉公以年也公之恩德在
人身遺澤在人子孫他日顯德升聞贊襄

皇路

黼黻太平之畧方將勒之鐘鼎銘之旂常同星日而

垂不朽是雖不爲公之所樂道聊以棲邑之治具而
卜其必有是也寧僅澤一邑被一方哉昔召伯惠行
南國民爲愛之慕之則封其樹於甘棠今棲民之聞
公遷也父老子弟率皆額地呼天如嬰兒之失慈母

斯以知德化之深而流澤之遠且長也余因從邑人
之請畧表其事以叙甘棠之後焉公東粵人諱際泰
字半千素爲海內大儒以戊戌進士稱治於棲云

署篆徐侯德政碑

邑廩生贈
內閣中書牟作孚

棲邑僻處山谿蓋土瘠民貧之邦也自我

皇清定鼎兵燹相繼地荒民逃賦稅之逋欠累數年而難清獄訟之繁典盈案牘而莫結以故令是邑者率多牽手羈足不旋踵而去間有一二久於其任者又皆無端掛誤不克令終三十年來以治績升庸者僅得兩人焉說者曰棲之風氣於長吏有未宜也說者曰棲之民俗刁悍不可以德化感也嗚呼豈信然乎賈誼曰移風易俗使斯民回心而向道非俗吏之所能

棲霞縣志

卷之八

碑

二十九之五

爲然則棲民獨非三代之遺直哉亦顧上之治之者何如耳招遠邑侯徐公諱守祖字裕光三韓人傑也家世簪纓不乏從龍之彥而公則少負不羈英敏過人年弱冠分符招邑才優龔黃政邁卓魯五載之中謳歌載道嘖嘖稱奇棲人之瞻依仰望也久矣已未冬來署茲邑甫下車卽問民疾苦嚴革積弊陋規不期月間民俗爲之一變賦稅猶是也向之猷扑不前者今則輸將恐後矣胥役猶是也向之舞弊爲奸者今則奉法惟謹矣至若愛民造士息訟勞農戢暴安

良輕賦恤獄種善政難以更僕數士民歎如父母
敬如神明僉謀叩陳 上臺題請兼攝兩邑而例有
所不得行也今我公不幸仙逝矣而實德莫述祝頌
無由棲民其何以爲情哉爰是臚列政績壽諸貞珉
誌公之德久而彌芳傳公之名遠而彌著徐公撫棲
之婆心庶自此其不朽也已倘後之令棲者聞風興
起得其意而做行之積逋可清獄訟可息民俗可勸
吏弊可懲將見名登上考超擢隨之庶幾知斯民非
甚無良而棲邑之猶可爲也徐公不大有造于棲也
棲霞縣志 卷之八
二十九之六

哉是爲記

一減羨耗在前徵銀每兩羨餘壹錢外以叁分爲
解費公悉除去以兩兌兩量留起解之需民咸
樂輸

一禁科派在前上下之費多派地丁公日號笑赤
子何以堪此一切報罷至歲終填宅常例彙行
蠲免黎庶其蘇

一嚴積蠹在前蠹吏多肆侵漁那輕移重害官及
民牢不可破公神武不試吏咸畏服兢兢守法

積弊立清

一革押差在前每社遺差督催正糧多以里甲爲奇貨公追徵有法民樂子來卽里長亦若無事立革其差人咸便之

一飭銀役銀匠認看銀色民多被其勒索動輒鎔化耗折無筭公著爲定例但期足色不許任意傾銷每兩給錢捌文適足供炭火之資兩稱無累

一恤行戶在前各行定有官價公一切日用俱現

棲霞縣志

卷之八

二十九之七

發紋銀市厘無擾

一慎刑獄公嚴於執法濟之以寬非有大故不行羈禁囹圄頓空民無冤獄

一杜刁風時俗多偷好爲健訟輕生之徒多自盡以希圖賴公張示禁約槩置勿論由是民以捨命相戒或逞私忿無隙可控動以欺隱地畝爲辭莫可究詰公稔知之嚴懲刁告而無情者屏息今稱無訟焉

一端士習棲士日賤公起而貴之崇禮義勵廉恥

完糧而外不聞追呼之擾多士從此自愛絕跡
公門文教頓興

一扶良善在前無籍之徒武斷鄉曲人多患之公
扶弱抑強暴惡望風斂跡四民帖然

公署事僅半載實心實政難以殫述約舉大畧
可見一斑聊以當甘棠之遺意云

康熙十有九年庚申孟夏月吉日

陞任羅侯德政碑

邑進士 牟國玠鳳仙

公福建永安人諱南星字榆園於康熙辛未冬由拔貢膺

簡命來綰棲符棲彈丸疲邑也兵燹以來瘡痍未起者三十餘年前任父母相繼撫綏而積弊叢奸牢不可破安常襲故民氣未舒乃至視田產爲棄物有典田於人而棲身無所者有乞代招錢糧而以其地白送者有荒蕪其地而遠避之他鄉者蓋棲民之病也丁地捏報於重科寄庄懸攤於里甲追比弄權於吏胥單棲霞縣志

卷之八

碑

二十九之九

頭分押於社差名目繁而加派滋種種陋規日出而未有已斯民幸生

堯舜之世耕田鑿井而日腴月削甚至賣田鬻子而猶受

敲扑此民所以奔竄流亡而不暇顧也公下車清問民艱噢咻布德日劑量於百里間舉前政之不便於民者盡行罷除首葺苛派寓撫字於糴徵正供之外一錢不選先是郡丞崔公來署篆目擊瘡痍勞心綏撫然五日京兆未幾返轡自公臨而民氣復矣思艱圖易一以崔公德政爲師蚩蚩者祇相安於蕩蕩平

平之域如鳥翔天如魚游海如嚴冬之後乍覩陽春
欣欣然境內皆載生色也例歲有管糧徵胥類以厚
資營謀得之其志在於漁利遂以公事爲弁髦官無
課額確據但憑徵胥之口爲完欠勤惰不分而勤者
亦惰公於課額先清其原升堂比較展籍瞭然徵胥
不得高下其手無事嚴刑督責民咸樂輸至遣差押
社需索魚肉則有之矣於公事實全無裨益也公槩
停押差官無廢事而里井不擾至土棍豪猾恃強陵
弱實繁有徒交通奸胥下吏取必於官而禍福乎人

樓書縣志

卷之八

碑

二十九之十

小不如意災患立至相習成風雖士林不免公崇正
聖邪豪強歛跡太陽一照陰霧旋消非中流之砥柱
歟俗尙之不古也徃徃有投繯病故輒以毒命竒冤
紛紛其控不過原告希冀借此以罔利耳而鄉下愚
民稍有身計者或至田產丘墟家貲蕩然而無所陳
訴公獨其弊指稱人命混賴者除卽立行掩埋外仍
以誣告嚴懲而健訟頓息邇年來封疆大吏雅尙清
操乃官不敢干以私爲取徑於旁竇牘胥招權結之
以厚賂提差下縣飽之以私囊此非民膏何以供之

公淵然無欲苞苴悉捐但知恤閭左之艱而要津之
德怨任之乃有彌縫日工究亦未盡脫然公獨抗志
孤行各上憲心且儀之非潔操勁節實足感孚能於
盤錯中別利器耶他若崇學校以優士子寬刑罰以
疎文網禁刁頑以安良善嚴賭博以弭盜原發庫粟
以賑孤貧罷行頭以通貿易食不兼味衣必再澣敵
車贏馬坐無重裯一意與民休息三年間棲邑氣象
改觀洵

與代良司牧哉夫自

棲霞縣志

卷之八

碑

平九之十

聖朝開國以來棲之賢宰固衆矣而大有造於棲者惟我
公與前任何公爲最著何公當戎馬蹂踐之餘拯予
遺而出湯火除荒蕪之稅雪覆盆之冤保活生全如
嗣再造脂車南旋之日萬民焚香載道流涕脫靴者
絡繹不絕爲官至此可無憾矣公以清操介節受上
官之知郡守羊幣褒嘉潘司鞍馬旌獎中丞
部院飛章特薦

九五之上已知公與宰輔器而姑以州牧借公一籌蓋欲
以邊關鎖鑰試鴻材而大用也今琴鶴將泮新任矣

闕邑紳衿父老折柳牽裾難於言別依依繫戀之情
視何公有加焉僉議稱公德政鐫石以垂永久夫公
善政班班胡可更僕數而余獨舉興除之大者畧述
梗概而三致意焉亦重念此民焉爾於戲宰棲如公
昭代一人而已居嘗慨故明之世牧民者刻削以爲政寧
獨無軫恤之心歟亦曰吾將營高官擁顯秩不得已
而重累乎民然多不免於自累公清風兩袖止知愛
吾民也由今觀之卽謂之善自愛也可得失從違之
際後之賢宰來臨者定知所以辨之矣

修城記

署教諭
事舉人
吳

棲霞初未始有城壘土而域迨嘉靖戊午倭寇泛海
士民皇悸邑侯李公擬焉雉以石堞以磚圍四百三
十六丈高二丈八尺若圖其家政期爲不可搖之業
然內附未完公以事去嗣是惟補葺已爾越萬曆丁
丑登倅宋公視篆閱月城樓窩舖翼翼山峙矣緒令
鮑公單車隨至乃按行嘆曰城無內附竊思其復於
隍也已遂命工伐石役用舊編料用罰鍰高圍石壘
咸如外城幕陳公董之戊寅二月事竣堅厚塙廣直
棲霞縣志

卷之八

記

三十

與翠屏白洋映帶而索迤且縣治前居民擁迫不異
面墻公捐俸易之闕衝一衢樹坊一座題曰毓秀其
迓祥視遠若啟牖排軒以觀日月之光於戲厥功偉
矣可泯泯已耶諸鄉彥及林生彥郝生靖王生之垣
等懇余記余惟洛邑之營始之召公使攻位而五月
位成成之周公命殷廢而殷廢丕作何者民之攸暨
悅之真也茲城也李公首事於創始宋公續事於暫
署鮑公成事於初蒞而民心後先如一豈偶然哉李
公之遺愛長遠矣宋公俄傾之化藹若春膏而鮑公

理諸公之緒枚枚秩秩惠無批政嚴無峻刑上下融
融安堵庶幾哉周召誠成保民之意乎由斯地利人
和相爲固結後之循良必道然動悅民之思而霞城
太平百千萬億無窮極公其乎先之績哉時相鮑公
以治者則縣丞黃公主簿李公敬併書之以垂不朽
宋公諱守孟長治人李公諱揆銅梁人鮑公諱霖青
陽人黃公諱茂梯儀真人李公諱蒙訓河曲人陳公
諱法合肥人

建廟學記

金李純甫撰

登之棲霞瀕海之壩阜昌初薙荆榛而縣焉地屬齊有秦漢之遺風故其人尚鬼道近世又以丘劉之說行蜂圍蟻結雲鼓波湧駕飛翬連巨棟塗金鏤碧其費不貲蓋與紫微之宮瀟陽之殿相兄弟羽衣緇冠之黨遐想蓬萊方丈隱隱在目曉聞亦天下之奇觀也獨章甫縫掖之士呻吟於華門龜牖之下茫無歸宿之地絃歌之音聞而寂然則素王之道幾何其不胥而爲黃冠之所涵耶卽今天子嗣位之元年有縣

棲霞縣志

卷之八

三十二

宰李公景道故河中府君景韓之季也下車將祀先節吏曰無廟當奠牲帛於廳事公大愕經營之志油然而蒂於胷次矣會士庶以興學請公欣然許之第以城邑窘隘未拓其址一日巡檢魏伯雄牒來屏西有隙地請舍諸公廨於州太史木甲公曰可主簿趙守真尉蒲察張奇實贊成之各捐廩粟以助費不徒而役不賦而征陶者瓦斲者斤鍛者火丁丁甍甍版土既封殿於其中翼以列廡繚以崇墉厨以西齋於東辰在舍而載火西流而畢輪焉奐焉沉沉乎新宮矣

繪塑之功尚盡其巧俎豆之器一鼓而成自是扼腕
之方士知仁義之學垂髫之小兒有揖讓之風其褒
衣博帶者將裝裝而來洋洋乎聞雅頌之聲於落成
之際會公被檄有京師之行屬其同年交李純甫志
純甫牢辭不可遂折簡於棲霞之士曰儒者之言與
方氏之說不兩立久矣請以近喻諸君嘗見夫海乎
汪洋澄渟浩無涯涘際空如碧白波不興魚龍鴻洞
不水其水此儒者之所謂日用而不知者隱然而風
雷震劃然而蛟龍鳴非不砰轟可喜大抵索隱行恠

棲霞縣志

卷之八

記

三十三

君子不爲彼方士之所慕吾儒之所羞也山東賢士
大夫觀水於其瀾必有能辨之者他日魁閣傑異之
才飄然凌雲志氣穿天心出月脇騎蟾蜍斧桂樹通
籍金馬待詔玉堂登瀛洲而仙去視方士之言如蒲
風逐影將一洗而空之庶幾不負吾兄之意則吾言
尤信

重修廟學記

明登州衛進士戶部主事吳國相撰

李侯領聖天子休命出宰棲霞是邑也窮天之際極海之濱土壤斤於山麓民物習於桀鶩地之僻而習之陋也莫是爲最李侯大有懼色君子慰之曰道之行也不以地之僻而自阻也不以風之陋而自墮也存乎其自新而已耳李侯至邑傳稽政典果愜前聞作而嘆曰斯民也三代之遺也可如是乎越三日瞻禮孔廟見其宮墻圯蕪齋宇淪廢器數消雜衢巷蔽翳作而嘆曰治之微也其在是乎其教化之無地而棲霞縣志

卷之八 記

三十四

俊父之未儲乎蒞政之初百務不遑首舉斯典懇懇以作新文教爲己在掄材勸工稽程考費三月之後百度告成煥然明備不復何昔之陋矣是故隆敬一亭於後端尊特制也建啟聖殿於左掖崇先德也考名宦於東祠景前哲也齒鄉賢於西楹敦文獻也考禮樂之器糾縶儼之頌時講誦之期懲游好之習優徭賦之筭鼓激勵之氣一時士類反薄歸厚熙熙然三代之美也斐然成章矣於戲李侯之治其知重本歟事竣師儒徵記於相相不敏敢不颺言以俟一

之盛竊惟天地之道不飭而成化聖人之教不飭而成教李侯之作新文教無非謂造化聖道之精必久而後顯耶夫樸者道之實也文者道之華也誠慤以崇其質物采以賁其章合內外之道也世之求治者吾惑焉以簡僻爲迂老以惰慢爲率真以振揚爲激烈以勵精爲繁擾因循舊做徒俟遷秩於治化之本少不垂意嗚呼文質彬彬孔子猶美周制而從之故武城喜絃歌之雅宮墻歎富美之觀皆以治不可以終陋而道之顯也存乎其文而已不然堯舜禹湯文

武周公曰濬哲文明日懋昭日新日於穆丕顯非是道與愚於是而益信李侯之作新文教誠知治之本而得道之要矣雖然作新之機有二道焉曰新民曰自新李侯其兼而有之矣是故恤民窮抑強暴懲將惰勸催科節支度振兵旅嚴城堞李侯於是不徒專於文焉而已也愚蓬萊逸人也幸親厥成慶吾道之維新也用是以勗多士其無負我侯作成文教之意亦以仰副我聖治作人求賢之化亦無徒專於文焉而已也侯名揆四川銅梁人登嘉靖丁酉鄉薦工部

於嘉靖三十七年三月落成於本年十月記之日則
次年三月也

重修明倫堂記

邑進士知
南宮縣 牟國瓏 重季 撰

人道之常存存以倫也人倫之常明明以學也古先
王設學必建堂焉號之曰明倫所以扶綱常維名教
恃此具也堂亦重矣哉我棲自

皇清定鼎以來學宮屢修矣而明倫堂如故荏苒歲久將
就圯多士憂之邑侯鄭公慨然捐俸屬司鐸朱宋兩
先生督修焉兩先生盡心董理不月告成士咸喜請
記之以傳不朽余曰誠可傳也方今

朝廷重道右文重新闕里廟貌客歲又增修太學凡爲人

棲霞縣志

卷之八記

三三三

倫風化計者有加而無已宜有司之奉行無替也而
公能加意修葺不吝捐貲以仰副

聖天子作人雅意可謂識先務矣於是則公將以堂傳然

堂非虛設也孟子曰人倫明於上小民親於下王制
曰順先王詩書禮樂以造士賈誼曰移風易俗使天
下回心而嚮道類非俗吏之所能爲也故子游宰武
城比戶絃歌王阜令香泉泮宮鸞集范甯令餘杭興
學校養生徒期年教化大行之三賢者當代頌之奕
葉稱之並其地亦永壽天壤何其榮也後之君子非

不心美之顧皇皇簿書錢穀是急而不暇及夫是
堂雖依然乎而絃歌成絕響矣公甫下車卽以斯文
爲念召諸生親試之拔其尤者獎賞之嗣又頻行考
課政事暇又數與之酌酒論文如家人歡士以此爭
自奮則今日復修講堂正本平日造士之實心爲之
古良牧之休風其猶未邈乎於是則堂又將以公傳
雖然公之意寧惟是傳後已乎堂以倫建也顧名思
義炳若日星也願自今聚斯堂者敦倫修行勉立忠
孝大節爲庶民倡坐斯堂者宣明倫理朝考夕儆令

棲霞縣志

卷之八記

三十一

士勿荒於嬉以順公教其後之鳴琴斯土者登斯堂
而興思焉以法律爲輕禮教爲重催科爲後作養爲
先亦當踵而行之俚宮墻之色丕煥絃誦之聲弗衰
庶吏治師訓士習民風交相砥礪以進於古則人倫
可常明而人道其永賴矣乎是爲記公諱占春字梅
邨福建福清人教諭朱君友韓沂州人訓導宋君其
仁金州衛人

義學碑記

邑拔貢生李任撰

樹穀必於田樹人必於學古者黨有庠術有序幼子十年就外傳十三學樂誦詩舞勺成童舞象教之循循有成法長則出貢來入橫經故人才日盛詩曰成人有德小子有造蓋以此也三代後郡縣設學而鄉學未聞焉民間子弟雖有俊秀蔑知詩書幾何而不以愚頑終也於時良司牧爲設館以補鄉學之缺名之曰義學以襄文治以育人才德莫厚焉然而行之者殊鮮其意曰此無益事何與我考成汙謂是爲無益必將以逢迎科歛爲有益幾何而不以苛刻逞也此甘棠之愛所由與菁莪之化俱泯也方今

棲霞縣志

卷之八 記

三五之五

聖天子在上興學右文大化翔洽海內靡不向風而所在

奉行德意能以實心行實政者惟我邑侯鄭公爲最公闡中名宿秉鐸臺灣榮耀而蒞茲土下車以來草陋規除私派恤荒而澤及飛鴻編審而恩流比屋事以休養斯民爲念其於士也則有行者優禮之能文者甄拔之又不時課藝不時招飲以提撕之貧者或賚以金粟周恤不一而足被其教者咸感且激蒸

蒸期爲良士隣境亦多聞風而來脩卷隨考思得公
一言之褒爲榮士風之丕變從此可卜矣詩之頌君
子也曰豈曰弟豈以強教之弟以悅安之如此而後
謂民之父母公庶其無忝矣乎又念里巷窮民力不
能延師以教其子若弟多不免廢棄乃擇西關隙地
創建學舍甫鳩工適有省檄召公辦差趣就道乃命
捕衙督修剋期視成公旋羅城中總角並遠近願來
學者於其中而選師爲之訓焉一切皆公捐俸自爲
之事竣屬予爲記以勒石子思棲之絃歌寢衰也以
自公始何公之雅意樹人爲

棲霞縣志

卷之八

記

三十五

朝廷

廣德造之化者如此其殷殷無已耶昔子產之相鄭
也殖田疇教子弟仲尼稱之曰惠阜茂之宰密也力
行教化漢帝褒之封爲侯他若翁仲通令武平買地
建學以教民而家絃戶誦壽安尹玉山創立書院及
貢奎之爲義塾以待四方學者而名皆煇耀史冊以
公方之何多讓焉余故喜而誌之以見公之有造於

棲者大也而况既修以後有舉莫廢後之人必將慕而效之倣而行之而公之澤且歷萬世無替也則斯學也雖謂與甘棠比烈也亦宜

悅心亭記

李任式沈

人情莫不有悅悅乎內悅乎外皆悅也然在外之悅得之則欣失之則戚雖高爵厚祿榮耀一時而究於我乎無與非真悅也在內之悅大行不加窮居不損雖遭逢靡定夷險殊途而一無所累於其心乃真悅也真悅未可以矯而致在乎人之自得耳重季牟先生令南宮歸年尚壯都門故人多勸之復出先生弗應曰吾所悅不在是吾將以丘經老矣宅東隅有園就其地構一亭與南山對艸色嵐光時時在目先生

棲霞縣志

卷之八

記

三

悅之亭之前鑿一池池泉甘冽可烹茗中畜金魚十餘尾常游泳水面上先生悅之池週圍砌磚爲檻檻上置梅蘭二三盆檻下栽竹一叢菊數本風晨月夕竹影花香清幽可愛先生悅之因名其亭曰悅心亭悅心云者悅在內而不在外也亭上有古史數卷常評點之倦則焚香靜坐或與子姪講學論文所接見者二三知己外無多客官衙非公事不一至歷寒暑晦明無日不在亭有所悅故也先生負公輔之才宰一邑未竟所施人謂先生必鬱鬱不樂而先生怡然

自悅如是非矯也先生爲令廉明仁厚去之日泣送者數百人爲立碑爲建祠先生之名成矣云胡不悅家居差足自給又多賢子弟或溫醇而秀雅或磊落而英多冠帶雍容聚樂一堂先生之情適矣云胡不悅憶先生解綬時寄書於其姪中翰君曰吾罷官覺味淡而旨噫非實有所得亦烏知淡之中有旨也繹斯言可以知先生之心矣古之名賢告休多以酒爲悅栗里香山皆然先生不甚好酒而無乎不悅悅山水悅雲悅月悅棋悅琴悅花竹悅游魚鳴鳥人知此

棲霞縣志

卷之八 記

三十三

先生之所悅亭內皆有之而不知皆先生之悅之寄而非先生之真悅也先生之真悅惟理義耳孟子曰理義之悅我心猶芻豢之悅我口此性分之悅人心所自有而陷溺者不知也閔子曰入聞王道則樂之出見龍旂又樂之此性分之悅易爲紛華所開必厭飫久而乃得有芻豢之色也先生得之矣惟所得常足於中故不假欣戚於外不假欣戚於外故能知足能知足故墨綬不以爲輕山田不以爲薄歸休不以爲寂寞陶陶乎無往而不悅也與世之役情富貴而

戚戚焉終其身者相去何如哉予與先生爲心交知
先生之悅之真而慨世之能有此悅者少也爰爲之
記

棲霞縣志

卷之八 記

五之四

尊經閣銘

元翰林
學士 張啟嚴 撰

惟人與物同具此形物得其氣之偏人得其氣之靈
曰靈伊何萬善是生一爲所見之或蔽則私欲馳騁
而無極聖人出而是正敷天倫之叙昭垂乎六經所
以爲百王之觀法爲萬世之儀型實哉張公尹茲山
城構傑闢於泮水揭尊經以爲名考其命名之本意
信乎見道達而燭理明想其文化流行洽於民情禮
讓之風以興絃歌之聲日藝力行乎正途而不倦心
醉乎至理而不醒日新又新之不已可不謂明德之

接霞縣志

卷之八

銘

三十七

維馨若然則公之化斯民也庶幾三年之有成彼有
術智能之末技聚黃金而滿篋斷喪本心之至善能
不抱愧而過斯處噫地闢俚月樓高擗屋在一時爲
觀美會不知遺千載之餘麗金山可傾閣不可傾金
山可平基不可平壯乎道之元氣至萬世而燁燁青
青子矜於焉研精來遊來歌請觀斯銘

長春真人道行之銘

元翰林學士王之綱撰

扶桑賓日東海東三山並與蓬萊通羣仙來往乎其中
長春仙人道業隆出世不與羣仙同雲衢矯矯如遊
龍倏爾逕造崑崙峯重闕一見禮貌恭付真訣開
息聰潛德上聞達帝聰安車就徵示尊崇慶會千載
不易逢萬里又覲天九重敷陳至道皆由衷默然化育
存神功帝謂天錫吾仙翁一時寵眷恩數濃王章
褒護猶悱懔浩然而歸何匆匆奔走請謁來王公天
長入主修廢宮清明肇起元教宗無心橐籥猶守中

棲霞縣志

卷之八

銘

三十八

殆非人力由天工四方學者如雲從智愚賢否者陶
鋒藩籬那肯分渠僂雷雨一夕騰虛空山摧澤涸頂
吉凶世緣八十談笑中後人嗣教追芳蹤脈脈若存
久益豐璠章藥笈今擴充故山之勝白雲封有時猿
鶴悲秋風亭亭貞石新磨礪樹之祠傍伴岩松松枯
石爛海水紅仙名不朽垂無窮

麟仲牟公墓誌銘

有序

中書舍馬

廷撰

東海牟氏代有顯人爲棲邑文獻族相傳以詩書禮樂世其家年祖鏗明經秉鐸陰行善生子八皆士林翹楚一時有高陽周士之謠仲子麟仲先生余年伯也因長公述齋與余同捷南宮爲陳雷交遂得讀年伯家訓與傳序跋贊之文其一生文學孝友謹論評謨諸名公鉅卿言之詳且盡矣再爲鋪揚則蹈架屋疊牀之譏畧爲披陳懼有落錦遺珠之嘆聊綴銘詞以表聞風興起高山景行之意云敬銘曰

棲霞縣志

卷之八

銘

三八之二

增補

驪珠在淵其川自媚隋壁在石其山自潤君子在野其德自豐世無真儒瓦缶雷鳴惟我年伯潤山之壁媚川之珠孺慕情篤南陔可補墳篋師友謝草唐竹教宗家語持聞有術清白貽謀鳳毛式穀士苴軒冕蘇孺箕瓢惟公乃至邑宰上書原隰的的則壤定賦大經大猷桑梓食福富江之逸洛社之英聿我年伯何以狀之青箱世澤玉樹才名孤松叅漢海鶴凌雲正位是立安宅吾居千秋宗範可以起予

邑乘序

知縣 何思鰲

邑之有志關涉吏治匪淺鮮也由今上諭居邇迭稽因地而宜順民而使則一開卷益耳顧獲不足徵也可奈何余故亟亟購遺書采故實意且經始有王生之垣手一編以進曰棲霞志藁邛所自曰嘉靖間諭廟君澍嘗率太學生王誥集焉嗣是訓任君傑又嘗率諸生王瑤于鯉林繩武郝棠續焉惜未成書遂塵家壁此一時乎其可興也已余喜竟所讀則萬曆己卯而上文多闕事復歲異而月不同且致疑王氏一

棲霞縣志

卷之八

序

三

家言也屬博士先生羅君細嚴君三策仍率之垣等拾遺而核實閱數月授余全書余始得以山簿之餘膏宵之力稍稍贊一詞舛者易之當者因之燕者芟之漏者益之間綴數言漫摭一得是可以志乎久汗懾不敢出擬藏拙也會督學李公徵志諸郡邑下令昔卽無今必有余又不敢不出噫歎今郡邑志卽古所謂方書志都邑簿風土記之流皆史之別也譚何容易哉余旣乏四聰又匪三長其何能詳詳畧畧而斐然賦章乃以當作者則謂之何第曰不有草創潤

色焉施令他日東里君子提槩而來然藜一枝歷史
成而文足徵也余不得爲神誼耶儻庶幾矣萬曆辛
卯莫春上瀚之吉書於水蘄堂中

邑乘序

明邑人 牟道行

縣志本自王氏家抄成於何老師手筆考訂濶色雖因實創也自里社戶口錢穀山川景物宦縉節義王言藝林凡關盛衰繫休戚昭法戒者靡不備載有論有斷有傳種種皆肝膈語蓋吾師家視邑而子視民故舉接之情形宛然在目爰是上之督學大司馬李老師稱之曰是必能爲樓霞者梓而弗就迄無所成歲庚戌不穀宰宜陽始謀歸德別駕姪鉦共梓成書遂與職方輿圖諸誌林相輝映俾吾樓不至喪失而

樓霞縣志

卷之八 序

四十一

求諸野師之手澤由以不朽予師弟兩人相成之誼亦藉是以不朽矣徵述巔末期與斯志而共徵之不穀甫遊庠後生新進落落未有奇也師課藝諸生覽螭技而咤以爲最且以爲相見之晚也蓋鼠而朴之燕石而珍懷之曠然馳騁黃牝牡之觀矣辛卯不穀試秋闈遂竚多士網駕焉獲闈天閉敢矜逸足而吾師一顧之惠溼於孫陽所當在三戴之者然駑駘無能更步以貽吾師羞牝驪之觀不猶虛望耶惟是志之梓有以竟師之未竟倘異日父母吾樓者咸心吾

師之心棲之縉紳士義夫節婦聞吾師之誌棲者觀
感興起則師之不朽當何如不穀亦少答在三之誼
而異日者亦知吾與師始終相成之誼如此則固有
所謂不朽者已昌黎氏有言曰莫爲之前雖美弗彰
莫爲之後雖盛弗傳茲於斯言庶幾焉師之長公諱
如申官大叅次公諱如龜官諭德列魏齊無行將大
揚其道於天下萬世倘欲採先武過化之神以廣家
乘則斯固其印證也又微獨志吾棲云爾故謹述其
槩以志諸不朽如此若夫頌揚象藻表揚瓊華則有
贅爲萬曆壬子中秋之吉

牟麟仲家訓序

大學士澤州 陳廷敬 說

古之學者莫不有師至於公卿望族則相傳自有家法子與氏所謂樂有賢父兄也小宛之詩曰明發不寐有懷二人我日斯邁而月斯征家庭之間兄弟相勗但曰無忝所生甚矣父兄之教之所繁重也東海牟氏代有馴行而麟仲公能以孝謹世其家痛大父早世率先伯氏督課諸季擬義方之訓不啻先人之耳提之面命之諄履懷戚如讀蓼莪之詩未嘗不爲流涕也夫一夫之田蕪穢不治有苗有莠八家之井

樓霞縣志

卷之八 序

四十二之二

增補

刈穫不時有歉有穰今公兄弟八人先後卓然成立譬之保嘉穀於鍼芒而獲秋成之穎栗固天之誕降有殊而芟柞耘耔之辛勤蓋非旦夕所能責報也余不識公而公之昆季兩人出余門下今又獲交公之子農部公述齋循循謹飭言動以禮是能世公家法者公雖不顯於時讀其與縣令諸書乞除過撥歇地之累言利病爲最悉樓霞人陰受其福而不知也則公固已施於政矣經曰惟孝友于兄弟施於有政是亦爲政由是言之是編也豈直牟氏之家法哉與凡

爲人子爲人弟及司牧者告固善天下而有餘也是
爲序

棲霞縣志

卷之八序

學士之三

增補

垣家世縣治二百餘祀未聞樓有志嘉靖丙午先君伯泉翁誥曰郡邑志所爲存往迪後也吾邑獨無何以徵觀化謀於學諭羅源周師澍共輯之採往蹟於耆宿拾遺文於斷碑分府校讐不越月而脫稿以力誠未梓家藏之俟勤政者追戊午先君謝世川中李父母揆令是邑之明年購之垣家示學訓任師傑率弟子先仲父季泉翁謠變區于公鯉麓泉馬公時正志軒林公繩武池山郝公潔等相與重訂甫成李父

棲霞縣志

卷之八

跋

母以事去年復一年其本傳落僅存草耳萬曆己卯青陽鮑父母索之校中出之以應垣時值內艱受命考正蓋是書始自先帝漸及湮沒今日之命國所願也勉以讀禮之餘詳加更定乃亦未就而鮑父母以事去幸古桐何父母露穎茲邑公餘取垣所存稿親乘筆削潤色事辭類極數語條綴一斷該而理簡而文無能增減一字翼工付剞劂未果至萬曆庚戌棲志始成兆可牟公時筮仕定陽暨乃姪靜甫時判歸德相與梓之蓋聞不朽事三立德立言立功何父母

下車以來綏寤懷寬威得煦良服無赭歲無褻德功
懋矣維是一編數十年間諸君子之手凡幾更而竟
成於此日立言固有待乎其於不朽蓋兼之矣不肖
垣亦何幸傲何父母暨牟公惠使克畢生平未畢之
志且以藉手謝兩先人豈偶然哉不揣謏劣僭言末
簡蓋亦重有感云萬曆壬子仲夏之吉書於坦蕩軒

中

麟仲牟公墓表

大學士沁州吳

瑛端識

登之棲霞有君子儒焉牟其姓作孚其名號麟仲績學力行爲善於鄉顧數奇不遇齋志以歿歿而更一紀其子怕舉進士官內閣中書未幾逢 覃恩贈麟仲如恒官甲申秋恒持大宗伯長洲韓公所爲麟仲傳謁余而請曰吾先人之葬已久未有刻文莫由光泉壤示子孫敢丐夫子一言表墓道用垂不朽恒余年家子也又晨夕上下共事將七載揆義不可辭按牟氏系出楚之公安其始祖敬祖來仕於棲因家焉

棲霞縣志

卷之八

墓表

四之二

閱數傳洎麟仲之父鏜以明經授霑化訓導有丈夫子八鳳伯居長麟仲其二也方弱冠父母俱卽世備歷艱辛痛厥弟幼愿弗逮趨庭懼無以紹先業爰擬親命以命已及諸弟其意勤以懇其詞婉而肅冀當感動益自刻苦以有成庶慰親於地下也諸弟各受教惟謹以次採芹食餼名噪黌序中其季弟國瓏於戊辰捷南宮辛未成進士與其伯兄壬戌進士國玠後先輝映棲人美牟氏家世者咸嘖嘖稱麟仲孝友不置云麟仲少魁岸負氣節昂然若鶴立雞羣見者

莫不聳異常鍵戶誦讀爲文高邁屢試輒前茅或動以私利則退怯遠避如懦夫顧勇於爲義邑有大利害卽侃侃白諸有司前後爲何令吳令所器重每折節咨訪督學使者按部舉行優有司兩以麟仲應士論允服焉久困棘闈下帷攻苦仍自若推其所以教弟者教子一門內昆季子姓熙熙然有絃誦之樂有簪組之榮宜其臻大耋享期願以彰天道之報施善人夫何得年五十而崦嵫忽迫豈理可必而數不可必耶抑天之報施不於其身於其身後耶昔歐陽文

棲霞縣志

卷之八

墓表

四十四之三

忠公有言士之爲善者雖湮沒幽鬱其潛德隱行必有時而發而遲速顯晦在其子孫恒也取高第而職西清其前此矣方今

望天子以孝治天下所以褒寵勸勵臣子之意靡不隆且厚恒尚勉乎哉夙夜匪懈卓然自樹立用副無忝所生之訓人將謂棲霞麟仲牟公於是乎不朽則夫顯揚烜赫其親者正未有艾也姑表諸所以俟之

烈婦林氏墓表

明教周澍撰

嘉靖二十二年十一月三日烈婦卒謹按烈婦姓林係本縣荆芥社人年十六適邑人隋一龍妻匝歲一龍嬰疾危篤烈婦度不可起先期至母家訣曰今而後吾不復來矣毋駭其言因詒曰夫或不起則寡婦也寡婦其復出乎初不疑其死也未幾一龍死邑俗屬纊時移廳事沐浴衣冠以俟氣絕明正寢也烈婦待夫命盡遂之臥內自經時喪事匆匆闔眷聚哭未遑更顧烈婦烈婦雖常有死殉之言而人亦不以爲

棲霞縣志

卷之八

墓表

四十五

然也頃之解嚴失烈婦所在恠之索之臥內而烈婦死矣嗚呼死生亦大矣人有一髮之利尚眷眷不忍舍豈有頓捐生而不恤者哉太史公謂死有重於太山有輕於鴻毛夫人孰不死惟夫決性命之情而失義理之正故有當死而避苟偷視息者矣若夫豫定於疇昔之事慷慨於須臾之際如烈婦者豈可觀一二於千載哉烈婦以粉黛笄禕之人非有詩書之學發師友之漸磨而義烈出於天性若素教然世之讀書窮理稱名儒者一旦臨死生禍變之際遑遑顧忌

若不忍舍及事機一失大節頓墮抱愧終身後雖欲
死亦無及矣視烈婦壺不深可汗顏也哉

侯贈文林郎兩舉鄉飲大賓鳳伯牟公暨歐李

何兩孺人傳

中山王之樞 恒麓撰

牟公國玠字錫韓號鳳伯山左棲霞人也牟氏於棲
爲冠族甲第而仕宦者代不絕而公爲人尤端慤醇
謹讀書積行世其家年十六舉博士弟子有聲郡邑
間二十三父母先後不祿以平昔未盡孝友罪莫贖
不可以爲人於是深自刻勵以省其身時昆弟八人
公爲長仲弟亦列名膠庠餘幼未成立饑寒坐困仲
弟與公笄笄相對愀然曰困至此極矣非奮志讀書

棲霞縣志

卷之八 傳

四十一之二

無能有起色公感其言因獨以身支賦稅慶弔事而
令仲氏攻苦身先以課諸弟寒暑晨夕無少間公天
資過人肆應之餘常就几案爲諸弟講授每一追念
先人則悲慟哀傷嘗有不得於心引楚自撲其掌以
志傲悔或述父母遺訓以訓諸弟諄諄若面命以故
諸弟皆勤惕修行學文相繼受知於學使公二十八
而食郡餼重加省謂人不能稍踐形卽虛生天地爰
作鑒心錄以自鏡妄念一生則筆之於編務朝夕觀
覽以繩愆謬無阿邑遭變玉石俱焚公兄弟繫獄者

七三年然後雪雖在縲紲日與諸弟考文藝採史略
讀書樂道如其素歲丙午公遂領鄉薦壬戌登進士
方公之領鄉薦也傲諸弟曰我之倖科名非關學問
由先世積善故且先澤深厚矣應必有昌而熾者而
公之弟國瓏姪恒惘相率取科第如公言然皆父兄
教子弟用爲家法其未舉進士而乘鐸長山也值裁
俸與同官各餘七金以食同官某苦祿薄也公曰余
輩官雖卑職司風教任重矣君今初涖此我任已多
年雖食此猶曠職是懼君但自盡其職勿戚戚爲也

同官以爲然公在長山歷八載集佐貳同官約尚德
會進諸門人講學考業勵以名行不徒爭詞翰工重
修學宮殿廡及門閣之頽敗者復造齋房十餘間旣
登第當辭任所存錢粟以次賑資貧士貧民並鰥寡
孤獨廢疾不得其養者當是時邑宰巨室交愧士民
爭誦甚有唏噓流涕者瀕行環而送餞者填塞於道
馬至不得前及歸無復留心仕進築書堂令羣子姪
萃處而一意訓教之上稱先德下究文字疊疊講述
常夜分不寐自幼至老好讀書終日危坐手不釋卷

性尚樸儉雅不喜飲酒非祭祀享賓客不肉食見
中有飾器用美衣服者戒子孫勿效課農桑以贍其
身非公事足不履有司之庭澹然無營鄉國重其品
值行鄉飲酒禮合樂三終居西北賓位者再所著有
體恕齋詩文集家訓家譜及修邑乘諸書卒年六十
七遺命十有六條大都望子孫以希聖賢之意不徒
洞達死生之際而已也公之子慎廩生孫曰篤庠生
循飭好學能文章曰贊曰符俱幼而業儒人以爲積
行善誨流澤久遠之驗云 公元配李氏性婉和相
棲霞縣志 卷之八 傳

夫子有舉家風事翁姑以孝聞翁姑卒季弟瓏甫七
齡撫之極其周至弟瓏依依左右寸刻不能離親之
如慈母守夫子家法唯謹卽偶有過情相加無幾微
疾言遠色不幸早逝臨終睽睽以公幼弟爲念今逾
四十年季弟居嘗思及淚猶潄潄下非夫人至性懿
行迥出閭閻恒流曷致此後夫人何氏與公同郡人
素以恭順端淑甘貧習儉稱閭里迨年五十八而公
捐館一痛幾絕誓以身殉子與婦及諸姊妹臨請節
藁多方慰釋之不聽遠近姻族聞之羣聚挽留且引

且譬而終莫以回夫人心夫人因相告曰我年就老
無幼子女當撫子婦皆成立向者飲食動履爲亡者
扶持周旋今則已矣白首相從地下足矣何苦稱未
亡人悲悼餘年爲殫散所有以予侍公湯藥之人而
自棄其生家人不及覺也嗟乎視死如歸致命遂義
聖賢豪傑之難事非易責於巾幗中者而夫人獨能
之史書所稱烈丈夫何以過哉然苟非實得於夫子
講論之餘熟聞夫禮義之訓烏能捐生殉節略無孺
忍之志如斯耶吁夫人之氣烈牟公有以邇之也已

棲霞縣志

卷之八 傳

四十六之五

樞曰余幼聞牟公濟川之佐我真郡也多善政父老
歌思其德者久不諼有孫國瓏今復宰我郡之南宮
惠愛如其大父何牟氏世有造於我郡耶惟公善承
先澤而益培之爾公爲濟川家孫而瓏也則其弟曩
者余一見公於燕邸衣冠言貌甚古穆異其爲人而
瓏也出余門因得知公行事更悉焉其行成乎身而
道訓天下陳太丘之流亞歟六十而後超然吏隱高
臥林泉爲聖世之逸民易曰鴻漸於逵其羽可用爲
儀公之謂矣

勅贈徵仕郎內閣中書麟仲牟公傳

長洲韓 葵 纂
撰 廬

先生牟公名作孚字信萬登州棲霞人初名國璞字舍輝爲邑名諸生以舉恩贈徵仕郎內閣中書舍人父鏗男八人先生則其仲子也甫弱冠父母俱卒日夜哭泣自力於成而推以易其諸弟常先其伯兄時季弟未入縣學痛親之愛憐少子之意嘗擬親命以命已曰我父母若曰辛卯歲爾母棄爾輩去逾年爾父又棄爾輩不得見成立爾父母遺憾多也爾弟幼棲霞縣志

卷之八 傳

四十六之六

惟爾輩是依有能抑其驕制其矜教以義帥以正鼓舞以作其勤撻記以戒其惰是惕其心者也戚也有緘其口藏其舌誘以淫佚倡以邪說待之如賓加以以貌是忘其心者也疎也爾尚念茲其日誦勿忘又擬親命以命其弟曰我父母若曰爾幼惟爾諸兄是依爾諸兄有抑爾驕制爾矜教爾義帥爾正鼓舞以作爾勤撻記以懲爾惰是戚爾也爾其敬而從之苟反是是疎爾也爾其和以商之爾尚念茲其日誦勿忘伯兄國玠亦賢者也約其義而爲詩曰人有百行

孝爲之首親立行矣孝乃在友幼弟無成維我之譽
先訓如在銘心誦口又曰人有百行孝爲之首親其
往矣志昌厥後身爲白丁云胡不勸先訓如在銘心
誦口今進士中書舍人恒者先生子也先生常條其
命兒者曰體親心勿致疾亟讀書時努力敬爾諸父
與諸母友爾兄弟以及於爾妹若姊爾惟夫夫以刑
于婦婦均平爾慈及臧婢事罔小大知儉知勤可長
久又條其命婦者曰爾毋自請其所須必謀諸小姑
無暱於而家以從其夫上堂省姑日惟四脫有誦讓

棲霞縣志

卷之八

傳

四十六之七

色以愉無蓄私財事無專揚聲勿高言無誣日侍姑
側亦無戲以渝見私親語勿絮而夫是俱先生之教
如此棲霞人稱牟氏家法云嗟夫教家之難也往往
功名震世才氣發聞而揆諸家人反身之義玷闕者
衆也先生篤於知本矣如其訓也可以風世先生於
世好泊如獨勇於爲義其鄉之利病不啻如其在已
嘗爲縣言過撥地糧之害過撥者始縣四十六錢
糧俱在本社數頗均而催征便自過撥法行田與籍
貿亂稅多寡不均或社東而催征於西役煩民苦又

言縣熟地歇地之別熟地者歲耕不歇計畝而征歇地者山坡川澤或歇一年二年而一種向逢丈量不在丈限乞仍舊貫由過撥之說則經界之所以當正也由歇地之說則一易再易之所以當差也豈獨一縣爲然哉故并著之足爲凡司牧者告且以待後日史氏之有考焉

棲霞縣志

卷之八

傳

學志

烈婦呂氏傳

署登學教 授進士 邵士梅 撰

氏家於山左之棲邑父名甲字海臣別字痴人邑學生也母藥氏邑故家鳳洲公之伯女歲甲申春二月藥氏夢神人貽仙桃一枚吞之覺以其兆語夫夫占得兌之上爻曰此女象也藥氏遂娠於是年十一月朔三日巳時產一女因以其占之卦名名焉是氏之始生固有異乎人者矣後復舉二子一名大呂一名仲呂皆氏之同母弟也氏生六歲卽請女紅九歲氏父乃許字於邑庠生劉焜之子坦爲室坦少氏二

棲霞縣志

卷之八

傳

四十七

歲歲甲午氏母藥氏卒氏父乃寄其子女於鳳洲公之家而入勞山肄業氏同其兩弟依外祖父母而居其事外祖父母如其父母然以故得外祖父母歡嘗語人曰有甥如此吾女可以安然於九原矣越明年乙未氏父復娶邑之故家衣氏爲妻是氏之繼母也氏事之夙夜匪懈下氣怡聲衣氏稱其孝而氏慎終如始未敢以孝自居父因性情中正每取烈女傳教之氏皆能記誦且不忘自是之後非刺繡則誦讀未嘗一日或弛女訓也卽刺繡之中亦有異乎人者大

約於花則喜刺菊曰取其貞也喜刺蓮曰取其潔也
喜刺梅曰取其寒而能馨也於鳥則喜刺鴛曰取其
定偶而不亂也最厭琵琶曰樂此豈正音乎厭對再
熊婦曰此等人尚有面目見人乎及辛丑之歲棲邑
盜起烽火無息時氏且十八歲矣父念其于歸愆期
於冬十二月除日草備粧奩而嫁於劉氏焉結褵未
幾適舅姑有招達之役氏從其夫同往雖流離困苦
其執婦道惟謹亦可知氏之間視勤而室家宜也無
何於壬寅之夏四月而夫病矣氏勉進湯藥寢食靡
棲霞縣志卷之八傳

四十六

遑晝夜不解衣帶者三十餘日再逾月而夫之病且
篤矣夫病危語氏曰我不能保其生善事後人氏泣
對曰君何言乎詩云忍着主人衣爲人作春妍倘旻
天不吊君歿我且以身殉矣敢有二念遂不食三日
至五月十七日酉時夫歿氏仰天大哭悲痛幾絕鄰
婦某氏趨往救之方甦氏怒曰子救我乎害我也某
氏曰子適劉無出年在齠齡何自苦乃爾氏曰生爲
劉氏人歿爲劉氏鬼理宜然也人有百歲不歿者乎
從夫地下吾願足矣又何憾焉某氏因他往氏乃解

帶自經於夫側是時乃本月之戌刻也次日父往吊
之曰兒兮兒兮爾果死耶吾可謂有女矣鄉鄰聞之
皆曰此奇節不可沒也遂以其事聞於上云

烈婦柳氏傳

邑人 李唐裔 撰

柳烈婦者本縣白馬社柳長生之女邑生員高朝舉
次男庠生高灝之繼妻也灝初娶程氏生子甫五歲
而程卒繼聘柳氏氏幼孤撫養於外祖生員馬胤祚
家貞慤性成能曉大義十六歲歸灝爲繼室灝有痼
疾柳侍湯藥久無懈色微見不悅則和顏受笞以釋
其怒灝且歿曰我病久良苦汝異日他適幸勿怨柳
曰夫婦同體德怨安從生君善保重勿以妾爲念妾
志已定恨不能爲君養幼子耳灝默然未幾而氣絕

棲霞縣志

卷之八

傳

五十一

柳辦理棺殮至痛無淚遂於夫殮之第三日縊於柩
側歲九月侍病八月年十七君子謂柳氏潔正誠信
果於就義詩曰德音莫遠及爾同歿柳氏之謂也贊
曰柳氏節義殉烈矢志夫方就殮赴之不貳誠信勇
敢必歿無避君子美之以風晚季

牟麟仲先生贊

大宗伯杜 臻 肇餘
秀水

粵稽盛世孝友之風先著閭里茲有牟公居東海濱
篤實踐履元耶凱耶同氣八人公惟仲氏親之云云
七在膠庠一纒亂齒童子何知教迪不先逝將踞弛
公曰嗟吁弟也無成時予之恥弟維兄依擬父母介
爰勗諸已兄維弟撫擬父母命爰勗厥弟三弟肄業
或荒於嬉其忍扑捶弟責兄陪厥數維均嘗膽差儼
卒就成名茂實英聲蟬聯鵲起庭闈肅穆少長內外
不愆爾止子舍有條是訓是行之綱之紀友于刑于

樓霞縣志

卷之八 贊

五之三

增補

古貌古心嘖嘖遠邇下帷丘園鍵戶經年不入城市
有關利病慷慨陳辭篇牘綮綮當事虛懷亦欽德範
咨詢無已爲言地糧過撥之弊聿宜痛洗過撥伊何
糧不歸社推彼收此爲言清丈熟地歇地無容混視
熟地伊何膏腴歲收有穰無毀歇地伊何一易再易
垂諸周禮侃侃立言弊剔奸釐君子用臚豈惟一鄉
準之寰區斯真經濟伯兄有言仲氏多才我非其比
太史作傳謂有父風斯言良是余聞其風古人中求
今誰乃爾懿行嘉言可風斯世可垂青史天之報施

不於其身則於其子厥嗣奮迹驥首皇塗良不虛矣

懷慶縣志

卷之八

贊

華之全

增補

古風

浴溫泉

明知 縣 何思鰲

嶙峋艾山麓小有通靈津流出雲開坼湯湯尤不倫
煮石沸瓊珠煙霧浮荆榛穿沃阡埒間方池面面勻
被糝解沉疴相傳捷有神所以沂上人來往無冬春
我正苦煩溽一浴蘭芳新頓覺渾肌理還能湛天真
德水自希避空懷淨土因君不見集父洗心非洗耳
孺子濯清惟濯塵山中俱是換衣者出門恐已受汶

汶

棲霞縣志 卷之八 詩

五十一

遊濱都宮

明萊陽 知縣 左思忠

仙葩銷炎燠微涼生層闕披襟受松風伏盤延山月
半夜白鶴鳴何處玉簫發卽是羨皇心飄然物可忽
清露沾衣裳不知何漸沒

步前韻

明邑 人 林翰邦

來聽道士琴步入神仙闕夕日落下山好風吹上月
坐久塵慮忘酒闌豪興發真道自幽深世人何倏忽
白鶴大如人窺闕出復沒

步前韻

明邑 人 牟道行

縱步踏層芬徙倚元都闕悠然凌天風綽矣餐林月
眼空大千塵浩興乘虛發青紫豈云真黃白詎容忽
勤儉利名關浮雲多出沒

步前韻

邑人郝晉

秋半携筇遊拂蘿入貝闕楓丹綴晚霞竹瘦生涼月
鳥向樹頭鳴山從雲外發玉池吊遺踪滄桑何飄忽
羽客方談元隔林村火沒

讀牟麟仲先生傳

狀元諭德胡任輿芝山
江寧

書云孝友施於有政縱未獲施其本已正卓哉牟公
棲霞縣志卷之八詩
辛二

生有至性見義必爲與物無競孔孟是師聖賢自命
憫弟早孤代親未竟教而兼撫既嚴且敬課藝傳經
立心制行總藉薰陶致揚名姓門內肅雍家規端令
約已利人風高節勁爰及象賢嗣徽衍慶雁塔飛聲
鳳綸掌柄經濟初徵勲猷正盛世德作求吉暉相映
所惜我公席珍待聘其志未成其業未振然亦可爲
世風堪爲人鏡也已

書牟麟仲先生行畧後

巡撫汪灝文漪
河南

牟公垂家誠煨煨內則篇讀之未終卷清風吹我前

燕居儼朝儀太丘光簡編松栢有本性擢枝亦貞堅
令子掌絲綸翼翼凜冰淵早知永箕裘奕葉歌蟬聯
薄俗安嘻嘻駿厲久無傳曲臺尊嚴君家肥非徒然
願同顏氏訓留輝琬琰鐫

牟氏家訓詩

有序

侍御呂履恒
新安元素

同年牟述齋出家訓示余則其先公麟仲先生年
伯所擬親命及其伯父鳳伯公所爲四言詩是要
焉親命者擬親之命以命已若弟痛厥弟之幼且
恫弗逮趨庭而代教之以冀有立也其詩曰親其
棲霞縣志

卷之八

詩

五十一

增補

往矣孝乃在友幼弟無成維我之咎辭指深厚藹
惻有韋氏顏徐之風焉因繫以詩
成周際太和宇宙一以新豈惟其君聖亦越有良臣
詩人歌張仲史氏紀君陳卓哉棲霞公今之初古入
昆弟如八龍厚德軼陳荀所嗟棠棣榮不見萱與椿
庭訓以思成警欬聞吾親訓辭旣深厚聲詩如先民
吾聞漢石氏家風稱至淳何如牟氏子群季皆鳳麟
事兄若嚴父娣姒咸彬彬厥惟家督賢義方命有申
須爲孝友傳特書告青旻

五言絕句

誠語 四首

元 丘處機

世情無斷滅法界有消磨好惡榮心曲漂淪奈爾何

又

有物先天貴無名自不生人心常隱伏法界任縱橫

又

雜亂朝還暮輕狂古到今空華空寂念若有若無心

又

狗物雙眸取勞生四大窮世間渾是假心上不知空

棲霞縣志 卷之八 詩

五十三

春日望翠屏 十首

何思齋

翠屏何崔巍蒼蒼靑饒春色小窗相對開山樹屋頭又

又

翠屏何崔巍城郭藉其下流霞出洞頻殘瓦落庭榭

又

翠屏何崔巍隔窗送明媚謝眺有餘青不數東山屐

又

翠屏何崔巍界天亘千尺白鳥度村巒劃破一山青

又

翠屏何崔巍上有桑麻頃野老鋤白雲彷彿非人境
又

翠屏何崔巍牛羊下山夕牧子隱豐林歌聲遙前席
又

翠屏何崔巍雲嶺踏青破日暮未歸誰高枕石頭卧
又

翠屏何崔巍不雨嵐煙濕清光欲照人排闥直深入
又

翠屏何崔巍佳氣抱林麓好風吹下山應通迓七星
棲霞縣志卷之八詩
五十四

又

翠屏何崔巍苔封舊遊跡蕭關山下人誰是羊公石

步前韻 十首

牛道行

翠屏何崔巍萋萋芳草色風傳衆壑喧煙籠一徑仄
又

翠屏何崔巍雲光射上下排闥度雙青返照入高榭
又

翠屏何崔巍遠岫露光媚倚杖嘯長林穿雲著纓屐
又

翠屏何崔巍凌霄看咫尺振衣御風輕天光萬頃碧
又

翠屏何崔巍白雲三萬頃物外絕紅塵疑是蓬萊境
又

翠屏何崔巍殘照夕陽夕片月飛長空虛明當檻席
又

翠屏何崔巍展印苔文破捫蘿藉綠茵欲傍崖扉卧
又

翠屏何崔巍嵐重沾衣濕勝具濟遊情紆迴磴道入
棲霞縣志卷之八 詩

五十五

又

翠屏何崔巍霽色滿山麓霏微雲氣橫噴吮比王屋
又

翠屏何崔巍念故成陳跡仰止峴山情洎灑嶙峋石

七言絕句

浴溫泉偶感

唐太宗妃■氏

滄海隆冬也異常小池何事滾如湯溶溶一脉流今古不為人間洗冷腸

按部過棲霞

元東西道徐漢臣

天外青山山外天澗邊茅舍舍邊田農家自得耕鋤樂飽翫白雲共紫煙

過棲霞

元東西道王君實

蓬萊南境是棲霞近水依山數百家風俗若能存古意武陵誰去覓桃花

棲霞縣志

卷之八 詩

五十六

棲霞道中

文翔鳳

雨臥焯炊就此間松濤檜韻不曾關潛龍過澗還疑客語鳥安林自遶山

浴溫泉

何思鰲

碧沼虛涵一鑑清潺潺湧出夜珠明緇衣不染紅塵色徒倚滄浪咏濯纓

題艾山

明兵巡道錢勗

三疊嶙峋筆架攢中峯特起出雲端登州嶺嶠多如

簇惟有茲山獨好看

望翠屏山

郝晉

一聽驪歌泪欲斑危岑幾度水聲潺
忙趨不是爲中熱只乞山中雲半閒

南宮歸咏

牟國瓏

清風兩袖意蕭蕭三徑雖荒與自饒
世上由佗競富貴山中容我老魚樵

五言律

詠樓霞 十首

金令李惠

瀟灑樓霞縣週圍幾百家人淳無寇盜地窄少桑麻
古道依山險孤城傍水斜時平省公事日上未參衙

又

瀟灑樓霞縣羣山擁石城屋頭千似聳林表數峯橫
煙靄侵衣潤嵐光照眼明微官養疎拙多病也身輕

又

瀟灑樓霞縣山荒遠驛塵休言君處僻幸免送迎頻
樓霞縣志 卷之八 詩 五十八

海近魚蝦廣泉井酒醴醇長林堪憩息咫尺對城闌

又

瀟灑樓霞縣區分十五都耕耘田瘠齒負載路崎嶇
蠶老攔街簇牛稀合戶租民淳質良美耳筆莫相誣

又

瀟灑樓霞縣村墟一望迤邐偏疎客旅山近足薪樵
夏半天微雨春深雪未消年豐人樂業處處起歌謠

又

瀟灑樓霞縣山高茂樹重煙嵐巖紫翠花草亂青紅

幽壑驚湍瀉巖崖細路通登臨須盡日醉耳愛松風

又

瀟灑棲霞縣巉巖仰艾山排空青鬣懸到景水灣環
雪霽堆雲浪雲收擁翠鬟誰能卸塵網個裡一生閒

又

瀟灑棲霞縣金山古道場花鬢崇帝釋碑刻紀開皇
地僻煙塵遠庭空檜栢香老僧欣客至汲水薦松簧

又

瀟灑棲霞縣靈宮蔽太虛壇場天地府松竹道人廬

棲霞縣志

卷之八

詩

五十九

一點無塵跡千函有藏書何嘗叩真寂重整舊藍輿

又

瀟灑棲霞縣幽深吏隱堂門庭終日靜花木四時香
枉笏吟清健推琴脛思長人生安樂耳何處問仙鄉

省耕

知縣 盧 信

二月饒春色千般媚玉鞭名苑香折露高樹綠浮煙
鳥影拂山障鶯聲雜野絃乘時省農事不爲賞心便

遊濱都宮

世人 牟道立

薰杖星霜護逍遙趣有濃河陰開荇藻天半落芙蓉

靈境多佳况名山有巖巖長春知不違仙侶可相從
講長春像 何思齋

長春不可見遺像挹清輝霧谷椒園岳松門塵尾揮
蒼茵敷石坐山鳥厭人飛忽作千年想緬懷丁令威
謁長春像 牟道行

扶筇開卷翠存息合幽栖鍊藥探金筍朝天祈玉圭
竈然凝紫氣路迥濕青泥爲問長生訣塵根豈自迷

艾山

郝晉

攀躋來天上逢僧意更幽層峰環翠壁曲水漾珠流
棲霞縣志 卷之八 詩 六十

鳥韻鐘聲合嵐光樹色浮望中諸品淨似向鏡臺遊

感紳士等公舉嚴君崇祀賦謝 牟鏗

想我嚴君政優游易且平何當畏壘祝溢發里人情
敢謂昭公道差堪識且評銜恩無以報佩戴有餘生
得先府君宜陽三詩泣然有感 牟國瑾

王父昔年政相傳清且平開渠萬世澤讞獄一腔情
代隔觀輿論名存待史評千秋崇祀遠吾祖尙如生

遵原韻

牟國瓏

數載東陽牧深慚政未平悠然念祖德何獨協輿情

虎渡當年誦魚懸去後
訶家聲清白在願已歎浮生
遵原韻

牟 恒

異代懷前蹟琴堂咏
治平餽芬尊祀典歌頌識人情
揚美孫曾責持公賢哲評
邑中存古道遠勝大梁生

山齋卽事

李 任

室靜臨空澗人閒坐
翠微鹿麕當几臥
蛺蝶扶書飛
幽水花爲檻荒垣
苔作衣此中幽興足
何必子陵磯

棲霞縣志

卷之八 詩

六 卒之三

增補

七言律

慈濟都宮

何思齋

元貞制作孤覺在學士文章片石留還是兩朝三聘
地如何千樹一時秋望中獨有吳門馬雲外空招秦
谷牛羸得浮生開半日數聲清磬共悠悠

登聖水菴

何思齋

掬水尋香入翠微隔林浮度午鐘希路攀危磴蒼茵
滑泉劈輕煙白練飛澗道細看梳石髮雨聲驚聽擊
雲扉經營却羨如神漢我欲覩瓊坐不歸

棲霞縣志

卷之八 詩

六十一

登聖水菴

牟道行

村逕崔巍路更深支離鶴骨便登臨雲埋大陸空巉
峭鐘逗虛堂遠石林雨濺珠光齊拂面脣飛素練獨
清心瀟瀟袖底驚回首欲覓仙源不可尋

溫泉浴罷登覽

翰林王言

天削芙蓉倚太空紫霞遙護翠微宮仙臺彷彿遺丹
火古寺依稀辦法鐘石磴漫攀忘力怯雲峯欲度幸
躬逢馮高極目驚秋晚四野疎林入壘中

金山八景 八首

郝晉

其一

翠屏出雲 山頂
有篋將雨則雲生

天門臺嶂芙蓉連上有靈竈吐似塵機見氣盈迷翠
樹忽然飄飄匝青天莫誇楚岫從龍起爭看蒼梧翼
鳳翻無俟崇朝消世愜通成霖雨灑桑田

其二

艾麓溫泉

石竇元津一鑑開氤氳紫氣籠珠胎光涵素魄金波
靜暖浸冰姿玉影回洗去煙嵐獨漱灑濯來星斗共
徘徊幾翫倚徙瑤池側移取清輝入酒杯

其三

長春仙井

棲霞縣志

卷之八

六十二

仙子成仙去不還空留仙井海東邊盤殘時作雷聲
轉砌古每多紫氣連數仞嚴虛能注海一泓澄碧可
藏天更聞異事駭人聽有類荒唐未盡傳

其四

岨嶠金牛

孤峯突兀勢凌蒼洞有金牛宛服箱色出荆枏多繁
爛精分麗水自輝煌藏深不向桃林牧光迥仍懸斗
宿旁久已傳聞未許見令人空憶五丁忙

其五

城頭朝霞 旭日將升每
有霞光盤旋因以名縣

其峯迥抱彈丸地每到凌晨瑞色盈方似錦文機未

織旋如紅綃縷初橫不隨孤鷺散滕閣應逐仙衣
偃城想是崙山分赤水團城靈氣覆蒼生

其六 方山晚市

人傳海蜃結成市不意此山市亦同幾處旆旌捲日
月數層樓閣倚崆峒忽然景物疊青嶂倏爾滄桑逐
去風若是坡公得一見賦詩不在海雲東

其七 龍石印跡

躍鯉池邊草色茸在田片石寫飛龍爪牙猶挾風雷
勢鱗甲常滋霖雨容可使葉公開畫筆擬同費子投
陂筇雖然歲月已更久仍自生雲護碧跡

樓霞縣志

卷之八 詩

六十三

增補

其八 虎洞遊效

虎子多年已去山至今遺洞在山間松聲抵壑如聞
嘯霞彩橫天擬窺斑滿腹殘烟深藹藹倚空峭壁色
殷殷尋常莫道石文剝談到雄威便改顏

覽宜陽殘破誌感

牟 鏜

錦屏嶺下戰雲稠極目荒涼繞洛洲蓬蔽官衙鶴唳
寂燼餘民舍雁悲流孤樓四野人踪絕鹿豕下山燐
火浮幸際龔黃司撫宇殷繁時看駕先游

又

憶昔從嚴覽境稠，今何蕭索徧溪洲。
郊原荆棘腸堪斷，廬井丘墟淚欲流。
閔閔故交幾聚散，芝蘭父執半沉浮。
澤遺五世知存否，徒仰清風傍月游。

遵原韻

牟國瑾

宜陽編戶昔何稠，兵燹惟餘蘆荻洲。
夙好交知多散失，舊經旅店半移流。
空山落日千村冷，衰草荒烟四野浮。
往代遺風誰與問，悽愴嬾復步郊游。

又

棲霞縣志

卷之八

詩

卷三之二

增補

幾載甘棠惠愛稠，空遺飛鳥遍汀洲。
箕山無復行春跡，洛水依然逐夜流。
文獻莫徵稗史沒，關河遙隔斷雲浮。
當年故吏今何在，敷政但聞優且游。

遵原韻

牟國瓏

先君登眺興何稠，每望三山想十洲。
對酒揮毫多雋句，看花携伴盡名流。
中州撫景悲歌壯，棠邑行吟逸氣浮。
趨侍音容還似昨，追隨空有夢魂游。

又

纔武思殷入夢稠，分符旋復臥滄洲。
紫山敢望屏山

峻漳水難同洛水流落落行踪廿憇息茫茫宦海任
沉浮含情惟念天中遠何日擔囊一徃游

遵原韻

牟恒

競誇洛邑錦雲稠還見滄桑換碧洲治譜尙同嵩岳
峙棠陰猶繞澗溪流高風東海先型迥古誼丹陽壯
氣浮獨幸遺篇遠相寄愧無瓊玖答交游

又

祖烈綿長支派稠宜城廟繼亘神州三詩篋內光猶
燦兩世雲中影欲流瞻顧圖書存手澤仰承堂構敢
塵浮西清匏繫頻吟咏菲質無能接上游

登岨嶠山

牟國瓏

東郡名山世久傳攀登直上青雲巔松嵐簇擁千峯
翠草色霏微萬壑烟憶昔藏金推舜代至今出日說
堯年不知石洞牛安在耕得春郊萬頃田

上元後屨學師朱先生次日以詩見惠答之

傳柑節後筵重開爲迓高軒賦落梅幾樹銀花喧鼓
吹一輪明月照亭臺香留如接令公語詩逸堪追摩
詰才安得鯁堂常對酌春風座畔日徘徊

袞衣博帶日爲群
皓首窮經道未聞
造化生心真抱璞
聲施蓋世盡浮雲
德高不必夔龍業
品重何須班馬文
濂洛薪傳今尙在
流風誰復嗣遺芬

其二

雅淡蕭疎靜者居
名心利念早須除
未能定性難稱士
若是嫌貧莫讀書
黃菊籬邊把酒坐
白雲隴上帶經鋤
此中自有千秋業
駟馬高軒比不如

其三

樓霞縣志 卷之八 詩
李亨 增補
弟兄處世貴清真
又恐清真與矯鄰
養度須教風滿座
澄懷應似月無塵
重持已諾稀招怨
輕受人恩多失身
但使波濤忠信涉
天涯在在是通津

其四

靈府重關未易扃
由來主敬是心銘
事云有定翻無定
意似無形却有形
半句邪談遮日月
一毫私念怯雷霆
聖狂分界爭多少
欺慊時時宜自惺

其五

入道方知道岸遐
莫將鶯語闕麗華
學非孔子孟終爲

歎才卽伊川奚川誇欲有言時先戒躁每逢樂處要
防奢豈非招忌皆因滿大器中虛誰得加

其六

經天綿地盡綱常砥柱中流分所當休借詩書弄筆
墨宜知忠孝是文章奸雄萬世名猶穢貞烈千年骨
愈香豈爲釣譽高氣節歲寒自爾著孤芳

其七

森森荆棘塞儒林泗水淵源要自尋不盡五倫楊墨
教能知一恥聖賢心毀行多本圓融起守正何妨疑
謗侵果對衾影常不愧幽居應有鬼神欽

其八

丈夫立志在家修何事嬉遊春復秋芸局藏書朝檢
點蘭膏繼晷夕搜求寸陰能惜方成聖隻字弗通猶
抱羞莫借稽康高自况韶光不爲懶人留

遊丘真人菴

李任

長春長春我來訪叩之無語空山響獨倚古松仰太
虛白雲自來還自往雲往雲來日悠悠欲從何處覓
浮丘且歸小榻焚香坐竹徑花畦卽十洲

壽明經牟桐齋尊堂李太母 有序 李 任

吾郡孝友推鳳伯牟先生家爲最先生昆玉八人
失怙恃時多弱齡其間闈家風修行課業俾諸弟
克底於成者伯與仲也其率諸弟遵兄教惟謹者
則龍叔公也其內助則李太君也蓋二嫂賢而早
世惟太君爲妯娌長倡先和睦家無間言垂老訓
子姪猶有九熊風牟氏門閭日大科第纏聯太君
實與有力焉不傳何以勸風化故於其懸悅辰爲
詩以祝庶闈闈中有聞之而興起者乎

棲霞縣志

卷之八

詩

李三之六

增補

田荆姜被世流芳內助多賢有孟光鶴髮今傳母德
厚鹿車昔景女詩良趨庭塔下多珠樹介壽筵前進
羽觴綸閣馳封來有日榮褒不愧受金章

壽明經牟澹齋尊堂李太母 有序 李 任

祝詩近諛予素不爲茲因太君懿行實有足傳其
莊敬以事夫也相對如賓不讓齊眉之案其義方
以訓子也微愆弗恕依然斷杼之風至和妯娌理
壺務與三太君共相一家孝友表表在人耳目間
以垂彤史奚愧焉率題一律聊以表賢祝云乎哉

徽音豈亞古名姝巾幗居然一丈夫教子慈堪追畫
荻馭人寬復類鞭蒲多年珂里綿家慶此日仙筭添
海區竚望九重頒紫誥逍遙舞拜不須扶

論曰文者貫道之器也而邑志所登與居平言
文者有辨有接以來墨卿哲匠代不乏人含英
咀華均成鴻寶顧邑事不相關涉雖摘藻颺音
風教無與焉故何侯有言大哉王言志不倍也
洋洋乎聖人之言恣畏也識廢興者足以觀旌
賢烈者足以勸歌風而諷俗者足以興采風藝
苑其亦垂世立教之意歟若乃旁搜遠攬勒爲
大觀以備著述而光簡策則嗣修之責端有賴
於博物君子矣

棲霞縣志跋

邑侯胡公畿輔名傑也

奉

上簡擢蒞治於棲甫下車

跋

即有志於治天下之

大端先徵境內圖籍

或以殘缺對侯慨然

曰邑無志往蹟奚稽

且不習爲吏跡已成
事志固官方寓焉非
司民牧者之責乎迨
治歷八稔其於山川

跋

二

賦役人物風俗知之
咸悉廼博采群言
蒐徃帙爲此邦文獻
作不朽計既成屬余

言以附後余竊譚郡
邑有志方諸古列國
史無二乃自總志通
志郡志而外屬邑每

跋

三

自志之各成一家言
豈不且省郡第挈其
大者纖細曲折彙括
不遺莫詳於邑邑之

志可少缺歟雖然難
言矣勉近類有作者
體裁人人殊總不離
乎核寔傳信足垂不

跋

四

朽者爲當矣識曠達
源遠雅負史才而又
集邑之紳士商確而
共訂焉余取其書讀

之大都不尚張大筆
削唯詳筆削詳吾知
其體必嚴不尚張大
吾知其詞必謹文直

跋

五

事核稽肆闡幽誠信
史也夫舉一邑將墜
之贖典一旦續而新
之燦然布諸方策俾

後之考政學禮者欲
定古今綜名寔無鉅
細隱顯咸在目前則
賢矣文教之功何可

跋

六

誣也余休養林泉久
踈翰墨快觀斯舉而
喜矣之爲樓計者深
也於是乎書

晉

龍飛康熙壬子孟冬之吉

賜進士原任清水縣知縣

邑人孫鏡仙宮父撰

效

七



